



247.23

*Ca Bibliotheca PP. Ere
mitarum Camaldul.
Crēni Vigrensis.*

Biblioteka
Ojców Kamedulów
w Bieniszewie



FLORES SENTENTIARUM

In amænissimo Paradisi Blossiani

HORTO,

Eremiti

S E V

Insula Vigrensis

Ex Opusculis,

LVDOVICI

BLOSSII,

ABBATIS LÆTIENSIS

decerpri.

Ad odorandum Pusillanimitate,
Serupulis, & desperatione labo-
rantibus, rectioris vitæ institu-
endæ causa porrecti,

Et per alphabeti literas ordine
distincti,

A N N O

*Supra Millesimum Septingentesi-
mum Quarto.*

CRACOVIAE, Typis ACADEMICIS,

FLORIS

SENTENTIA

IN

HORTO

IN

EVDOVICI

RECTORIS

ADHUC

ADHUC

ADHUC

ADHUC

ADHUC

ADHUC

ADHUC

ADHUC


AD LECTOREM.

Flores fragrantissimos, non ex voluptarij Alcinoi Hortis: nec ex avari Mida roseto; pratiq; Elyseis; sed in amanissimo Paradisi Spiritualis Viridario decerptos, ac in unum libelli hujus fasciculum collectos tibi ad odorandum fero, Lector benevole. Flores inquam gratum spirantes odorem. Et qui nunquam flaccescunt, sed semper virescunt, ex Horta Ludovici Blossij, Abbatis Latiensis, Viri, tum pietate, tum Natalium splendore praestantissimi, ac in omni disciplinarum genere exercitatissimi. sublimi doctrina, exculto: praecipuas nempe Sententias, ex Cedro dignis ejus lucubrationibus excerptas profero; non ut corporeos recreent oculos,

sed ut odore, ac suavitate caelesti,
languentium in pietate reficiant a-
nimos. In Hortum hunc liber uni-
cuiq; patet ingressus: ibiq; per va-
rias Sacra Scriptura artificiosè di-
stinctas areolas spatiari, omnis li-
bertas: Vbi videre est, albicantia
puritatis Angelica Lilia: rubentes
ardentis charitatis Rosas: ceruleos
Contemplationis caelestis Hyacinthos:
purpureos finalis perseverantia ca-
ryophyllos: subrubicundas profunda
Humilitatis Violas: sacra pœniten-
tia, & contritionis elicienda Nardos
odoriferas, omnigenosq; tum coloris,
tum odoris, præstantissimos vir-
tutum flores: eosq; non solum vi-
dere, sed & decerpere, naribus ad-
movere, ac de illis caelestes coronas
texere, licet. Hoc in venustissimo
Paradisi Horto; & inordinatâ ani-
mi dejectione ac pusillanimitate ma-
ssi, optatam sui Consolationem: &

super-

superfluis Conscientia scrupulis involuti, desideratam mentis tranquillitatem: & perplexâ vitiosâq; diffidentia agitati, stabilem in misericordia DEI corroborationem, adinvenient; necnon alijs diversis medendis animorum morbis, efficacissimas quisq; pro modulo suo affatim colliget herbas. Sed manum de tabula, ego. Habes Lector Amice, hoc in libello vix non totam calossem Blossij doctrinam, ad varias quasiunculas ex prolixioribus Opusculis ejus, ordine alphabetico in epitomem redactam: quam, si attentò legeris animo (ut verbis cujusdam loquar) mel in ore, melos in aure, & jubilum senties in corde. Uttere, boniq; consule.



APPRO.

APPROBATIO.

Sententias ex Operibus Ludovici Bloſij
Abbatis Lætiensis ſelecte collectas, vi-
di & legi, & uti perutiles, ad resolvendos
puſillanimitati ac deſperationi, aliorumq;
dubiorum ſcrupulos, ut typo mandentur, ſa-
cultatem dedi. Datum in Collegio Maiori
Academiae Cracoviensis, die 18. Februarij,
Anno Domini, 1704.

M. PETRVS PRACZLEWIC,

S. Th: Doct: & Profes. Eccleſiæ
S. Floriani ad Crac: Recanus,
& in Dieceſi Cracov: Libro-
rum Cenſor. mpp.

SEN.




FLORES SENTENTIARUM;

LUDOVICI BLOSIJ,
ABBATIS LÆTIENSIS.

Per ordinem Alphabeti distincti.

ADVERSA, OMNIA DE MANU DEI.



I DEO permittēte, tantas te-
nebras tantamq; ariditatē,
duritiem & instabilitatem,
intus sentis; ut tibi videar-
is prius à Deo derelictus esse: si
tam diris animi angoribus premeris,
ut putes te infernales cruciatus per-
peti. Si molestissimæ jugesq; tentati-
ones te divexant, ut vitia, quæ jam
in te extincta credebas, rursus ma-

A

gno

gno impetu exurgunt, ac te impugnant: si non solum homines, verum etiam qui boni habentur, quiq; tibi maxime fideles esse debuerunt, te persequuntur, & maledictis atq; obtreptionibus fatigant, variisq; injuriis afficiunt: si damna rerum, & purulenta ulcera, morbosq; inauditos cum Job sustines: si corporali cecitate cum Tobia & gravissima paupertate cum mendico Lazaro affligeris: si deniq; aliud quidpiam adversi pateris? Qualecunq; illud sit, non aliunde id accipias, quam de manu benignissimi Dei, qui ex amore & pro tua salute, tribulationibus te exerceri finit. *Quidam Scriptor citatur à Blosio in Consolatione Pusillanimum.*

Item.

Qualibet adversa tam interna, quam externa de manu Dei suscipe non aliunde, etiamsi culpa tua accidant, aut à creaturis inferantur. Tu illa humili resignatoq; animo ad
finem

finem usq; propter Deum tolera: certo credens, & optimum & salutis tue convenientissimum esse, quidquid ipse Deus tibi evenire permittit. *In Tabella Spirituali.*

Item.

Adversa frequentèr immittuntur à miserante Deo, quibus nos vel purget à malis admissis, vel retrahat ab admittendis, aut virtutis exercendæ materiam subministrat. *In Consolat: Pusill. In praeclaro Dicto de Dei misericordia.*

Omnia fiunt permittente Deo.

Quandocunq; molestum, aut acerbum quidpiam à Creaturis tibi infertur: mox converte oculos ad Creatorem, Patremq; tuum cælestem, qui hoc ex amore pro tui utilitate permittit. Illum attende potius; quàm creaturas, quæ tribulationem inferunt. Hæ enim tanquam instrumenta, & secures, atq; ascie sunt,

quibus summus ille artifex utitur sicut vult, & sicut Electis suis utile novit. *In Speculo Spirituali. cap: 3.*

Item.

Neq; Cælum, neq; terra, neq; alia Elementa, neq; homines, neq; visibilia, neq; invisibilia nos ullo modo lædere vel affligere possunt, nisi Deus permittat. Nullus morbus, nullum damnum, nulla prorsus incommoditas, nos contingere valet, absq; ejus permissione. *In Enchir. Spiritual: lib: 1. In Append. Documenti adi.*

Adversa sunt signa dilectionis Dei.

SI Spirituali cognitione, sensibiliq; devotione subtrahita, sentis te obtenebratum, tardum, frigidum, aridum, inopem, & velut à Deo derelictum atq; projectum: si animi mœrore & gravibus pressuris plerumq; corripieris: si quamdiu vivis metu atq; angore implicaris: si diris tentationibus, variisq; vitiolorum impulsibus

bus vehementer impeteris: sidiuturnis doloribus & morbis, aut etiam morte amicorum, aut damnis rerum, molestissimisq; persecutionibus hominum exerceris; non propterea despondeas animum, nec inordinate turberis: sed per ista agnosce dulcissimam Dei fidelitatem & benignitatem erga te. *In Tabell: Spirituali.*

Item.

Quem Deus donis potioribus exornare, sublimiterq; transformare decrevit, eum non blandè, & molliter lavare sed totum in mare amaritudinis immergere consuevit. *In Institutione Spirituali. cap: 8.*

Item.

Si permittit te Deus tribulationibus, persecutionibus, angustis; ariditate obscuritateq; mentis, infirmitate corporis, vel quolibet alio gravamine premi: persvalissimum habe, cum hoc facere ex pura charita-

6 Flores Sententiarum.
te pro salute animæ tuæ. In Scrini-
olo Spirituali. In brevi & absoluta Do-
ctrina.

Sunt signa Electionis Dei.

ADversitas tam Spiritualis, quam
corporalis, quæ patienti & be-
nignâ mente propter Deum sustine-
tur, verum præclarumq; indicium est
Electionis Divinæ, ac veluti pignus
adoptionis, seu annulus dignissimus
illius desponsationis, quâ anima effi-
citur, filia, Amica, & Sponsa Altissi-
mi. In Enchirid: Parvul. In Appene-
Documenti: adi.

Item.

Tribulationes in hac vita præcla-
rissima dona Dei sunt, & non est ul-
lum certius signum Divinæ Electio-
nis, quam si quis adversa humiliter
ac resignato animo propter Deum to-
leret. In specul: Spirit: cap: 8.

Item.

Nullum certius signum Divinæ
Etc.

Electiōnis habetur, quā si quis tribulationem humiliter patienterq; propter Dei amorem sustineat. Illa enim est pretiosus & præclarus annulus quo Deus animam sibi desponsat. *In Institutione Spirit. cap. 8.*

Item.

Afflictio tam Spiritualis, quā corporalis amore Dei patienter perlatā. res est admodum præclara & amabile signum Electiōnis Divinæ. *In Tabell. Spirit.*

Adversa tolerata pro Deo, præstantiora sunt bonis operibus.

PAti pro Deo, res tantæ dignitatis est, ut homo jure se reputare debeat indignum eo honore. Etiam exigua molestia propter Deum æquanimiter tolerata, incomparabiliter præstantior est, quā sint multa & grandia bonorum operum exercitia. *In Instit. Spirit. cap. 8.*

Item.

Homini utilius est, etiam modicum|gravamen patienter pro Dei honore vel amore perferre, quàm grandia opera patrare. In Specul. Spirituali. cap: 8.

Adversa, immissa à Deo, securius tolerantur, propriis afflictationibus.

EA crux & afflictio, quam Deus homini imponit, multò securius portatur, illà, quam homo ex propria voluntate assumit. In speculo Spirituali. cap: 5.

Adversa ferenda ex motivo Passionis Christi Domini.

QVando consideramus tribulationes & afflictiones Sanctorum ac maximè Passionem Domini nostri Jesu Christi, omnis solatii expertem, mortemq; ignominiosissimã, & durissimum cruciatum, qualem nemo unquam expertus est, attentè perspicientes,

Ludovici Bloſii.

9

entes, quæ & quanta majeſtas illa pro nobis perpeſſa eſt: mirum eſt, ſi vel graviffima quæq; tormenta, pro illius amore pati reculamur. *In Diſt. Patrum. cap: 11. ex Ruſbrochio.*

Inæſtimabilis meriti eſt pati, in unionem Paſſionis Chriſti Domini.

Tribulationes ac pœnas tuas omnes, tam parvas quàm magnas Paſſioni, ſive cruciatibus Chriſti conjunctas unitaſq; devota mente offer Deo in laudem æternam: ſic enim erunt inæſtimabilis meriti, & ſummè Deo placebunt. *In Speculo Spirituali. cap: 8.*

Adverſis, Deus hominem mirabiliter perficit.

Ipſe Deus, aliquos quidem ex Electis ſuis in hac vita blandimentis fovet, ac cœleſti lumine illuſtrat, & mirificè afficit atq; lætificat ſed plurimos per iter aſperum deducens, permittit gravibus tribulationibus

A S

exer-

exerceri : atrocibus angoribus arctari : diutino mærore premi : Spiritu-
alis suavitatis gustu destitui : sensus
obtenebratione confundi, molesta ani-
mi dormitatione derici : miserabili
mentis distractione affligi : fædis ima-
ginibus, lascivis motibus, obscænis
somnia, dolendaq; humoris carnem
polluentis proluvie fatigari, usq; eò
vehementius plerumq; atq; importu-
nus, quò tempora sacratiora seu so-
lennitates digniores occurrunt, adeò,
ut eos, quos aliquando gloriosissimè
coronaturus est in cælis, jam dese-
rere ac prolicere, eorumq; sanctis
studiis atq; cōatibus obistere vide-
atur : sed non deserit eos, nec abi-
icit. Verùm salutem eorum mirā
dispensatione, & incomprehensibili
consilio, ineffabiliq; charitate, inter
hujusmodi calamitates promovet. No-
vit enim quid cuique expediat. In
*Enchiridio Paryul. In Append: Docu-
menti adi,*

Ad:

*Adverſa tolerantes, mirabiliter
præmiat Deus.*

QVI Deo permittente, agros, ſcultates, domoſq; ſuas perdidit: ſi exemplo B. Job, hanc rerum ja-cturam humili reſignatoq; animo, de manu Dei accipit, & ei gratias agit, eumq; laudat, qui prohibere potuit, & non prohibuit: tantam ab ipſo Domino mercedem percipiet (ut quidam Sanctorum ait) quantam reciperet, ſi omnia illa quæ perdidit, egenis ac pauperibus propter Deum erogaret. *In Dictu Patrum cap: 12. Ruſbrochius.*

Ideoq; patienter ferenda.

OMnia adverſa patienter ſuſcipe tanquam præioſiſſima xenia à Deo tranſmiſſa: ſive è Cælo, ſive ab Elementis, ſive à diabolo, ſive ab adverſariis, ſive à ſatanicæ artis Magiſtro, ſive à feris ea emerſerunt, *In Cagn. vita Spiritual. cap: 9.*

Item.

Item.

Licet insidientur Dæmones, & rationum laqueos præparent, licet virtutis iustitiæq; iter laboriosum invenias, licet iste obtrechet, & ille premat, licet frigus incurvet, & æstus urat, licet stomachus debilis sit & caput doleat, licet ingrediatur putredo in ossibus tuis, & caro tua verminibus scateat, licet spiritus tædio affectus dormitet. internoq; gelu constringatur: tu patientiam ubiq; servare memineris. *In Canone vite Spiritualis. cap: 9,*

Ferenda nec ulciscenda.

Quidquid à quovis patiaris, feras æquanimiter, & nec foris, neq; intus, nec verbis, nec factis, nec voluntate te ulciscaris: & vivet in te Spiritus Domini Jesu, & omnium Sanctorum ejus, qui etiam hostes suos, ad mortem usq; complexi sunt. *In Farrag. Institutionum.*

Feren-

Ferenda loco mortificationis.

Cum animi nostri tepor non admittat, ut carnem nostram durè tractemus: cupiamus saltèm & voluntate acceptemus vilipensionem & persecutionem, quæ nobis ab aliis inferitur. *In Dictis Patrum cap: 10. ex D. Alphonso Madriensi.*

Item.

Si maximæ felicitatis esse putatur, incidisse in chirurgum, qui corporis nostri curet vulnera (licet id non faciat sine acerbis punctiõibus medullam ipsius animæ gravissimè cruciantibus) certum est longè felicius esse, incidisse in ejus societatem, qui præter rationem malè nos excipiat. *Idem ut supra ex alphonso.*

Ferenda loco Purgatorii.

Omnis afflictio, & amaritudo patientèr loco Purgatorii toleranda est. Anima enim verè pura & resignata, mox ubi corpore egredi-

Flores Sententiarum,
tur ad Regni caelestis palatium evo-
lat. In Farrag: Insit: sub titulo: Hac
notatu digna sunt.

Ferenda loco inferni.

Meminisse debes, te innumeris
 enormibusq; peccatis supplicia
 commeruisse inferni. Sed Deum Cle-
 mentissimum tibi pepercisse, teq; per-
 dere notuisse. Vnde iustissimum est,
 ut tu molesta quæq; æquanimiter &
 sine impatienti murmuracione, ac
 verborum asperitate, aut mordacitate
 vel exprobratione, & sine multis in-
 eptisq; querimoniis perferas, etiamsi
 Creaturæ omnes, Deo permittente;
 gravius te affligant atq; persequan-
 tur *In Tabella Spirit.*

In adversis quomodo procedendum
ex Christi Doctrina. Christus allo-
quitur animam pœnitentem.

Quando aliquis tibi molestus est,
 & injuriam contumeliãve ir-
 rogat, tu cum, meo jussu tibi mole-
 stum

ſtum ~~est~~, arbitrare. Non adverſus illum irascaris, non aspera & amara verba proferas, neq; de ultione cogites. Imo nec hominem (qui instrumentum & flagellum meum est) ſed me, qui hominem talia fieri permitto, attende. Itaq; in quibuslibet tribulationibus & doloribus humiliare, & patientiam retine, teq; mihi reſigna. *In Conſol. Puſill. In Interna Allocutione Chriſti.*

AMOR DEI, ERGA HOMINES.

Eſt Duplex.

DVplex eſt Dei ad homines amor: quorum alterum quodam modo Meritum, alterum Immeritum dicere poſſumus.

Meritum ille eſt, quem bonis operibus, virtutum exercitatione præcepto-

ptorumq; Dei, & Christi consiliorum
observatione conciliare nobis, & pos-
sumus & debemus.

Immeritum verò illum, quem De-
us gratuitum prorsus ab omni eter-
nitate ex sua natura ad nos habuit,
quem sanè meriti non sumus. Et
quidam ipse meritis amor quo De-
us nos, ob sibi exhibitam veram di-
lectionem complectitur, tam infini-
tus ac vehemens est, ut non intel-
lectum modo, sed & omne desiderii-
um hominis superet.

Jam quoad alterum illum Imme-
ritum, naturalem, gratuitum Dei er-
ga nos amorem attinet; sicut certi
sumus esse Deum, nos à Deo esse
conditos, ita de immerita ejus ad
nos dilectione, & charitate dubita-
re non possumus. *In Dictione Patrū cap. 2.*

Et hic immensus erga hominem.

TAm ardens, & incontinenens est
Dei erga nos amor, ut si mors
& Passio Christi ad salvandum ho-

minem non suffecissent; etiam Pater celestis, & Spiritus Sanctus humanam assumpsissent naturam, ac pro homine mortem subiissent, quam eum perire sivissent. *In Append. Explicationis Passionis Dominica.*

Item.

Benignissimus Jesus, erga quamlibet animam peccatricem penitentem, non aliter amore vulneratus est, quam Mater fidissima erga charissimum Filium suum, aliquando deperditum, sed recuperatum. Qui quidem dulcis Dominus, quando ab anima in peccatis sceleribusq; suis remanente, & se se corrigere nolente, recedit; tam iavitus hoc facit, ut si id ipsa cerneret, medullitus compateretur tam pio Patri & Domino suo. *In Distu Patrum. cap: 1.*

Item.

Christus Sanctæ Birgittæ dixit lib: 7.

Revel: cap: 10.

Dilectio mea erga hominem, modo

do æquè grandis, atq; incomprehensibilis est, sicut erat tempore Passionis meæ: quando per mortem meam ex nimia charitate liberavi omnes Electos. Et si fieri posset, ut toties morerer, quot sunt animæ in inferno, ego promptissimâ voluntate, & perfectissimâ charitate; corpus meum traderem, eandemq; Passionem & mortem pro qualibet anima sustinerem, quam sustinui pro omnibus. *In Monili Spirit: cap: 1.*

Amor Dei erga hominem incomparabilis.

SI omnium Matrum amor, fides, & benevolentia, in unius alicujus genitricis pectus erga unicum natum suum cogeretur: tamen illa vehementissimè & temporariam, & æternam Filii sui non posset non cupere vitam & salutem: nec sic tamen tantus hic Matris erga filium suum amor, fides, & benevolentia, posset aliqua ex parte æquiparari dictio-

ni, benevolentia, quam Deus Pater
& Filius & Spiritus Sanctus, gerit
erga cujushbet hominis temporari-
am aeternamq; salutem. In *Disſis*
Patrum. cap: 2.

Item.

Indubitarum apud unumquemq;
eſſe debet, nullam unquam licet in-
dulgentiſſimam genitricem uſq; adeo
unici dilectiſſimiq; filii ſui damnum
& interitum doluiſſe; ut benigniſ-
ſimus Deus perditionem cujuſcunq;
hominis: ut potè quem tam præcla-
rè ad imaginem & ſimilitudinem ſu-
am condidit, ac tanti fecit, tantoq;
in pretio & honore habuit, ut illius
cauſa nec unico chariſſimoq; Filio ſuo
pepercerit, ſed hunc in acerbiffimam
& maxime ignominioſam mortem
tradiderit, idq; tanto amoris ardore
& intemperantiâ, ut ſi non niſi unus
 fuiſſet redimendus homo, eundem
ipſum ea ratione procul dubio fuerit
liberaturus. In *Disſis Patrum. cap: 2.*

Item.

Item.

Si cum amore, quo Deus nos diligit, conferatur amor, quem omnes unquam parentes habuerunt, habent, & habituri sunt erga filios suos: erit velut aquæ guttula, cum vastissimo mari comparata. *In Spec. Spirit: cap: 9.*

Deus magis amat hominem quàm se ipsum homo.

CRede inconcussa fide, Dominum Deum tuum magis amare te, quàm tu te ames, & diligentiorum curam tui habere, quàm ipse habeas, aut habere possis: Confide in eo plenissimè, & omnia divina ejus providentiæ sine aliqua hæsitacione committens, & omnem sollicitudinem tuam in eum proliciens. *In Scrinio Spirituali.*



AMOR

AMOR HOMINIS, ERGA DEUM.

Quomodo amandus Deus.

DEsidera, ut possis Deum perfecte pro grata voluntate ipsius amare, quòd si non sentis in te desiderium; saltem desidera habere desiderium, dicendo: Bone J^esu, ego te toto corde diligere debeo & cupio: tu pro me supplere digneris, quidquid ardentis desiderii & amoris mihi deest. *In Speculo Spirit. cap: 4.*

Item.

Si non potes ardentèr diligere Deum; dilige ut potes, & quemadmodum ipse gratiam donare dignatur. *Ibidem. ut supra.*

Amoris veri erga Deum, signa.

SCITO certum indicium verissimi amoris esse, si æquè Deum diligis,

gis, dùm se asperum exhibet, sicut dum se præbet suavem: ac voluntatem tuam voluntati illius, tam in amaris, quàm in dulcibus humiliter resignas & permittis. *In Tabella Spirituali.*

Item.

Is verè Deum diligit, cui ipse Deus est, id, quod est: cui cælestia sapiunt, terrena desipiunt: qui sensus suos exteriores concludere, & interiores ab omnibus rebus expedire, viresq; omnes Deo applicare novit. *In Institutione Spirit cap. 5.*

Item.

Qui Deum ferventèr amat, necesse est ut eum crebrò in memoria habeat: quemadmodum qui acriter sitit, non potest non recordari sitis suæ. Vbi enim cura & amor, ibi cogitatio. Rursum, qui Deum amat, non elongatur ab amore & gratia Dei etiamsi dormiat, & de Deo nihil cogitet. *In Append: Tabella Spirituali.*

Qui

Qui diligit Deum, filius Dei est.

SI Deum diligis; si bonæ voluntatis es; etiam tu ex numero filiorum Dei es. Jam si es filius, quantumvis sis parvus, eris & hæres. Quid enim? num Dominus magnos filios suos ad regnum admissurus est, & parvos exclusurus? Nequaquam, sed quicumq; sunt ejus, id est, quicumq; charitate insigniti apparent, dum hinc emigrant licet perfectam charitatem non habeant, salvi erunt: & aliquando gaudiis cæli perfruentur. *In Canone vitæ Spirit. cap: 33.*

*Amor erga Deum, præstat
austeritati vitæ.*

INusitatam vitæ austeritatem ne amplexeris: sicut plerosq; Sanctos vitam multò rigidam duxisse cognoscas. Cilicium, durities lecti, esus panis, potus aquæ, flagellatio corporis, & similia pro Dei honore purè peracta, ipsi quidem Deo placent, & ad

carnem

carnem edomandam robustis juvenibusq; non parum profunt. Verum tamen verus Dei amor hominem multò viciniùs Deo conjungit, & carnis petulantiam citiùs efficaciusq; compefcit ac superat. *In Institutione Spir. cap: 2.*

*Amor Intellectualis præstat
sensibili.*

Non angamur, si nobis deest sensibilis devotio, sensibilisq; amor: si item defunt lachrymæ exteriores, sed hoc unusquisq; curet, ut per rationalem sive intellectualem amorem, nempe per bonam voluntatem Deo semper unitus sit, & beneplacitum Dei pro summo solatio habeat. *In Institutione Spirituali. cap: 7.*

ANGELUS,

Angeli pulchritudo.

Si videres Sanctorum Angelorum pulchritudinem sicuti est, cor tuum præ ingenti gaudio rumpere.

peretur. Christus ad S. Birgittam dixit Bloſius in Monil. Spirit. cap. 14.

Angeli agilitas.

Tanta est Angeli agilitas & pernicitas, ut celerius moveatur atq; transeat quàm fulgur emicet. In Enchir. Parvul. lib: 2. Cap. 12.

Angeli non sunt ubiq;, sed ubiq; vident Deum.

Angeli ita alibi sunt, ut alibi non sint. Solus enim Deus ubiq; est. Si Angelus in cælo est; in terra simul non est. Quando autem in terra Angelus est, aut ad externa administranda mittitur; non ob id minùs fruitur jugi visione Dei, quàm si in cælo esset. In Enchir. Parvul: lib: 2. cap: 12.

Angeli an omnia videant in Deo?

Sancti Angeli, Sanctæq; animæ in Scælum receptæ vident quidem Deum sicuti est, & cognoscunt eum

B

pro

pro suo captu graduq; : non tamen prorsus ipsum Dei secretum intruentur, non plenè Deum comprehendunt. Infinitum Deum non infinitè sed finitè cognoscunt. Non omnia quæ in Deo sunt, & in Deo videri sciri q; possunt, vident aut sciunt : id namq; creatæ finitæq; Intelligentiæ caput excedit. *In Enchirid. Parvul. lib. 2. cap. 9.*

Angelorum amor erga homines.

Nulla unquam Mater erga unicè dilectum filium suum regendum, custodiendum, tuendumq; ita vigilat, uti Beatissimi Spiritus nostræ salutis invigilant : & præcipuè Angelus proprius, tuæ speciatim custodiæ à Domino deputatus. Nam nocte & die, omni loco & tempore, in cunctis causis & necessitatibus tuis summa cum fidelitate adest, & nec ad momentum quidem unquam à te recedit. *In Diælu Patrum. cap. 6.*

De numero Angelorum.

SANCTUS Dionysius Arcopagita scribit. Numerum Sanctorum Angelorum superare omnem numerum inferiorum rerum.

Plerumque Patrum existimant non plures esse Angelicos Spiritus in Caelo quam erunt boni homines finito hoc seculo: ita ut æqualis sit numerus Angelorum & hominum beatorum.

Virgo Deipara MARIA dixit Sanctæ Birgittæ lib: 4. Revel. Tantum esse numerum beatorum Spirituum Angelicorum, ut si computarentur omnes homines ab Adam, usque ad ultimum in fine mundi nasciturum: possent unicuique homini deputari ad minus decem Angeli gloriosi. In Monit. Spiritual. cap: 14.

Angeli quas formas assumunt ad videndum se.

Angelus, & omnia separata à corpore, nonnunquam visibilem formam assumunt, talem qualem vo-

luerit Deus, ut ab his conspici possint, quibus apparent: verum ejusmodi figura de eorum substantia non est. *In Enchiridio Parvul. lib. 2. cap. 12.*

A N I M A,

Anima rationalis prestantia.

Qualibet anima rationalis, (cum sit imagine summæ Trinitatis insignita) Cælo terraq, incomparabiliter præstantior est. Tantam habet cum Deo (à quo profluxit) similitudinem, ut ejus excellentiam nulla creatura, ne ipsa quidem creaturarum omnium præcellentissima Virgo Deipara capere possit. *In Institutione Spirit: cap. 6.*

Item.

Tanta est animæ hominis dignitas & tantus decor, ut unigenitus Dei Filius præ natis hominum formâ speciosus, amore ejus ardens, acerbissimos cruciatus perpeti & præ-

cio.

tiolum Sanguinem ſuum fundere, ignominioſamq; morrem ſubire non recuſaverit: quo illam à morte perpetua redimeret, & vera libertate donatam, ad cæleſte Regnum reduceret. *In Diſtiſ Patrū cap: 1.*

Anima pulchritudo.

Tanta eſt elegantia & formoſitas animæ rationalis, quàm peccatorum ſordes non deturpant; ut ſi eam clariùs cernere poſſis. vix ſcires præ admiratione & gaudio, ubinam eſſes. *In ſpec: Spirit: cap: 3.*

Animarum equalitas.

Anima non eſt major in virili hominis ætate, & minor in ætate puerili: æquè magna eſt ſi corpus fuerit breve, ſicut ſi eſſet proceritatis giganteæ: non partiri, nec augeri, nec minui poteſt. *In Enchir: Parvul. lib: 2. cap: 12.*

Item.

Anima non eſt pulchrior in pulchro corpore, quàm in deformi (niſi

B3

in pul-

in pulchro sit sanctior, quàm in de-
formi) sed tàm in deformi, quàm
in pulchro corpore est pulcherrima,
si peccatis non fuerit deturpata.
Ibid. ut supra.

Item.

Anima abjectissimi mendici, secun-
dum dignitatem creationis, non est
inferior, animà honoratissimi Prin-
cipis. *In Instit. spirit. cap. 6.*

Anima Efficitur.

Anima tota toti corpori, totaq;
cuiuslibet corporis viventis parti ad-
esse dicitur. Deum aliquo modo
imitata, qui totus in toto mundo, &
totus in qualibet mundi parte est. Pe-
culiariùs tamen in corde & cerebro
anima perhibetur esse: quemadmo-
dum Deus in templo nomini suo
dedicato, & in oratio singularis est.
In Enchirid: Parvul: lib: 2. cap: 12.

Anima propria cura salutis habenda:

UT corpore valeas, permittis te
Medico homini: credis te Chi-
rurgo

rargo ligandum, ſecundum, urendum. Vt animæ ſalutem æternam compares, non credis te Domino, Cenditori, Patri & Salvatori? Non audes dicere Medico hac & hac ratione cura me: & Deo præſcribimus, quomodo oporteat noſtræ ſaluti conſulere. *In Conſol Puſill: In præclaris Diſtus de Dei miſericordia:*

Anima cognitio, Quæ?

Anima rationalis cognoscit Deum ſupra ſe, ſe in ſe, Angelum circa ſe, & ſenſibilia intra ſe. *In Enchirid Parvul lib: 2. cap. 12.*

Animarum in Purgatorio Eleëmofyna, Quæ? & quàm grata Chriſto Domino.

Multe fidelibus animabus, quæ in pænis Purgatorii detinentur, ſpirituales Eleëmofynas, orans devotè pro illis. Quidquid pro animarum abſolutione & refrigerio præſeceris; Chriſtus, qui illas ardentèr diligit, id ita accipiet, quafi eo ad

ipsū in carcere positū venisses, eumq;
inde liberare satagisses. *In Spec: Spir:
cap: 3.* *Item.*

Pius & suavis Dominus, ipsas electorum suorum animas, quas post mortem carnis adhuc purgare necesse est, in tantum diligit, earumq; liberationem tam ardentèr desiderat, ut si nos benignā charitate moti pro illarum absolutione fidelitèr precemur, & adorandam Sancti Altaris Hostiam, sive merita Christi Jēsu, vel psalmodiam, aut quolibet alia salutaria offeramus peragamusve, hoc non minus gratum habeat, quā si eundem Dominum nostrum carcere conclusum consolationibus relevare, atq; adiutorio liberare studeremus. Ipse enim dixit, Quod uni ex minimis meis fecistis, mihi fecistis. *In Enchir: Parvul: lib: 2. cap: 4.*

Animabus in inferno pena damni gravissima.

Eorum, qui æternis suppliciis inferni deputati sunt, gravissima pena

pæna hæc est, quòd Deum in se habent, ad quem tamen nunquam pertingere poterunt. *In Institutione Spirituali. cap. 3.*

BEATITUDO,

Beatorum præmium essentiale,

Quod ?

Essentiale præmium consistit, in contemplativa unione animæ cum nuda divinitate. In hoc beatitudo animæ potissimum sita est, ut Deum sine medio contempletur: cum anima, supra omnes vires & potentias suas evecta, in Divinarum Personarum naturalem essentiam, & in essentiæ simplicem nuditatem deducitur. *In Consol. Pusill. Suso de Patria cæsti.*

Beatorum gaudia in Calo.

BEati, finita hac peregrinatione, perveniunt ad cælestem illam beatamq; patriam: ubi sublati omnibus mileris atq; impedimentis, æter-

nā requie perfruuntur adepti bonum illud, quod oculus non vidit, nec auris audivit, nec in cor hominis ascendit: ubi revelata facie, clarissimè, jucundissimè, perpetuòq; contemplantur fulgentissimam Trinitatem, Patrem, & Filium, & Spiritum Sanctum, unum summè svavem, summeq; amabilem Deum. *In Append. Psychagogia, in conclusione opusculi.*

Beati & Angeli mansiones in celo habent scorsivas.

Angeli, Archangeli, Virtutes, Potestates, Principatus, Dominationes, Throni, Cherubin, ac Seraphin, habent proprias in celo mansiones divisas, in quibus perpetuas Deo exhibent laudes. Non solum autem Angelici Spiritus, propriis in celesti aula nobilitantur mansionibus: verum etiam quotquot homines predestinati sunt ad salutem. Neq; est ambigendum Patriarchas Sanctos, sublimes Vates, Apostolorum honorabile

rabile collegium, Martyrum laurea-
rum Chorum, concordem Confesso-
rum numerum, Virginum candida-
tum exercitum, ſacratumq; Sacerdo-
rum ordinem, ſpeciales in cælo poſ-
ſidere manſiones. In uno ſiquidem
uniuerſæ manſiones ſunt loco: una
tamen quæq; eorum, pro meritis in-
habitantium fulget, deliciſq; exube-
rat Spiritualibus. *In Append: Psychag-
ogia. In Faſciculo amoris.*

Beatorum quiſq; contentus ſuâ ſorte;

IN domo Patris mei, manſiones
multæ *Ioan: 14* Apud Patrem
quippe manſiones multæ ſunt, quia
in illa beatitudinis vita non diſpari,
unusquiſq; juxta meritum diſpar, lo-
cum diſparem percipit, ſed ejuldem
diſparitatis damna non ſentit: quia
tantum ſibi, quantum perceperit, luſti-
cit. *In Psychug. lib: 4. cap. 17.*

Beatorum Corporum agilitas & ſubtilitas.

TAnta agilitate & levitate præ-
dita ſunt, ut ubicunq; anima
eſſe

esse debet, aut volet. mox ipsa in momento suum secum corpus eò adducet. Et tam erunt subtilia, ut etiam murum, æneum, centum miliaria latum & crassum, minori negotio sint penetratura, quàm solis splendor vitrum penetret. *Blosius in Farragine Institutionum de beatitudine & gloria celesti.*

COGITATIO.

Piava & obscene, quibus resistitur, peccata non sunt.

SI contingeret, vel tot incidentias aliquem sustinere, quòt momenta sunt temporis, quæ & adeò abominabiles & detestandæ forent ut similes cor humanum vix excogitare, aut lingua aliqua effari posset, de quocunq; etiam illæ essent: sive de Deo, sive de Creaturis: & homo in tali statu, uno vel altero, vel plurimis quoq; annis, contra voluntatē

lontatem suam persisteret: si saltem ratio, remorsum, displicentiam, atq; aversionem ab huiusmodi haberet: itaq; non cum plena deliberatione & integra voluntate talibus consentiret, sed potius resisteret, cum natura huiusmodi sustineat: peccatum mortale haudquaquam admissum foret. *Henricus Suso. In Consol. Pusill.*

Item.

Quando homini aliqua prava cogitatio incidit, & ipse fortassis cum delectatione ei intendit, atq; sui ipsius oblitus non ita celeritèr inde se avertit. Et tunc putat se cum voluntate & deliberatione illi intendisse, & se ipso neglecto peccasse mortalitèr. Sed absit, ut hoc esse dicamus. Concors namq; multorum Sanctorum sententia est. Rationem sæpè per importunas incidentias ad delectationem pervenire idq; satis bona mora, & longo tempore, antequam ratio sui ipsius per naturalem deliberationem plenè compos fiat, Quod cum ita sit:

fit: nequaquam in talibus mortale peccatum homines boni metuere debent. *Ibid. ut supra.*

Item.

Aliud est impugnari à vitiis, aliud expugnari. Quamdiu non consentis, quamdiu tibi displicent ipsa vitia. & eis ratione ac voluntate repugnas, non elongaris à Deo. quantumlibet illa infesta sint & molesta. *In Specul. Spiritual. cap. 6.*

Quinimo repurgant animam.

Etiam si sentires gravissimos vitiorum motus, sed eis non consentires. etiam immundissimæ imagines, vel inauditæ adversus Deum ac Sanctos ejus blasphemix se se cordi tuo contra voluntatem tuam ingererent; non contaminarent, sed repurgarent animam tuam, atq; admirandas coronas in cælo pararent. *In spec. Spirit. cap. 6.*

Item.

Certissimè scire debes; malas cogita-

gitationes quibus mens reluctatur, & quas detestatur, esse purgationem animæ atq; coronam. Si tu illas prohibere non potes; fer patienter, ac voluntate eis renitere. Et quamvis ipsis non consentias, time nihilominus ne inde superbias, & cadas. Nam quicumq; stat, solius Dei virtute stat. *Christus ad S. Birgit. In Mon. Spiritual cap. 4.*

Item.

Christus loquitur ad S. Birgittam.

VT homo intelligat infirmitatem, quam habet à se ipso, & fortitudinem, quam habet à me, necesse est, ut quandoq; permittam eum pulsari pravis cogitationibus, quibus si non consentit; illæ efficiuntur ei purgatio animæ, & custodia virtutum. Et licet valde amaræ sunt ad ferendum, sanant tamen animam, & ducunt eam ad æternam vitam, quæ non potest haberi sine amaritudinibus. Diligentè verò debet laborare anima,

40 *Flores Sententiarum;*
anima, ne eis consentiat. aut in eis
delectetur. *In Monit. Spir cap: 4*

*Cogitationes impura contemnenda,
nec cum illis disputandum.*

Multas & innumeras nefarias co-
gitationes malignus Spiritus ple-
rumq; bono homini suggerit. Qui-
cunq; talis es, bono animo esto.
Nam si prava aliqua tibi inciderunt;
cura, ut rursus excidant: nec tur-
beris animo; sed corde ad Deum
convertere: Noli respicere, noli cum
eis disputare; noli verbum responde-
re: tantum excidant, & animum
inde quantum potes averte. *Thau-
lerus in Consol. Pusill.*

*Cogitationes blasphemae, nec for-
midanda nec confitenda.*

Christus alloquitur animam.

Quod si quandoque etiam blasphe-
mias, aut execrandas cogitatio-
nes contra me, Sanctosq; meos, in-
cor tuum Diabolus immitterit; noli
pro-

propterea conturbari, aut nimium
puſillanimis eſſe. Cùm hæc tibi tri-
ſticiam & afflictionem potiùs inge-
rant, quàm delectationem: nullo
modo formidanda, ſed nec Sacerdo-
ti conſtitenda ſunt. *In Conſol: Puſill:*
ex ſcriptis Lanſpergi Carthuſiani.

Item.

Quantumcunq; abſurda & fæda
malignus Spiritus cordi tuo ingerat,
ipſe ea nihili facias, internum intui-
tum mox ab illis avertens. Talia
enim meliùs vinctes contemnendo &
conſpuendo, quàm ſi illa attendere,
& de eis cogitare, atq; cum eis al-
tercari volueris. Nec putes te ex il-
lis (quod tibi prorsus diſplicent, &
quæ ſtatim reiſcis) culpam aliquam
contrahere, quam coram Sacerdote
conſiteri neceſſe ſit. *In Regula brevi.*

*Cum impuriſ cogitationibus quid
agendum?*

SI contingat immundas imagines,
vel ex aſpectu, vel ex auditu, vel
per

per cogitationes, vel per Dæmonum suggestionem dormienti, aut vigilantib; incidere: ita, ut ad libidinem & turpes naturæ propensiones, ac voluptatem movearis; mox Crucis signum imprimas cordi tuo, & ores Deum, ut tui misereatur: vel etiam Angelicam salutationem dicas, ac Sanctorum præces opemq; implores. *In Farrag: Instit.*

Item

ADversus turpes propensiones, libidinososq; stimulos carnis, non parum prodest cogitare, quanta sit vilitas ac brevitās carnalis voluptatis, quantaq; ipsius carnis corruptio. Quid enim est caro, quantumlibet etiam pulchra & elegans appareat, nisi sterco, putredo, & ingens factor. *In Specul. Spirit: cap. 4*

*Cogitationes malæ, non semper
à Diabolo excitantur.*

Non omnes cogitationes nostræ malæ semper Diaboli instinctu excitantur: sed aliquoties ex nostri
arbi-

arbitrij motu exurgunt. Bonæ autem cogitationes semper à Deo sunt.
S. Aug. Tom. 3 lib: de Eccl: dogm: cap: 81.

CONFESSIO,

Crebrò facienda.

Omnino expedit, ut quia quotidie offendis, & maculas contrahas: crebrò etiam teipsum coram sacerdote expurges. *In Spec. Spirit. cap. 15*

Item.

Ut puritatem conscientie adipiscaris, confitere satis frequentè humili contritq; corde peccata tua coram Sacerdote, qui auctoritatem te absolvendi habeat: sed rence superfluos atq; inanes scrupulos. *In Tabella Spirit.*

Facienda Sacerdoti approbato.

A Cunctis gravibus peccatis ab infantia perpetratis, quoad poteris te expurges, idq; coram sapienti & di.

& discreto confessore, qui habeat juxta Ecclesiæ constitutionem te absolvendi potestatem. Quod si id semel egisti; satis est, & sufficit æternæ Dei veritati: sicq; pacem habes cum Deo, & in munda conscientia tua. *in Farragine Insist.*

Confessio est Tabula naufragii.

SI quis se cognoscit de littore continentiae, & tempestate libidinis in pelago luxuriæ fuisse jactatum, & castitatis incurrisse naufragium: Peccatorum confessionem velut Tabulam contractæ navis velociter apprehendat: ut per ipsam de hac abyssu & de profundo luxuriæ possit evadere, & ad portum pœnitentiæ pervenire. Vbi tam tutiori loco spei anchoram figere; & salutem perditam valeat reparare. *S. Aug. Serm: 24.*

Confessio generalis semel ritè facta, non est iteranda.

SI libet confiteri cunctas graves culpas atq; offensas, quas te ab infantia

fantia admisisse meministi: ubi semel hoc egeris, satis est, & æternæ Dei veritati sufficit: licet nonnulli pii inveniantur, qui plus, quàm semel id faciunt. *In Spec. Spir. cap: 1.*

Item.

Habitâ semel bona examinatione conscientiæ ante confessionem, scrupulos abiice: noli denuò investigare conscientiam, ne inquietudinem tibi parias semper confitendi: & per alia bona exercitia, ad amorem conducentia, scrupulosam illam investigationem exclude. Nam si observaveris scrupulos, si scrutari & investigare singulos timores volueris mille tibi parabuntur insidiæ. *In Consol. Pusill. Lansberg. In Inter. Alloc. Christi.*

Item.

In veritate dico, ubi quis peccata sua ritè confessus, adhuc remorsum ex eisdem in conscientia patitur, multò melius fecerit, si hæc in parte Deo conf.

confitendo, & fidem virtuti confessionis adhibendo, eadem denuo non confiteatur, quàm si iteret confessionem. *Thaulerus in Consol. Pufil.*

CONTRITIO. DE DIVISIONE CONTRITIONIS.

Contritionis dolor est Duplex.

1^{mus} **A** Nimi, seu voluntaris, qui est peccati detestatio: & est de necessitate, & essentia Contritionis.

2^{us}. Dolor sensualis est, seu sensibilis; qui apparet exterius in signo aliquo, in lachrymis, in suspiriis. Et iste dolor non est de necessitate & essentia contritionis sed solum de perfectione: quia non est de potestate nostri liberi arbitrii.

De Differētia, inter dolorē & dolorē.

Dolor, quem qui elicit detestando peccata sua propter timorem
panis

panæ damnationis æternæ: vel ob
amorem consequendi regnum cele-
ste, vocatur **Attritio**: quæ nec me-
retur gratiam remissionis peccatorum
ex se, quia est absq; charitate, & dici-
tur servitutis. Quod si accedat Sa-
cramentum pœnitentiæ, ex **Attritio**-
ne, fit contritio, ob adnexam grati-
am sacramento, quæ illi confertur.

Dolor, qui elicitur detestando pec-
cata propter solam offensam Dei
summo amore digni, vocatur **Con**-
tritio. Et talis meretur peccatorum
remissionem, ante susceptionem Sa-
cramenti. Quia habet timorem fi-
lialem Dei, qui sine charitate esse
non potest cum spe veniæ. Debet
tamen pœnitēs habere propositū con-
fitendi, & satisfaciendi tempore suo.

Contritio qualis debeat esse.

DEus omnes culpas peccatori per-
fectè remittit, nec unquam il-
las illi imputabit, etiamsi tot essent,
quot omnes homines simul comise-

runt. Si tamen perfectè doleat, ex amore, & purè ad gloriam Dei: atq; ideo potissimum suæ illi iniquitates displiceant, quod eas Deo displicere intelligit. *In Dictis Patrum. cap: 14.*

Contritio vera, Quæ?

Qui veram optat habere contritionem; in se ipso humilitatem, peccati displicentiam, & firmam in Deo fiduciam habere curet. Dicente S. Scriptura Eccl. 38. Fili in tua infirmitate ne despicias te ipsum, sed ora Dominum, & ipse curabit te, *In Consol: Pusill. Suso.*

Contrito sufficiens, Quæ?

Sufficit hæc contritio (licet sit arido corde) quòd doleas Deum esse offensum, & optes te non offendisse: statuasq; quòd nolis amplius peccare. *In Consol. Ioan. Lansberg. in Allicitatione Christi ad animam penitentem.*

Contritis dat veniam Deus.

Deus, qui tibi dedit veram contritionem, dedit sine dubio & veniam.

veniam: nec attendit qualis aliquando fueris; sed qualis modo sis, aut posse cupias. *In Spec: Spirit. cap. 9.*

Contritio perfecta sapè tollit peccatum & pœnam.

Christus S. Birgittæ dixit. Quem heri dixi pessimum, hodie dico charissimum, propter veram contritionem: quæ, si perfecta ac stabilis fuerit; dimitto non solum peccatum, sed & pœnam peccato debitam. *In Monil. Spir. cap. 1.*

Quomodo dolendum sit pro peccatis.

Doleas purè ad gloriam Dei: & iniquitates tuæ ideo potissimum tibi displiceant, quòd eas Deo displicere, honoriq; & beneplacito ejus contrarias esse intelligis. Magis pondera injuriam, quam Deo intulisti, quàm pœnas, quas commeruisti. *In Spec. Spir. cap. 1.*

Item.

In contritione, sensibiliq; devotione,

C

one,

one, magis lugere consuesce, quod erga Deum Creatorem & Patrem tuum dulcissimum contumeliosus ingratusq; fueris, quam quod te ipsum æternis suppliciis obnoxium reddideris. *In spec. Monachorum.*

Contritio sensibilis non est curanda.

NE conturberis, quod pro ipsis delictis tuis, non possis forte offerre Deo sensibilem cordis contritionem. Nam si dolor in voluntate & ratione est; si verè tibi displicet, quod benignissimum Deum tuum offenderis; si doles quod non magis doleas; si statois deinceps melius vivere; istiusmodi contritio Domino gratissima est, licet cor aridum permaneat. Si desunt exteriores lachrymæ, non desint interiores. Sine illis potes peccata plangere & placere Deo, sine his non potes. Non autem cates interioribus lachrymis, quando ex animo tibi displicet Dei offensus: quando mente prorsus aver-

aversaris vitia : quando Deum magno
affectu quæris & ad eum suspiras.
In Canone vite Spiritualis. cap: 4.

Item.

Dole quia peccasti, quia me of-
fendisti, aut saltem dole, quia non
sentis te dolere. Sæpè numero enim
fit, ut mihi magis placeat, & homi-
ni utilius sit, velle esse contritum,
aut devotum, quàm sentire contriti-
onem vel devotionem. Quia velle
habere, & non habere, generat affli-
ctionem cordi. *In Consol. Pusill. In
Interna Alloc. Christi.*

*Contritio, etiamsi parva, grata
est Deo.*

Quamlibet parva sit contritio, pu-
rè Dei intuitu concepta Deo ta-
men multò gratior est, quàm sit
omnis dolor, quem propter seipsum
vel jacturam suam, omnes simul ho-
mines habuere. *In Dictis Patrum.
cap. 14.*

*Contritio minima præstat magnam
austeritati vitæ.*

Non hi ad Deum perveniunt, qui vel diu sanctè vixerunt, vel magnam vitæ austeritatem præstiterunt: sed quicumque cor contritum & humiliatum exhibent, ab ipso clementer respiciuntur, suscipiunturq; quantumvis etiam modico tempore benè vixerunt. Latro ille pendens in Cruce quàm brevem pœnitentiam egit? & quàm repente salutem æternam consecutus est. *In Canon: vitæ Spir: cap: 37.*

In defectu contritionis quid agendū.

Si alicui dolor, sive contritio defest, saltem doleat se non dolere: nam hoc quoq; dolor est. Idem si quis desiderium & amorem non sentit, desiderat habere desiderium atq; amorē. *In apologia pro Thaul c. 4.*

*In contritione Deus acceptat velle,
pro facto.*

Non propterea angaris, quod fortè non sentias dolorem vel con-

tritionem. Si enim omnino velles
& cuperes te non offendisse Deum:
aut etiam doles te non dolere; hunc
quoq; dolorem suscipit ac recipit
Deus: qui pensat non tam quid sen-
tias; quàm quid velis. Dic sapiùs
hæc aut similia verba. O Domine
Jesu! utinam nunquam te offendis-
sem: utinam posthac viverem iuxta
gratissimam voluntatem tuam, tibiq;
placerem. In Spec. Spirit. cap. 6.

*Contritio generaliter de omnibus
peccatis habenda.*

SI multa habes peccata, de mul-
tis ac omnibus simul genera-
lem habe contritionem: in qua
omnia ac singula peccata velis in-
cludi: ita ut nullum peccatum sit,
quod (etiãsi sigillatim memoriæ
occurreret) excludi velis, de quo
non doleas, & quod nolis vitare aq;
relinquere. Hæc enim contritio ge-
neralis, extendit se ad omnia & sin-
gula peccata, etiam ad illa, quorum

oblitus es, & de quibus non cogitas.
 Lansperg. In Consol: Pusill. In Interna
 Alloc. Christi

Item.

Non hoc exigo, ut de singulis
 peccatis necessariò habeas singu-
 las contritiones iuxta numerum, ac
 speciem peccatorum. Ipsa Magda-
 lena non alitèr quàm simul, & de
 omnibus dolere potuit, in tam subi-
 ta compunctione. Tu quoq; ita de
 omnibus dole, ut nullum sit pecca-
 tum, quod tibi placeat, sive genera-
 liter, sive sigillatim memoriæ occur-
 rat. In Consol: Pusill: Lansperg: In Allo-
 cutione Christi.

*Contritio debet precedere orati-
 onem quandoq;.*

SI consciētiā peccatorum remorden-
 sce, nequis libero corde orare; statim
 culpam tuam coram Deo cum hu-
 militate fatearis, veniamq; petas, &
 te corrigere proponas: atq; ita de-
 mum sanctā fiduciā resumptā, faciem
 animæ.

animæ tuæ jam repurgatam, ad Dominum per preces laudesq; divinas leves. In Embryon: Parvul. lib: 1. In Append: Documenti 12.

C O R P U S.

Corporis pulchritudo vana.

Quid est caro, quantumlibet etiam pulchra & elegans appareat? quid est nisi sterces & putredo, & ingens fætor. Si detrahatur pellis illa tenuissima, quæ magnam pulchritudinem præferebat, jam ipsa caro tota deformis erit. In Specul. Spiritual. cap. 4.

Corporis deformitas non contemnenda.

Quando vides hominem deformem & morbidum: non ob hanc deformitatem eum minus diligas, nec in consideratione corruptibilis mortalisq; carnis sis, spe ad considerandam immortalis animæ pulchritudinem te transferas. Tanta est

est enim elegantia & formositas animæ rationalis, quam peccatorum sordes non deturpant, ut si tu eam clariùs cernere posses, vix scires præ admiratione & gaudio, ubinam esses. *In Specul Spirit: cap: 3.*

Corporis Sanitas moderatè expectenda à Deo.

SI cognoscit Dominus corporis sanitatem tibi fore utilem: eam, procul dubio dabit postulanti: quod si eam non præstiterit; jam tu crede prorsus animæ tuæ expedire, ut illa careas. *In Canone vite Spirit: cap: 23.*

Corporis sanitas in servitio Dei est præservanda.

Quid corpus tuum exagitas? quid mentem affligis? Deus non exigit, ut in obsequio, quod illi impendis, te ipsum crudelitè excarnifices, sed vult te esse & spiritu & corpore sanum, nisi alitè ipse pro tua utilitate ordinaverit. *In Canone Spir: c. 23.*

Item

Item.

Licet plerosq; Sanctos homines vitam admodum rigidam duxisse legas, vel audias, & magnus forte fervor in initio conversionis tuæ, ad inusitatam austeritatem amplexandam te impellat: non tamen inconsideratè sequaris hujusmodi fervorem, sed sapientum utere consilio. vitia mortificanda sunt, non corpusculum opprimendum, nec natura destruenda.

In Spec. Spirit. cap. 5.

Corpus, cibo & potu reficiendum.

Necessariam cibi, potûs somniq; indulgentiam corpori non neges: in ea re non sis multum acer, nisi Spiritu Sancto revelante certò didiceris, singularem abstinenciam Deo in te placere. Immoderata enim, refectionum subtractio, tam Spiritui, quam corpusculo plurimum incommodat, & amentiam plerumq; parit.

In Canon. vite Spir. cap. 24.

*Cs**Refra*

Reficiendum, sed moderatè.

DVm corpus alimentis reficis sum-
moperè caveas, ne ventrem &
Spiritus cibo, nimiove potu prægra-
ves. Tam cibum, quàm potum mo-
destè & continentèr sumas, non quæ-
rens in illis aliquam delectationem.
Intingas Spiritualiter buccellas, quas
edis, in pretiosum Sangvinem Chri-
sti; & è roseis vulneribus ejus po-
tum haurias. *In Regula brevi.*

Item.

Reficiens corpus cibo, potu, vel
somno, non voluptatem, sed susten-
tationem naturæ spectes. Quamli-
bet buccellam cibi, & quemlibet
haustum potûs, modestè atq; continen-
tèr cum sancto timore, suiq; mor-
tificatione, ad gloriam Dei sumas.
Non uno haustu multum potûs te
ingurgites: sed si vehementèr sitis,
bibas sæpius. *In Insit: Spirit: cap: 2.*

Item.

Vitandus tibi est excessus, & im-
mode-

moderatus cibi potusq; usus. Quod si aliquid plus sumptoris, ora Deum ut det veniam immoderationi tuæ. *In Farrag: Instit.*

Corpus reficiendum Intentione Qua?

Refice & refocilla ipsum corpusculum tuum cum discretionem ad æternam Dei gloriam, in unione illius amoris, quo dulcis Jesus pro te factus homo, manducante bibere, quiescere, & somnum capere, dignatus est interis: eiq; offer in unione eiusdem amoris ipsa corporalia solaria, quæ admittis. *In Spec: Spir: cap: 4.*

Ad corpus reficiendum epulae exquisitæ non requirendæ.

Exquisitas & suaves epulas viriosè non requiras: immò verò tales tibi oblatas pro Dei amore sæpè intactas relinquant, cum Dominus Jesus felle & aceto potatus fuerit. *In Institutione Spirituali. cap: 2.*

Item.

Item.

Si tibi administrantur escæ simplici-
ciores ac rudiores, non ob id pati-
entiam & pacem cordis tui murmu-
rando amittas: sed ea, quæ à Deo
dantur & providentur, sume cum
gratiarum actione. Pudeat te quæ-
rere lautitias præter rationem & ju-
stam necessitatem, cum Dominus
tuus J E S U S Christus felle & aceto
potatus fuerit. *In Specula Spirituali,*
cap: 4.

Corpori prandium lautius, cæna;
brevior danda.

Consultum fuerit, ut in prandio
Quidem corpusculum alimentis
reficias, quantum naturæ necessitas
exposcit: sed in cæna nonnisi parcè
manduces. Sobriam enim cænam,
sobrius somnus consequi solet. *In*
Instit. spirit. cap. 2.

DE-

DESPERATIO,

Peccatum gravissimum.

Homo magis Deum inhonora-
re nequit, nec majorem illi
irrogare injuriam, quàm si ob
multitudinem aut gravitatem crimi-
num suorum, desperet de ejus mise-
ricordia : quæ utiq; infinito major
est, quàm sint aut esse possint omnia
totius mundi peccata. *In Tabel: Spir.*

Item,

Judas gravius peccavit, de salute
desperando, quàm peccaverat Chri-
stum tradendo : quemadmodum &
Cain, enormius Deum offendit de-
speratione veniæ, quàm offenderat
fratris sui Abel occisione. *In Con-
sol: Pusill. B. Hieronymus.*

Item,

Christus S. Catharinæ Senen: di-
xit. Peccatores, qui in extremitate
mortis, desperant de misericordia
mea, multo gravius me offendunt, &
magis

magis mihi displicent hoc uno peccato, quàm omnibus aliis iniquitatibus, quas unquam commiserint.
In Monit. Spiritual. cap: 1.

Desperans negat Deum Omnipotentem, & facit eum mendacem.

Quisquis abjectâ spe veniæ, deiiciat se in desperationis barathrû, is non solum non credit Deum Omnipotentem, existimans aliquod flagitium esse, quod illud non possit diluere: verùm etiam eum facit mendacem, qui pollicitus est per Prophetam: se protinus commissorum omnium fore immemorem, simul atq; peccator ingemuerit. *In Consol. Pasill: in Preclaris Dictis de Dei misericordie.*

Item.

Caina posteritas dicit. Majus est peccatum meum, quàm ut veniam merear. Quid dicis impie? si Deus victus magnitudine peccatis non potest ignoscere? detrahis illi omnipotentiam. Si non vult quod potest?

test? mendax est & vanus, qui nō
lit pręstare, quod toties promisit per
ora Prophetarum. *Ibidem ut supra.*

Facit Deum implacabilem.

NVnquam de Dei misericordia
desperaveris. Non enim innu-
merabilis horrendorum enormiumq;
criminum multitudo; sic nobis red-
dit, Deum implacabilem, sicut unica
desperatio. Nam qui diffidit de ve-
nia, Deum misericordem & omni-
potentem esse negat, in Spiritum
Sanctum blasphemus est. *In Speculo
Monachorum.*

*Non desperandum, sed resurgendum
de peccatis etiam enormissimis.*

QVantumvis multa & enormia fu-
erint peccata tua, nunquam de
venia desperaveris. Corruisti? sur-
ge, converte te ad Medicum animę
tuę, & viscera pectoris ejus tibi pa-
tebunt. Iterum corruisti? iterum
resurge, geme, clama, & miseratio
Redem.

Redemptoris te recipiet Corruisti
 tertio & quarto? & sæpius? surge
 rursum, plange, suspira, humiliare, &
 Deus non te deseret. Nunquam
 despexit, nec despiciet unquam cor
 contritum: nunquam rejecit, nec re-
 iiciet unquam confugientes ad se,
 per veram pœnitentiam. Quare eti-
 amsi centies, etiamsi millies intra
 unius horulæ spatium lapsus fueris,
 toties cum sancta spe veniæ resurge.
In Canone vitæ spiritualis cap: 1.

Item.

Neq; propter numerositatem, neq;
 propter enormitatem lapsum tuorū
 desperes, sed culpam tuam humiliter
 agnoscens, & te fideliter corrigere
 proponens, toties cum Sanctæ indul-
 gentiæ spe resurge, quoties cadis.
 Nam quodocunq; te verè pœniter
 peccatorum admissorum, & ipse in-
 tegro corde voluntatem tuam incli-
 nas ad tui emendationem, tam re-
 pentè sanctificaris, quàm repentè
 mundatus fuit leprosus ille, cui dicen-
 ti Do-

ti, Domine, si vis potes me mundare:
Dominus respondit, volo mundare.
*In Enchirid: Parvul: lib: 1. Append: Do-
cumenti. 3.*

Item.

Eriam si post innumera gratiæ be-
neficia accepta, Deum (quod ablit)
abnegaveris : agnosce humiliter cul-
pam, detestare facinus, animo pro-
pone non amplius peccare, firmiter
statue melius vivere, & de venia
securus esto. *In Canone vitæ Spiritu-
ali. cap. 1.*

Item.

Nulla mæroris magnitudo, nulla
angustiarum acerbitas, nulla defe-
ctuum multitudo, nulla scelerum,
enormitas te ad desperationem, ni-
miamve pusillanimitatem adducat.
Quantūcunq; peccaveris, semper Dei
misericordia in infinitum excedit tu-
as iniquitates: quantumcunq; infir-
mus sis, semper illius benignitas ad-
juvare parata est tuam fragilitatem.
In Consol. Pusill. Quidam pius Scriptor.

De

De nullius salute desperandum.

Nullius unquam salutem desperaveris. Nam qui modo pessimi sunt, mox Dei gratia immutati, possunt esse Sanctissimi. *In Canone vite Spirit. cap. 32.*

Item.

Non est desperandum de malis, sed pro illis, ut boni fiant, studiosius supplicandum. Quia numerus Sanctorum, de numero auctus est impiorum. *S. August. lib: de vera innocent. cap. 184.*

Tentatori ad desperandum responsa.

Si vel ad diffidentiam, vel ad desperationem importunè animum sollicitaverit inimicus; opportunè obiiices ei, ea, quæ gratia Dei in te perfecit: sed præcipuè obiiice ei, passionem Dominicam, obiiice mortem communis Redemptoris. *In Canone vite Spirit: cap. 17.*

Item.

Si in desperationis barathrum Diabolus

Volus pium hominem, nonnunquam
immergere nititur, loquens intus
in ipso. In calum agis, quidquid
agis, displicent omnia Deo opera tua,
& ipse filius es perditionis æternæ.
Quid verò agendum est illi cui ta-
lia suggeruntur? omnem omnino
curam, & sollicitudinem suam in De-
um prouciat & anchoram suam in
eundem, cum firma erga illius im-
mensam misericordiam spe & fiducia,
figet. In Consol. Pusil: Iulianus.

*Consolatio diffidentiam de misericor-
dia Dei, præsertim male vitæ se-
nū in mortis articulo existentiū.*

TV qui senili, vel ultimâ ætate,
relictis vitiorum iniquitatumq;
sordibus, iter iustitiæ ingredi cæpisti,
jamq; bonæ voluntatis es: quare sic
trepidus ac tantâ tristitiâ deprimeris,
quasi nulla tibi salutis spes esset re-
licta. Recordare, quæso, recordare
misericordissimi, benignissimi, dulcissi-
miq; Redemptoris tui **J E S U C H R I S T I,**
qui

qui venit in mundum peccatores salvos facere. Pro eis incarnatus est, pro eis laboravit, acerbam Passionem pertulit, sanguinem fudit, & mortuus est. Quamvis igitur senio jam prægravatus, seu vitæ hujus termino proximus inceperit se corrigere, & forrè non nisi uno anno vel uno mense, aut uno die hîc vivere habeas: non est tamen quòd perturberis: sed est unde plurimum gaudeas, considerans immensam Dei erga te clementiam, qui te ante obitum tuum ad se revocavit. bonam voluntatem tibi donans, quiq; non admodum attendit in homine quid fuerit, sed quid jam esse velit.

Quod si deperditum, ac in vanitatibus & peccatis consumptum vitæ præteritæ tempus te attingit; rursus consoletur, ac piâ firmâq; fiduciâ stabiliat animum tuum, parabola illa Evangelica, ubi legis; eos qui horâ undecimâ à Patre familias conducti, atq; in vineam missi sunt (id est qui

in senectute & ultima ætate, sobriè
justè & piè vivere cæperunt) licet
unà duntaxat horà laborassent, dena-
rium æternæ beatitudinis recepisse,
sicut & illi, qui totà die laborave-
runt, seu ab ipsa pueritia & juventu-
te Deo servierunt.

Neq; inordinata formidine con-
cuti debes, propter propriorum me-
ritorum inopiam. Nam cùm jam
per bonam voluntatem, & Dei gra-
tiam, veramq; charitatem conjunctus
sis Christo tanquam vivum exemplar,
particeps eris meritorum ejus, &
omnium Electorum ipsius, accipies
revera hæreditatem cælestem, quia
de numero filiorum Dei es.

Sed metuis fortassè, ne te hinc
migrantem pænæ purgatorii excipi-
ant? sed iste quoq; metus nimius de-
ponendus est. Omnino expedit tibi,
ut resignes te totum Deo, sinasq; eum
facere tecum, quod voluerit. Sicut
diligis ejus misericordiam, ita dili-

gas oportet iustitiam ipsius. Pater est indulgentissimus, qui sive in hac vita, sive in Purgatorio filios suos à peccatis & vitiis corde jam aversos flagellet, non nisi Paterno affectu id facit, & nihil dubites de tam amabilis Patris pietate. Quando jam illi placere verè desideras ac studes: dolesq; quod cum unquam offenderis: hinc te migrantem non acerbè, sed benignè suscipiet, sinuq; misericordiæ suæ confovebit.

Etiam si ad Purgatorium deductus fueris, non carebis illic refrigeriò & consolatione, certus de tua salute & æterna beatitudine: gratusq; tibi erit ibi esse, quàm hic, ubi multæ occasionēs habentur offendēdi Deum. Vnde legimus quendam Sanctum Virum hæc similia verba dixisse. Si pro comperto haberem, me post mortem perventurum ad Purgatorium; paratissimus essem, collum gladio subiicere, ut certus esse possem de mea salute.

Tu

Tu homo bonæ voluntatis, qui peccatum omne jam odisti, & Deo vivere ac servire cupis, immoderatum metum depone. Qui enim charitatem habent, & mente ad Deum conversi sunt, dum moriuntur, etiamsi aliquid sortè secum deferant, quod adhuc purgari debeat, felices tamen sunt, quia nunquam à Deo avertentur: ubi plenè purgati fuerint, gloriosi pervenient ad Patriam cælestem.

Sacræ Scripturæ ubiq; ingentem consolationem & fiduciam pœnitentibus, atq; ad Deum verè conversis præstant. Hinc Isaias ait. Derelinquat impius viam suam, & vir iniquus cogitationes suas, & revertatur ad Dominum, & miserebitur ejus: & ad Deum nostrum, quoniam multus est ad ignoscendum.

Joel item. Convertimini ad Dominum Deum vestrum, qui benignus & misericors est, & præstabit super malitia.

Et

Et per Ezechielem Deus loquitur.
 Cùm averterit se impius ab impietate sua, quam operatus est: & fecerit judicium & justitiam, ipse animam suam vivificabit: omnium iniquitatum ejus, quas operatus est, non recordabor; in justitia sua, quam operatus est, vivet. Nunquid voluntatis meæ est, mors impii? & non ut convertatur à vitiis suis & vivat?
In Consol. Pusil. Quidam Dei amicus.

D E U S,

*Est semper et omnimodè
 laudandus.*

OMne tempus ad Dei laudem atq; honorem expende: & dum otium suppetit, valetudòq; admittit, da operam sanctis, cogitationibus, orationibus, vel lectionibus, ac meditationibus. *In Tabel. Spirituali.*

Super

Super omnia amandus.

Rerum caducarum amorem pluris facere, quàm dilectionem Dei: est præferre immundum sterces, rosis elegantissimis, ac gemmis pretiosissimis. In *Dictis Patrum* cap. 1.

Deus parcendo & miserando omnipotentiam suam manifestat.

Deus est omnipotens, pari facilitate innumeras peccatorum riv-
riades in momento remittit, sicut
unum peccatum. In *Canon. vite Spi-
rituali* cap. 7.

Nulli mutationi subest.

Summus Conditor ac Deus noster,
sicut sine principio, & sine fine
sempiternus est: ita sine alteratione
incommutabilis est, semper idem per-
manens. In *resist. Spirit* cap. 8.

Item.

Deus est incommutabilis, nulli al-
terationi, nulli perturbationi, nulli
passioni obnoxius: semper tranqui-
lus,

lus, semper id ipsum permanens. *Ibidem ut supra.*

Quàm incomprehensibilis sit.

Solus increatus Deus se ipsum Splenè comprehendit. unde nec ipsa quidem creaturarum omnium, beatissima, videlicet anima Christi comprehendit Divinitatem, sive infinitam Dei essentiam. Nam si creatura cognosceret omnia, quæ sunt in Deo, comprehenderet Deum, quod nullo modo fieri potest, cum illa sit finita, Deus autem infinitus. *In Monit. Spirit: cap. 14.*

De ubiuitate Dei.

Deus ubiq; præsens est: sed nullo loco continetur, nullo loco concluditur. Ubq; totus atq; indivisus est: nullius tamen immunditia contaminatur. *In Spec. Spirit. cap. 10.*

Item.

Deus illocalis est, sui ipsius locus est: intemporalis est, sine initio, sine fine sempiternus est. *In Enchir: Parvul: lib: 2. cap: 9.*

Item.

Item.

Deus ubiq; est: ubiq; sine situ, ubiq;
sine divisione totus est: non in parvis
parvus, sed in parvis & magnis sine
quantitate vel mole magnus. *Ibid:*
ut supra.

Deus quid sit? non scrutandum.

Non velis perscrutari, atq; animo
revolvere, quid sit Deus. Sed
sufficiat tibi quod scis, illum esse
summam incomprehensibilemq; bo-
nitatem: atq; in se habere totius be-
atitudinis exuberantem plenitudi-
nem. *In Farrag: Instit: In Epistola Lu-*
dovici Blosii.

Item,

Convenientius quid non sit, quàm
quid sit ipse super substantialis & su-
perintellectualis Spiritus Deus, enun-
tiamus: semper agnoscentes Deo in-
ferius esse, quidquid de eo dicere,
vel comprehendere potuerimus. *In*
Enchir: Parvul. lib. 2. cap: 9.

D 1

Neq;

Neg. judicia ejus investiganda.

Non inquiras (si errare non vis) Quare Deus aliquos in errore cæcitæq; deferat? sed relinquens Deo judicia (quæ sunt abyssus impenetrabilis) certo credas, eum nihil agere, nihilq; permittere injusti. *In Institut Spirit. cap. 8.*

Neg. curiosè de Deo quarendum.

Non exigit à nobis Deus, ut naturam ipsius exactè cognoscamus: sed exigit, ut in recta fide Ecclesiæ Catholicæ permanentes, ipsum sanctè colamus, amemusq;. *In Enchir. Parvul. lib: 2. cap: 10.*

Quia nec unicum attributum illius circumscribi potest.

Aterna Marcellas, amabilibus perfectionibus suis, adeò univ-
sum creatum excedit intellectum: ut si cælum terraq; libris replerentur, vastissimumq; pelagus totum esset atramentum. & omnes Spiritus Angelici, cunctaq; animæ essent scriptores? citius ipsum mare scriptores exhau-

exhaurirent; quàm minimam cujuslibet perfectionis Divinæ partem ab-
solverent. *In Dictis Patrum, cap. 3:*

De actione Dei nostri.

DEus in cælo manifestat miseri-
cordiam suam: & in inferno
exequitur justitiam suam, *In Insti-
tutione Spir. cap. 3.*

De dilectione suorum.

DEus diligit non solum illos, qui
semper in innocentia vixerunt;
sed & eos qui post multa atq; enor-
mia crimina resipiscunt, seq; dili-
gentèr corrigunt: ipsi enim sunt cha-
ra vasa misericordiæ ejus. *In Enchir.
Parvul. lib: 1. Quidam Scriptor in con-
clus: Epist. Blosii.*

*Deus est præcognitor, & Au-
thor Boni: est præcognitor, sed
non Author mali.*

DEus malæ voluntatis est præco-
gnitor non Author: bonæ verò
D. 3. voluntas.

voluntatis & præcognitor, & Author est. Ipse mala fieri permittit, non cogit; & quidquid permittit rectè jussèq; permittit, etiamsi nos permissionis ejus ratio lateat. *In Enchir. Parvul. cap: 9.*

Item.

Semper tibi displiceat malum, quod fecisti: neq; ullo modo culpam conferas in Deum, qui peccati Author nunquam est: nec in diabolum, qui te cogere non potuit, ut peccares: sed tibi soli illam imputa, qui peccato consensisti, *In Speculo Spirit. cap: 8.*

*Deus, justis, Beatis, & damnatis,
aliter atq; aliter adest.*

Deus justis hominibus adest, per salutarem gratiæ suæ exhibitionem: Civibus cæli adest per claram gloriæ suæ manifestationem: damnatis adest, per congruam justitiæ suæ executionem. *In Speculo Spirit. cap: 5.*

Deus.

*Deus eſt propinquior homini,
quàm ſit ſibi homo.*

DEus, ſive eſſentia Dei propin-
quior & interior eſt tibi, quàm
ſis ipſe ſibi: & niſi ille præſentia vir-
tuteq; ſua te conſervaret, mox redi-
gereris in nihilum: quia omnia crea-
ta ab illo dependent & ſine eo nihil
ſunt. *In Tabell. Spirit. In ratione per-
veniendi ad amorem Dei.*

Deus ubi erat ante orbem cõditum.

SI quæris, ubinam erat Deus an-
tequam mundum condèret? Re-
ſpondeo. Quod erat apud ſeipſum,
erat in ſeipſo: & nunc mundo con-
dito in ſeipſo eſt Deus. Ipſe ergo
Deus ubiq; eſt, ubiq; ſine ſitu, ubiq;
ſine ſui diſiſione totus eſt. Scit omnia,
videt incorporeo oculo, & inſcruta-
bili cognitione: clariffimè cogno-
ſcit cunèta præſentia, præterita & fu-
tura. *In Enchir: Parvul. lib: 1. cap: 9.*

DIABOLUS.

*Turpitudine & deformitas
Diaboli.**Christus ad S. Catharinam.*

Cum aliquando tibi in extasi
posita Diabolum in propria
figura, velut in momento &
ictu oculi demonstrassem; tu sensi-
bus corporis restituta potius eligeres
per viam ignitam usq; ad diem ju-
dicii nudis pedibus incedere, quàm
rursum illum intueri. Et tamen ad-
huc ignoras, quàm sit re ipsa horri-
bilis, quem ita raptim vidisti. *In*
Monil. Spir. cap: 4.

Item.

Sanctæ Birgittæ idem dixit. Si vi-
deres Dæmonem sicuti est, non pos-
ses viva tam horribilem visionem
sustinere. *Ibidem ut supra.*

*Diabolus non obsidet animam
hominis.*

Quando aliquis vexatur à Spiritu
Diabolico, non debemus existi-

mare substantiam Diaboli ingressam
 esse, substantiam Spiritus humani:
 sed ipsum Spiritum malignum, ma-
 litie suæ effectum permissione Dei,
 in corpore humano exercere, ani-
 maniq; tartareis diverberare flagel-
 lis, inficere venenis, aut inflam-
 mare incendiis. *In Enchir: Parv.*
lib: 2, cap: 12.

ECCLÉSIA ROMANA.

Est audienda.

Qui contradicit Ecclesiæ, con-
 tradicit Spiritui Sancto, con-
 tradicit Christo Domino, &
 alienus à DEO est, profanus est.
 Hinc Christus dixit. Qui Ecclesiam
 non audierit, sit tibi sicut Ethnicus &
 Publicanus. *In Collirio Hæret. lib. 1. c. 12*

Ecclesiæ obtemperandum.

Decretis ipsius Ecclesiæ, quam
 Spiritus Sanctus semper mode-

ratur obtempera, ejus institutionem, sicut & ipsum Evangelium sequere, etiamsi plurimos non solum ex communi plebe, sed & Præsulibus, Optimatibusq; in ea vitiis servire conspexeris. Area enim est, grana simul & paleas continens. *In Canon: vita Spir. capite 27.*

Item.

Catholicæ Ecclesiæ humiliter obtempera, etiamsi nonnullos Pastores in ea vivere non rectè conspicias. Nam Dominus Jesus in Evangelio loquens de Pastoribus, malè quidem viventibus, sed bona docentibus atq; præcipientibus, ait. Quæcunq; dixerint vobis servate & facite, secundum opera verò eorum nolite facere. *In Spec: Spirit: cap: 1.*

Ecclesia est veneranda.

Qui contemnit Ecclesiam, quæ est Corpus Christi mysticum, contemnit & caput Ecclesiæ, videlicet Christum: quemadmodum ipse
verbis

verbis suis apertissimè ostendit dicens.
Qui vos audit, me audit & qui vos
spernit, me spernit. *Ibid: ut supra.*

Extra Ecclesiam nulla salus..

Firmissimè tene, & nullatenus du-
bites, non solùm omnes Paganos,
sed etiam omnes Judæos, Hæreticos,
atq; Schismaticos, qui extra Ecclesi-
am Catholicam finiunt vitam; in ignē
æternum ituros, qui paratus est Diabo-
lo & Angelis ejus. *In Collyr. Heretic.
lib. 1. cap. 8.*

Item:.

Qui in aliquo à S. Ecclesia Ca-
tholica dissident, eiq; contrari-
am tenent opinionem, sive id publi-
cè agant, sive occultè, si sic pertina-
cuerè perseverare statuunt, atq; ita
moriuntur, etiamsi cunctis moralibus
prædicti sint virtutibus, omniaq; mi-
sericordiæ ac condolentiæ exercean-
t opera, tantaq; intellectus perspicaci-
tate polleant, quantam simul morta-
les omnes, qui unquam fuerint, ha-
buere:

84 *Flores Sententiarum,*
buere: damnantur tamen & mergun-
tur in flammæ tartareas. *In Farrag.*
Institutionum.

EUCHARISTIA,

*In Eucharistia, est verum Cor-
pus Christi.*

Eucharistia non figura veri Cor-
poris Christi, sed ipsum verum
corpus est. *In Enchir. Spiritual:*
lib: 1. cap: 9.

Item.

In Eucharistia accipimus, & in vi-
scera nostra traicimus illam ipsam
veram Carnem, quam Maria Virgo
peperit, & quæ pependit in Cruce,
quæq; nunc sedet ad dexteram Patris
in cælo: sed alio modo Christus eam
exhibet in Sacramento, quàm olim
fuit in Cruce. *In Appendice Facule de*
Vesano errore Hæreticorum.

Item.

Si verum Corpus, & verus Sanguis
Christi Eucharistia non contineretur;
cur

eſt quaſo Paulus Apoſtolus de ea loquens, hæc terribilia verba diceret? Quicumq; manducaverit Panem, & biberit Calicem Domini indignè, reus erit Corporis & Sanguinis Domini; & rurſum; qui manducat (inquit) & bibit, indignè. iudicium ſibi manducet & bibit, non dijudicans Corpus Domini. *In Append. Facula de Veſavo* *Errore Heret.* . . . *Item.* :

Qui ſe Chriſtianum dicit, & tamen renuit venerari atq; adorare Sacram Euchariftiam, in qua veriſſimè & Divinitas & humanitas Chriſti adest: is iſtis Paganis atq; Ethnicis deterior eſt. *Ibidem ut ſupra.*

in Euchariftia Speciebus totus Chriſtus, imò & tota Trinitas per concomitantiam eſt.

IN Sacramento Euchariftiæ, ſub ſpecie panis, & ſub ſpecie vini accipimus totum Chriſtum, nempe Corpus, Animam, & Divinitatem Chriſti: accipimus totam Trinitatem,
P. trem

Patrem, & Filium & Spiritum Sanctum. Neq; enim adinvicem separari possunt tres Personæ unius Deitatis & essentia. Tota ergo Trinitas, inhabitat ipsum Corpus Christi, quia tota Divinitas in eo est. *In Institutione Spirituali. cap: 8.*

*Christus idem in Sacramento,
qui in celo.*

ECclesiæ filii firmissimè credere debent sub specie panis, corpus Christi non minùs verè esse in Eucharistia, quàm est in celo. Credere debent ad prolationem Sacratissimorum verborum, virtute Divina, non Sacrificantis merito, panem vinumq; converti in corpus & sanguinem Christi: adesse verum Corpus Domini in altari, cum numerosa Angelorum multitudine, & tamen ipsum idem in celo ad dexteram Patris permanere. *In Collyr. Heret. lib: 2. cap: 5.*

Item.

Non est aliud Corpus Christi in
celo

cælo, atq; aliud in Sacramento: ſed
unum omnino & idem utrobiq; eſt.
In Enchir. Parvul. ad finem. lib. 1.

*Ad diviſionem ſpecierum Cor-
pus Chriſti non dividitur.*

ETiamſi multis hominum millibus
edetur Euchariftia, quilibet eorum
corpus Dominicum, totumq; Chriſtum
accipit. Si item unica hoſtia confe-
crata dividatur in plures partes,
ſub unoquoq; fragmento totus Chri-
ſtus eſt. Et nihilominus in cælo ad
dexteram Patris manet corpus Do-
mini integrum, manet totus Chriſtus.
In Specul. Spirituali cap: 12.

Item.

Quamlibet multæ habeantur ho-
ſtiæ consecratæ, ſub qualibet earum
integrum Corpus Chriſti ſubſiſtit:
quemadmodum videmus eandem fa-
ciem humanam efformari integram
in pluribus obſectis ſpeculis. Imò
verò facta unius hoſtiæ consecratæ
diviſione, ſub linguis partibus ſepa-
atis;

atis; integrum Corpus Christi consistit: veluti confracto speculo, facies hominis in quolibet fragmento exprimitur non minus integra, quàm in toto speculo. Quando autem frangitur & dividitur hostia consecrata, huiusmodi fractio sive divisio non fit in Christi Corpore, cum jam immortale sit, suiq; sectionem nullatenus admittat: sed fit in Specie Sacramenti, nempe in figura panis. *In Enchir. Parvul. ad finem lib: 1.*

*De Transubstantiatione panis in
Corpus & vini in San-
guinem Christi.*

NON arbitremur Corpus Christi ad enuntiationem Divinorum illorum verborum de cælo descendere, ut in altari adsit: sed inconcussa fide credamus ad eorundem verborum debitam prolationem, virtute Divinâ, non Sacrificantis merito, panem vinumq; converti, & (ut planius dicam) transsubstantiari in corpus

pus & Sanguinem Christi verè ibi
præsentis, ipso nihilominus beatissi-
mo corpore, in cælo ad dexteram
Patris manente. *In Enchir. Parvul: ad
finem lib. 1.*

*De Eucharistia non scrutandum,
sed credendum.*

Non tentes perscrutari istud,
quomodo verum, vivum & im-
mortale Corpus Christi sit in Sacra-
mento Eucharistiæ? quin potius cre-
dens nihil Deo impossibile, puram
inviolatamq; fidem serves in his, quæ
intellectu & ratione comprehendere
nequis. *In Institutione Spirituali cap: 8.*

Item.

Quid quærimus naturæ ordinem
in Christi Corpore, quod præter na-
turam natum est ex Virgine. *Ad
finem Enchir. Parvul, lib. 1.*

Item.

Non magis licet inquirere, quomo-
do in sacrificio Missæ, Sacerdote ver-
ba consecrationis proferente, panis
in .

in Corpus Christi, & vinum in Sanguinem convertatur, quàm quomodo Deus ex purissimis S. Virginis Mariæ Sanguinibus, carnem sibi aptaverit. Vbi enim Deus aliquid operatur, non est quærendum, quomodo? sed indubitata fides his, quæ à Deo fiunt, adhibenda est. In *Enchir, Parv: ad finem lib: 1.*

Eucharistia reverentèr tractanda.

Anima cujusdam defuncti, cuiusdam Dei amico in flamma ardoris immensi apparens dixit. Se ea sola de causa tam duris cruciatibus torqueri, quòd circa Dominici Corporis perceptionem, fuisset negligentior: addiditq;. Si vel semel Venerabile Sacramentum devotè propi ipsa accipere dignetur, se mox liberandam. Quod cum ille Dei amicus fecisset, sequenti die anima eidem, sole fulgentior atq; nitentior apparuit: unica illa Sacramenti perceptione ab intollerabilibus pænis liberata,

berata, atq; ad cælum & æternam,
beatitudinem evocata. In Monili Spi-
rituali cap. 6.

Eucharistia frequenter sumenda.

NON facilè te subducere debes à
sacra cælestiq; mensa, in qua Chri-
stus verè sumitur, propter tentatio-
nes, quibus premeris: neq; conturba-
ri, si sensibilis devotionis consolati-
one destitutus es. In Corollar. Appent;
Document. 12.

*Utilius est & Deo gratius ex
charitate sumere, quàm ex
humilitate abstinere.*

LAUDABILE est interdum ex hu-
militate ac Sancto timore, seu
reverentia abstinere à Sacramentali
Eucharistiæ perceptione: sed multò
melius est ex charitate & Divinæ
laudis boniq; communis desiderio,
sive ex speciali devotione frequentèr
ipsam Eucharistiam suscipere. In
Monil. Spirit: cap. 6.

Dum.

*Dum non licet Sacramentalitè
sumatur Spiritualitè.*

DUM non sumis Christum Sacra-
mentalitè, non negligas eum
sumere Spiritualitè, præparans te &
optans, ut illa in animam tuam ad-
veniat. *In speculo Sprituali. cap: 12.*

Item.

Qui non sumit Christum Sacra-
mentalitè, potest illum sumere Spi-
ritualiter, per sanctum desiderium,
atq; ita fructum Sacramenti adipisci.
In Dictis Patrum cap: 16.

*Cum quali devotione com-
municandum.*

NON est necessaria magna devo-
tio sensibilis, sed satis fuerit
nullius peccati mortalis conscium
esse, & Deo velle placere, & ad me-
liora semper niti. Casto quoq; ti-
more & humili reverentia sic esse
præditum, ut perceptione hujus Sacra-
menti te indignum fatearis. *In Di-
ctis Patrum cap: 16.*

Item.

Item.

Quando Sacroſanctam Eucharisti-
am ſuſceptrurus es, vide ne tremen-
dæ atq; cæleſti menſæ indignè aſſi-
ſtas. Deprime Spiritum tuum, abde te
in vallem profundæ humilitatis, con-
ſitero te eſſe peccatorem : ora Domi-
num, ut animam tuam purificare,
ſuiſq; meritis ac virtutibus exornare
dignetur. In *Canone vite Spirit cap: 16.*

Cum quanta puritate accedendum.

SI quis ſit Angelorum omnium na-
ſturali puritate præditus, Sancto-
rumq; omnium integritate ac Sancti-
monia conſpicuus, & mortalium
omnium bonis operibus ornatus; nec
ſic tamen me percipere in Sacra-
mento dignus foret. In *Dictis Patrum*
De Sacra Euchariftia Chriſtus ait.

De auditione Miſſæ.

QVoties interes diviniſſimo Miſ-
ſæ Sacrificio, Hoſtiam in eo per
Sacerdotem conſecratam offer devo-

ta mente Deo Patri, in plenam expiationem & satisfactionem pro peccatis tuis: offer eam illi in odorem suavitatis & laudem æternam, pro tua omniumq; salute. *In Speculo Spirituali: cap. 12.*

De fructibus Eucharistie sumptæ.

COrpus Dominicum, qui cum debita devotione percipit, emundatur ab omnibus delictis: & etiam ab illis mortalibus peccatis absoluitur, quæ se nescit vel meminit admisisse, modò ita sit affectus, ut si illa se perpetrasse sciret, confiteri & penitentiam agere vellet. Efficitur item particeps, omnium bonorum illorum, quæ Christus in vita, Passione, & morte sua promeritus est: imo & omnium illorum bonorum quæ ab Adam temporibus unquam facta fuerunt, atq; ad ultimum usq; electum sent. *In Institutione Spir. cap: 8.*

Item.

Venerabile Sacramentum Corporis
Domi-

Domini libenter ſumendum. Nam ex humili, crebra devotaq; percepti-
one Euchariftiæ magis in vitæ ſan-
ctitate & Divina unione proficiet,
quàm ex quolibet alio exercitio. *Ibi-
dem ut ſupra.*

F I D E S.

Catholica tenenda.

Retine firmitè orthodoxam
fidem, credens ſine aliqua
hæſitatione, omnia, quæ ca-
nonicæ, & Sanctæ Scripturæ ab Ec-
cleſia receptæ complectuntur: & quæ
Spiritus Sanctus credenda nobis re-
velat, pronuntiatq; per Eccleſiam.
In ſpeculo Spiritual. cap: 1.

Item.

Fidei Catholicæ per omnia inniti;
& Patrum Orthodoxorū veſtigis hu-
militer inſiſtere, Matrisq; Eccleſiæ
dogmatibus firmiſſimè adhærere non
autem proprium ſenſum pertinaciter
ſequi oportet. *In Canon: vita Spirit:
cap: 16.*

In

In sola fide Catholica salus.

Sine vera fide nemo placere Deo, nec
salvus esse potest, quicquid alio-
quin honorum agat opetum. *In Far-
rag. Instit.*

*Potius moriendum, quam unicum
fidei articulum abnegandum.*

Si in eam veneris necessitatem,
ut vel ipsam orthodoxam fidem
negare, vel tormenta subire, mor-
temq; oppetere cogaris; tu potius
millies (si fieri posset) morere; quam
ut aliquod impiæ abnegationis ver-
bum aut signum edas. Nam si fi-
dem sive Christum negaveris; ne-
gabit & Christus te coram Patre suo:
nisi penitentiam agens resipueris, si-
cut resipuit S. Petrus, qui post tri-
nam negationem flevit amarè. *In
Specul. Spirit. cap. 1.*

Item.

Fides Romanæ Apostolicæq; Ec-
clesiæ, quam Deus innumeris mira-
culis

culis comprobavit, quæq; tot jam
ſæculis inviolata permanſit, tam cer-
ta atq; indubitata eſt, ut ſi millies
moxi poſſemus, toties utiq; pro illa
retinenda ac tuenda libenter mortem
oppetere deberemus. In Conclu. Facula.

HÆRETICI.

*Hereticorum opera bona non
proſunt illis ad ſalutem niſi
diſpoſitive, nulluq; illo-
rum ſalvatur.*

Hæretici atq; Schiſmatici, eti-
amſi modeſti, benigni, ſobrii,
& caſti admodum appareant:
etiampiſi largiſſimas Elèémofynas pau-
peribus tribuant: etiampiſi aſſiduè De-
um orent, & in precibus ſuis com-
puncti, multas lachrymas fundant:
etiampiſi vitam maximè rigidam du-
cant, & mira opera patrent: etiampiſi
corpora ſua morti promptè intrep-
deq; obſciant. Quia tamen ſuperbi
E ſunt,

sunt, & scripturam falsis expositionibus pervertunt, unitatem Ecclesie scindunt, veram charitatem habere non possunt. Deus eos abominatur & à regno suo, tanquam gravissimos hostes repellit: nec unquam ipsi salutem consequentur, nisi humiles obediensq; facti, subiiciant se Matri Ecclesie, ac pravas opiniones suas deponant. *In Spec. Spir. cap. 1.*

Item.

Hæretici ab Ecclesia præcisi, licet in virulentis libris quos edunt, non nunquam bona intermisceant, licet aliqua, quæ ex se utiliora sunt doceant: licet Elèémosynas faciant; & precibus dediti sint, licet tormenta, atq; ipsam mortem intrepide subeant? nihil eis profunt ea omnia: quia charitatem non habent nec habere possunt: cum Ecclesie Catholicæ unitatem, videlicet tunicam Christi inconsutilem per nefarias sectas discindere nitantur. *In Collir. Hæret. cap. 8.*

Item.

Item.

Qui ab unitate Eccleſiæ Catholi-
cæ, abſq; ullo timore reſiliunt, &
ejuſdem Eccleſiæ Decretis parere re-
cuſant. His nec lectio ſacra, nec
Eléémofynarum largitio, nec aliud
quicquam, quod ex ſe bonum eſt,
utilitatem aliquam adfert: & nihil
faciunt, quod eis proſit ad ſalutem.
In Appendice Psychagogiæ in Concluſ. opuſc.

Item.

Firmiſſime tene, & nullatenus du-
bites, quemlibet Hæreticum vel Schi-
ſmaticum, In Nomine Patris, & Filii,
& Spiritûs Sancti, baptiſatum, ſi Ec-
cleſiæ Catholicæ non fuerit aggre-
gatus, quan aſcunq; Eléémofynas fe-
cerit: & ſi pro Chriſti nomine eti-
am ſanguinem fuderit, nullatenus
poſſe ſalvari. *In Collyr. Hæret. lib. 1.
cap. 8. S. Auguſt.*

Item.

Conſtituamus aliquem caſtum, con-
tinentem non avarum, non idolis ſer-
vientem, hoſpitalem, indigentibus

E. 2

mini-

ministrantem, non cuiquam inimicum, non contentiosum, patientem quietum, sobrium frugalem, sed Hæreticum: nulli utiq; dubium est, cum propter hoc solum quod Hæreticus est, regnum Dei non possessurum. *In Collyr. Hæret. lib. 1. cap. 8.*

INTENTIO.

Simplex, seu recta, Qua?

Simplex Intentio ea est, quæ nihil spectat nisi Deum. Ipsa virtutum omnium, finis initium, decus & ornamentum est. *In Farrag. Inssit.*

Quàm accepta sit Deo.

Beata Giertrudis audivit à Domino, quod tunc eximiam illi delectationem aliquis exhibet quando ad laudem ejus cogitat, aspicit, audit loquitur, vel facit aliqua utilia. *In Monil. Spirit. cap. 2.*

Finis

*Finis omnium actionum nostrarum,
solus Deus sit, necessum est.*

Consuescas omnia opera tua per Sanctam intencionem ad Dei honorem referre, consuescas tam illa quæ agis quam ea quæ pateris coniungere, atq; unire operibus & doloribus Christi, per orationem siue desiderium, sic vel similiter.

Pater Sancte, ego in unione amoris prædilecti Filii tui omnes actiones meas tibi commendo precorq; ut quidquid facio tu digneris suscipere ad æternam laudem nominis tui & ad omnium hominum salutem. *vel brevius sic.* Domine ego ex puro tui amore, ad gloriam nominis tui æternam propono & desidero hoc agere, juxta gratam voluntatem tuam. *In insti: Spiril. cap. 9. & In Tabell. Spir, Item.*

Quæ agenda sunt, (etiam dum manducare, bibere, dormire, vel quodvis, aliquod solatium carni in-

E 3 dul-

dulgere oportet) pure ad Dei honorem desideres. *In Speculo Spirituali* cap: 30.

Item.

Quo purius intentionem tuam in Deum sine aliqua tui ipsius quaesitione direxeris, eò opera tua Deo acceptiora & maioris meriti erunt, sive sint spiritualia, sive corporalia, sive magna, sive parva. *In Tabella Spirit.*

Item.

Infimum opus ejus, qui ex amore Dei seu propter Deum operatur, longe maioris apud Deum momenti est, quam supremum opus illius, qui huiusmodi scopum non habet. Unde & majus meritum obtinet, qui illam Sanctissimam intentionem comedit, quando comedere licitum est: quam alius qui jejuna, vel corpus suum asperè castigat, aliam intentione etiam bonam, nempe ut obtineat aeternas Paradisi delicias. *In Tabell: Spirit.*

Enigui

*Exigui actus Intentione bonâ
facti quanta merces.*

SI duo homines in eodem itinere constituti elegantem flosculum invenirent; quorum alter cuperet quidem illum decerpere, sed melius deliberans, dimitteret eum propter Deum: alter vero nihil præmeditatus carperet florem: iste quidem simpliciter decerpendo, non peccaret: at ille propter Deum dimittendo ipsum florem tantum præ decerpente obtineret meritum, quanta est distantia cæli à terra. Verum tamen si is qui decerpit florem, purè ad laudem Dei decerpit? etiam ipse maximum meritum acquireret. Itidem & qui convenienter propter Deum à cibo abstinet? Deo valde placet: & qui convenienter ad honorem Dei munducat? etiam placet Deo. *In Mōniti Spirituallī cap. 2.*

Item.

Si pietate ductus, cervicem tantum

E 4

inclī.

inclinaveris, ante Crucifixi Iesu imaginem: vel ad altare Dei Genitricis *MARIÆ* flosculos obtuleris: aut pedem moveris propter charitatem? non frustraberis à spe justæ mercedis. *In Canon vite spirit. cap: 30.*

Item,

Nulla actio tam modica est, quæ si ad Deum pure referatur, non multum profit animæ. Vnde etiam, qui unum flosculum propter Deum in altari reponit: vel imaginem alicuius Sancti sincerâ devotâq; devotione exornat. grandem mercedem recipiet. Sed & qui caput tantum inclinat, aut flectit genu ad honorem Dei non perdet mercedem suam. *In Specul: Spirit. cap: 5.*

Item,

Gratum Deo, remunerationeq; dignum esse, si quis pro honore atq; amore Dei etiam calamus è terra levaverit, aut passum unum fecerit. *In Monili Spirit. cap: 2.*

JUSTITIA DEI.

Æquè diligenda, ac misericordia.

Sicut tibi placet dulcedo Divinæ justitiæ peccata dimittentis: ita displicere non debet pulchritudo Divinæ justitiæ peccata expiantis. *In Enchin: Parvul: lib: 2. cap: 4.*

Item.

Sicut diligis Divinam misericordiam, ita diligas & Divinam justitiam: adeo ut paratus sis ipsa quoq; inferni tormenta pro peccatis tuis sustinere, si decor Divinæ justitiæ id exigeret & Deus vellet. *In Instit: Spirit: cap: 8.*

Item.

DEUS sicut est summe misericors, ita est & summe justus: Non est misericors absq; justitia, neq; justus sine misericordia. Quare qui vult salvus esse, debet utrumq; pedem Domini amplecti atq; osculari; nempe pedem misericordiæ, & pedem justitiæ: de-

E s

bet

hoc ita confidere, in infinita Dei misericordia, ut tamen in peccatis non perseveret, sed ad Deum ex animo conversus, iuste & pie vivere studeat. In Append: desumpta ex. Libri Thaul. 7. cap: 3.

Iustitia Divina quàm rigorosa.

Sancta Birgitta, aliquando audivit (Deo sic volente) Dæmones testimonium veritati perhibentes, dicentes Domino. Si creatura illa, quam maxime diligis (videlicet Virgo quæ te genuit, & nunquam offendit.) peccasset mortaliter, ac sine Divina contritione mortua esset: ipsa cælum non obrinisset, sed nobiscum in inferno cruciaretur, adeò sic iustitiam diligis. In Monit. Spirit: cap: 1.

Item.

Deus exactissimam rationem exigit temporis inutiliter expensi: omniumque levitarum, vanitarum, oblectationum, & affectuum indomitum. Non relinquet nec minimam quidem culpam impunitam, quæ in hac vita expur-

expurgata non fuerit. Vnde ipſe in Evangelio dicit: De omni verbo otioſo, quod locuti fuerint homines, reddent rationem. Hinc ſoror Sanctorum Coſmæ & Damiani ſcribitur quindecim diebus in Purgatorio cruciatus ſuſtinuiſſe, propterea, quod cum voluprate ſemel ſpectaſſet quosdam in platea tripudiantes. Beatus quoq; Severinus, legitur ipſas Purgatorii penas deſunctus ſenſiſſe, eo, quod diverſis negotijs in aula Principis præpeditus, preces horarias negligentius ſæpius perſolvifſet. In Append: cap: 3.

Juſtitia Dei ſe committere, quàm ſit meritorium homini viatori.

SI quis eo pertingere poſſet, ut Dei ſerâ ſe juſtitiam perinde ut miſericordiam exoſcularetur ac diligeret & iſis revera peccatorum ſuorum omnium, atq; etiam pœnarum illis debitarum, tam facile plenam obtineret veniam, quam facile una aquæ guttula in ardenti fornace conſumitur. Multo enim

tò enim melius est Divinæ se permittere vel resignare justitiæ, quàm misericordiæ: eo quod major in illo. sita sit mortificatio. In Farrag: Instit.

J U S T U S.

*Justus plus debet Deo, quàm:
Peccator ?*

Majus beneficium est, à vulneribus permanere illa sum, quàm ab inflictis vulneribus sanari: itemq; præclarius est, & majori dignum gratiarum actione, servari à peccatis, quàm de admissis consequi veniam. In Dñi Patrum cap: 14.

Iustos, permittit tentari. DEVS.

Deus salutem Electorum suorum, sæpè promovere solet ex his, quæ ipsis omnino contraria saluti suæ esse arbitrantur: unde & tentationes fædas, horrèdas, atq; infernales, eis nonnunquam accidere permittit. In talibus

bus se resignet Domino manens intus
apud se. *In instr: spirit: cap: 8.*

*Iusti quoq; & Electi habent navos
suos.*

PLerumq; & in Electissimis suis a-
micis aliquid semper vitij Deus re-
sistere permittit: & ut plurimum ad
iram & vehementiam proniores sint,
qui & sibi innotescant, & alijs, atq;
per hoc gratia sua quam illis iofu lit,
velut ignis sub cineribus occultetur
& conservetur. Ut ergo nihilum su-
um penitus agnoscant, Deo permittē-
te defectus quosdam incurrunt, veluti
est indignationis motus, aut durioris
asperiorisq; verbi subito prolatio. *In
Consol: Puill: Thaulerns.*

Item.

Solet Dominus permittere, ut in ple-
risq; suis Electis sibi charissimis, sēper
aliquid vitij, atq; imperfectionis resi-
deat: quo sibi ipsi vitescant, & humi-
les permaneant, *In Spec: spir: cap: 7.*

MA-

M A R I A.

Est clauicularia Regni celestis.

SI MARIAM ex corde invocaveris, si ad illam humiliter & confidenter te converteris: ipsa introitum regni, quem tua iniquitas, justitiaq; Divina tibi forte occludebat, aperiet. Mater enim misericordiae & porta paradisi est. *In Canon: Vita Spiritualis cap: 36.*

Nullum peccatorem repellit.

DEUS Pater Virgini Catharinae dixit: MARIAM Vnigeniti Filij mei gloriose genitrici, à bonitate mea concessum esse propter Verbi Incarnati reverentiam, ut quicumq; etiam peccator, ad eam cum devota veneratione recurrit: nullo modo diripiatur à Dæmone infernali. Hæc enim est à me Electa, parata & posita tanquam elca dulcissima ad capiendos homines, & præcipuè animas peccatorum. *In Mensl: Spirit: cap: 1.*

Item.

Item.

Nullum tam execrabilem orbis habet, quem B. V. MARIA abominetur, & à se repellat, quemq; dilectissimo Nato suo? (modo suam precetur opē) non possit. sciat, & velit reconciliare. In *Dictis Patrum* cap. 5.

Item.

Virgo MARIA S. Birgitta dixit.

Quantumcunq; homo peccet, si toto corde cum vera emendatione & charitate ad me confugerit? Itatim parata sum recipere venientem. Non attendo quantum quis peccaverit, sed quali intentione ac voluntate redit ad me. Nam peccator quamlibet vilis, & sordidus, non dedignor plagas ejus tangere, ungere, & salvare, quia vocor & vere sum Mater misericordiae. In *Menil Spiritus* cap: 1.

Item.

Quam diu tempus gratiae agitur, nequit. benignissimos oculos suos à miseris & penitentibus peccatoribus, ipsam invocantibus avertere, Con-

tinuas enim pro eis fundit preces; ut germana Soror, Materq; fidissima, curam salutis eorum gerit. *In Dictu Patrū cap: 5.*

Non perit, qui MARIAM colit.

Fleri non potest, ut peccat; qui MARIÆ sedulus & humilis cultor est. *In Canon: Vita Spirit cap: 18.*

MARIA est spes unica desperantium.

Sic timinum immanitate turbaris, conscientiae fæditate confusus, iudicii horrore perterritus, barathro incipias absorberi tristitia, & desperationis abyssu? cogita MARIAM, non recedat ab ore, non recedat à corde. *In Consol: Pusill. S. Bernardus.*

Item.

Quo quisq; se sentit pluribus peccatis irretitum, tanto iustius sibi videatur ad MARIAM accedere: & quantum est sceleratior, tantò maiori jure ad MARIAM properare se putet. *In Consol: Pusill. sub.*

Unica

*Unica Salutatio Angelica Maria,
quandoq; præstat toto psalterio.*

SI vel unicam Salutationem Angelicam, cum tui ipsius abnegatione, ad perpetuam Dei laudem protuleris: ea, & Deo gratior, & tibi utilior erit; quàm si totum Psalteriũ sæpius ex propria volũtate legeres. *In Spec: Spir c 5*
Devota recitatio Rosarij Mariæ, veniã gratiam, & gloriam meretur.

CVIDAM Carthusiano apud Triverrim revelatum fuit. Quod quoties quis piè & Sanctè recitat Rosarium gloriosæ Virgini MARIE, cum articulis Vitæ & Passionis Christi? toties plenam peccatorum suorum veniam; simulq; eximiam gratiam & eximium meritum cumulum consequitur. *In Scriniolo Spirituali.*

Precibus MARIE qualibet hora, mitigantur pæna Purgatorij.

EGO sum Mater DEI, & Mater omnium qui sunt in Purgatorio:
qu. 2

quia omnes pœnæ, quæ debentur purgandis pro peccatis eorum per preces meas qualibet horâ aliquo modo mitigantur. Mater sum omnium iustorum, & etiam omnium peccatorum, emendare se volentium, quos defendere, & ab omni periculo salutis eripere non cesso. *B. V. M. ad S. Birgittam dixit, in Monit. Spiritus: cap: 134*

MISERICORDIA D E I.

Immensa.

DUm quisq; peccator à vitijs resurgens & ab eis integrè se avertens, Deo perpetuo servire; eiq; soli vivere statuit: ad cō se illi benignum æterna illa, ac immensa bonitas exhibet, ac si nunquam in peccata illa corruisset. Omnia namq; peccata illi perfectè remittit, nec unquam illi ea imputabit, etiamsi tot essent, quot omnes simul homines commiserunt.

sunt. Si tamen ex animo doceat purè
ad gloriam Dei: & ideo potissimum
sue iniquitates displiceant, quod eas
Deo displicere intelligit. *In Dīctū Patrū*
cap: 14.

Item.

Si quadraginta annis in peccatis
vixissem & jam tempus resolutionis
meae instaret: si peccata purè confes-
sus essem, meq; ipsum cum perfecto
amore, ita ex fundo cordis mei, sal-
tem unius Salvationis Angelicæ spa-
tio in DEUM recipere & convertere
possem, ut totus ad ipsum conversus,
& ab omni peccato averſus essem:
tunc planè purus & innocens homo
ex hac luce migrarem. *In Consol: Pu-
sill: Thaulerus.*

Item.

Si centum annis ad ultimum usq̃ue
vitæ spatium in mortalibus peccatis
vixisses; & ob illa ex Divina iustitia
damnationi addictus esses, atq; in ipso
vitæ termino à peccatis averſus per
confessionem, contritionem & peni-

tentium

tentiam redires ad Deum; ejusq; gratiam tibi reconciliares: jam sententia illa & judicium damnationis mutaretur: & ipse ad sempiternam beatitudinem, revocareris. Vnde præscientia Dei est immutabilis; sed sententia & judicium in Deo est mutabile; si mutatus quoq; fuerit homo peccator per penitentiam. *Quidam amicus Dei. In Consol: Pusill. De immenso Dei amore erga homines.*

Item.

Deus Benignissimus, tam in exhaustus fons est, prorsusq; immensæ misericordiæ, ac naturalis bonitatis, ut nunquam ulla, quamlibet fidelissima Mater proprio Filio suo, quem sub corde suo gestaverit, tam desiderantè ac libentè, in medijs flammis racenti manum porrigeret adjutricem; sicut Deus homini contrito; etiam si possibile foret, cum omnia totius mundi peccata, vel millenis vicibus quotidie perpetrasse. *Henricus Suso, In: Consol: Pusill,*

Item.

Quotiescunq; peccator à vitijs cul-
pisq; se integrè avertens mihi perpe-
tuo servire, & me diligere, mihiq; so-
li vivere, statuit: adeò me illi beni-
gnum exhibeo, ac si nunquam me of-
fendisset. Omnia enim peccata illi
remitto, etiamsi tot essent, quot o-
mnes simul homines commiserunt; si
tamen ex animo doleat purè ad glori-
am Dei, & ob id potissimum displice-
ant illi suæ iniquitates, quod mihi eas
displicere intelligit. *In Apòd: Explic:
Passionis Dñi. In persona Christi Author
ait.*

Item.

Non sit peccatum oculis tuis adeò
magnum, ut spem veniæ adimat: non
videatur adeò numerosum, ut meam
misericordiam possit superare. Nihil
interest apud me, utrum à multis, an
à paucis peccatis te liberem. Et ma-
gnus, & parvus peccator, æque egent
misericordia mea, quæ inexhaustibilis
omnibus fuit, & abundat. Non po-
stet misericordiam meam, vincere
malitia

malitia tua, Quanto plura habes peccata, tanto ego libentius ignosco penitenti. Eo enim magis elucet gloria mea, quo majori peccatori erogo misericordiam meam. *In Consol: Pustl. In interna allocutione Christi ad animam peccatricem. Ioan: Lauspergius Carthusianus.*

*Quam promptus ad miserendum
D E V S.*

CERTISSIMÂ INDUBITATÂQ; fide tenendum. Si totus mundus esset globus igneus, & in medium ejus fasciculus lini mitteretur: hic ex sua naturali inclinatione, non tam cito flammam reciperet incendium, quam recipit abyssus DEI miserationum, peccatorē penitentē & converti volentem. Quia in illa actione naturali requiritur aliqua morula, licet minima ac fortassè imperceptibilis: hic vero nulla penitus mora inter penitentem & remittentem: inter gementem & gemitum exaudientem intervenit, *In Consol: Pustl. In Interna Allocutione Christi.* *Item.*

Item.

In persona Chriſti idem Author ait.

Quando poſt lapſum humiliter & confidenter me invocas, tam repente mundaris, quàm repente purgatus eſt leproſus ille, cui dicenti. Domine ſi vis, potes me mundare: reſpondit, volo, mundare. *In Appendice Explicationis Paſſionis Dominice.*

Item.

Non tam parati ad peccandum eſſe poſſumus, quam ipſe Deus paratus eſt ad miſerendum, ſi modo longanimitate ejus non fuerimus abuſi: id eſt, ſi verè & tempeſtivè poenitere voluerimus. *In Specul: Monachorum.*

Item.

Nullus ambigere debet cuncta peccata ejus, qui cum vera Divinaq; contritione, & ſancta ſpe amantèr ad Deum ſe ſa convertit, atq; erigit. citius immenſæ bonitatis illius abyſſo abſorberi & conſumi, quàm poſſet oculus aperiri vel claudì. *In Farrag: Inſtit.*

MORS.

M O R S.

Mors bona, vitam bonam sequitur.

B Onam ac iustam vitam non sequitur mala mors, sed pretiosa est in conspectu Dei: quocumque etiam modo vitam hanc finiant, sive in aquis, sive in igne, sive in loco moriantur. *In Consol. Pusill. In allos: Christi ad animam penitentem.*

Moribundos Dæmon ad desperationem impellit.

S olet etiam Diabolus, cum qui in mortis angustijs constitutus vehementer impellere ad desperationem: sed immensæ Dei bonitati ac misericordiæ humiliter firmiterq; confidere oportet. Deus enim Omnipotens, ac salutis nostræ sitientissimus, cor contritum & humiliatum nunquam despicit. *In Dictu Patrum cap: 22. Ioannes Thauler,*

Mori-

*Moribundus non diſputet cum Dæ-
mone.*

Hosti tætareo dubia proponenti,
reſpondere, & cum eo diſceptare
noli. In illa enim extrema hora, ipſe
Dæmon totis viribus integritatem fi-
dei labefactare quærit: cui quiſquis
locum præbet, magnum ſalutis ſuæ di-
ſcrimen incurrit. *Ibid. ut ſupra.*

*Moribundus quomodo debeat reſiſte-
re Dæmoni.*

VT abſq; periculo prætervoles Di-
aboli laqueos, & feliciter effugias
ejus infidias, quibus nonnunquam mi-
grantes affligere ſolet: interim dum
adhuc compos es, ſenſuum tuorum,
potes lingua, vel etiam mente conte-
ſtari, & ex animo ignoſcere omnibus
qui tibi aliquando moleſti fuerunt. &
cupere in ea fide vitam hanc finire, in
qua convenit obedientem Sanctæ Ma-
tris Eccleſiæ Filium mori; te credere
uni-verſa, quæ à veris orthodoxiſque
Chriſtifiſdelibus credenda ſunt. Et ſi

F

quid

Moribundus non diſputet cum Da-
mon.

HOſti tartareo dubia proponenti,
reſpondere, & cum eo diſceptare
noli. In illa enim extrema hora, ipſe
Daemon totis viribus integritatem fi-
dei labefactare quærit: cui quiſquis
locum præbet, magnum ſalutis ſux di-
ſcrimen incurrit. *Ibid. ut ſupra.*

Moribundus quomodo debeat reſiſte-
re Dæmoni.

VT abſq; periculo prætervoles Di-
aboli laqueos, & feliciter effugias
ejus infidias, quibus nonnunquam mi-
grantes affligere ſolet: interim dum
adhuc compos es, ſenſuum tuorum,
potes lingua, vel etiam mente conte-
ſtari, & ex animo ignoſcere omnibus
qui tibi aliquando moleſti fuerunt. &
cupere in ea fide vitam hanc finire, in
qua convenit obedientem Sanctæ Ma-
tris Eccleſiæ Filium mori; te credere
uniuerſa, quæ à veris orthodoxisque
Chriſtifiſdelibus credenda ſunt. Et ſi

F

quid

quid vel impugnatione diaboli, vel violentia morbi huic proposito contrarium forte cogitares, loquereris, aut faceres? te nullo pacto assentiri tali absurditati. Hâc protestatione factâ, deinceps omnis impietatis susurria, quæ Diabolus obgannierit contemne & irride: imò verò nec animadvertas ea quidem, si fieri potest. *In Cae non: Vita Spiritual: cap: 36.*

Moribundus, non confidas suis meritis.

MOriturus non innitatur bonis operibus, quæ se fecisse meminit: sed sanctâ constantiq; fiduciâ in dignissima Salvatoris nostri merita, profundissimumq; immensæ misericordiæ ejus pelagus se se cum universis peccatis ac negligentijs suis immerget, & in illius Sacrosancta Vulnera, inclinabit atq; demittet. Orabit eum ut pretioso Sanguine, quem fudit, pauperem ac nudam animam ejus omni culparum sorde abluat, Sanctisq; virtutibus ac
meritis

meritis ſuis veſtire atq; exornare dignetur. In Diſſu Patrum cap: 20.

Quo mortis genere moriendum, non curandum.

DE conditione ac genere mortis nihil hæreas, nullum eſt genus mortis, quod nocere poſſit juſto. Luſtus enim quacunq; fuerit præoccupatus morte, in refrigerio erit. Nihil itaq; ſolicitus ſis, utrum domi an foris, in lecto an in agro moriaris: nec cum formidine pertractes utrum violenta an naturalis erit mors tua. Ut autem benè ac feliciter moriaris, ſtude ſobriè, juſtè ac piè vivere. In Conſol: Puſillan: ad finem.

Peccator moriens nec penitens, æternaliter perit, exigente id Dei Juſtitia.

SI peccator qui criminibus ſcleribusq; ſuis injuriam Deo intulit, veram contritionem & penitentiam, antequàm anima ejus ſeparetur à corpore

non habuerit? exigente Divinâ iustitiâ
in æternum peribit. In Monit. Spiritual:
cap: 1.

*Moribūdus non angatur nimīū quid
cum ipso post mortem fiet.*

SI forte angit te pavor, propterea
quod ignores, quomodo te migran-
tem excepturus sit Deus, utrum ad æ-
ternam Paradisi requiem, an ad tran-
sitoriam Purgatorij pœnam? non est
necesse te aliquid horum scire. Ista
certitudo tibi sufficiat, quod habeas.
Dominum piissimum, qui peccata mi-
sericorditèr delet, qui bonam volun-
tatem tribuit, qui & potest, & vult sal-
vare, si humiliatus confidas in eo, non
in te, In Canone Vite Spirit: cap. 36:

In mortis agone quid agendum.

MOriturus quisq; meritis Salvatoris
nostri Iesu CHRISTI magis, quàm
suis innitatur. In illius bonitate, &
in precibus, B. V. MARIE, ac Sancto-
rum Electorumq; DEI satis confidat.
CHRISTI amarissimam Passionem mor-
temq;

remq; sibi proponat, & ineffabilem illam charitatem, quæ eum tam indigna sustinere cõegit, memoria repetat: atq; in patentia vulnera, & in profundissimum pelagus immensæ misericordiæ ejus, se se cum universis peccatis atq; negligentijs suis demittat immergatq;.

1^a Consol. Pusill: de bonâ & felici morte.

Item.

Is qui morti jam vicinus est, Passionem amarissimam, mortemq; pijssimam Domini Iesu, & indicibilem ipsius charitatem, quæ eum pati & mori cõegit devotè recolet, sibiq; ante mentis oculos proponat: atq; ita spiritum, animam, & corpus suum curabit pro modulo suo unire cum ferventi Spiritu, afflicta anima, sautoq; corpore ipsius Christi. *In Dictione Patrum cap: 24.*

Item.

Moriturus quisque retineat firmè Catholicam fidem, & sanctè suscipiat Sacramenta Ecclesiæ; si commodè obtinere potest, ac meritis Iesu Christi, magis quàm suis innitatur. *In precibus*

bus & pietate B. V. MARIE, aliorumq;
Sanctorum confidat, Crucifixi IESU
Imaginem sibi ante oculos statuat, &
ineffabilem illam charitatem, quâ Deus
noster pati, moriq; voluit memoriâ re-
petât, atq; ita se totum in cruenta ejus
vulnera demittat, & reclinet: obse-
rans cum ut in eisdem Sacris Vulne-
ribus omnia suâ peccata delere digne-
tur. In Monit. Spirid. cap: 14.

Consolatio Moribun- dorum.

*Quibus ponitur Modus bene morien-
di, ex hæcenus dictis.*

VNum est, quod multos expertos
in morte perterrere solet, eisdq;
mortem adfert acerbam & anxiam:
id videlicet. Quod dum præteritos
annos, dissolutamq; & malè trāfactam
vitam reducant ob oculos, grādiq; se
debito obligatos Deo sentiunt: neq; in
illa hora satis perspiciunt, quid ad id
facere debeant. Sed hac in parte cer-

tum tibi præſtábo conſilium ex Divinis
literis & ipſa veritate petitum.

Si tu quidem in diebus tuis perpe-
ram te vixiſſe noſti; ſicut pauci immu-
nes à vitijs vivunt; inde non nimium
in extrema hora terreri debes. Poſt-
quam Sacramentis munitus es, (ſi ea
commode poſſis obtinere) Crucifixi
Imaginem tibi ob oculos ſtatuas, eam-
que intuearis & tuo apprimas pectori,
atq; in ſanguinolenta immenſæ miſeri-
cordiæ ejus vulnera te reclina: obſe-
crans eum, ut in ipſis cruentis vulneri-
bus ſuis, Divinâ Virtute ſuâ, omnia
peccata tuâ abluat, pro ſuâ laude, &
tua indigentia vel neceſſitate. Ac de-
inde fide mea ſecurus eſto (juxta
Eccleſiæ Catholicæ fidem, quæ nulla
ratione fallere poteſt.) Si id firmiter
ita poſſis agere & te à cunctis vitijs pe-
nitens abſolutum eſſe, & hilariter mor-
tem poſſe oppetere. Poteris vero ſic
vel ſimiliter orare.

Benigniffime Domine IESV CHRIS-
TE, ecce jam tempus reſolutionis

mea instat: ecce jam separabitur anima mea à corpore, & ratio totius vite mee, tibi iustissimo Iudici reddenda erit. Non te laret. dulcissime Iesus: multiplicatas esse iniquitates meas, super arenam maris: vides à planta pedis, usque ad verticem capitis non esse sanitatem in me, & nisi gratia tua adjuvaret me, crescerent quotidie delicta mea, usque ad cælum. Quomodo ergo comparebo ante conspectum Divinae Majestatis tuæ? quæ mea mecum portabo merita? quibus me defendam medijs ante Tribunal tuum? O iuste Iudex ultionis? Alij quidem Domine Iesu consolabuntur se se vite suæ innocentiam; Alij magnis exercitijs & asperâ vivendi ratione; Alij atque alij, alijs, & alijs studijs suis & meritis innitentur. Sed hæc omnia in me nulla sunt: Verum scio quid faciam misericordissime Deus: totam spem & consolationem meam in tua Passione, in tua satisfactione & expiatione, in tuis meritis collocando, & repositam habendo: totum me & animam meam.

meam in sanguinolenta misericordiae
tuae vulnera reclino: obsecrans ut in
ipsis cruentis vulneribus tuis; Divina
virtute tua omnia peccata mea abluas
pro tui laude & mea indigentia ac ne-
cessitate. Equis desperet misericordis-
sime Deus, quamvis peccator scelestis-
simus, cum pro ijs tibi Domino meo
misericordissimo, tua inquam verbera,
opprobria vulnera, & tormenta offerat.
Cum Magdalena itaq; ingemisco, &
tundo pectus meum cum Publicano, ne
repellas me ad tuos pedes prostratum.
Permitte Domine IESU CHRISTE, ut
meae lachrymae misceantur tuo Sangu-
ini, & misereberis. Exue personam iu-
dicis, & indue Patris. Sitq; permissum
tibi Domine ex me, ut me, vel brevi,
vel post longa annorum curricula, tollas
e medio: etiam si hac hora discedendū
esset de corpore, atq; in tui vergeret
laudem, ut annis quinquaginta flam-
mis Purgatorij cruciarer: illico me in
tui venerationem, sub pedes tuos abij-
cerem, animoq; libenti in honorem tui,

penas illas exciperem diceremque? Be-
dictus ignis ille expiatorius in quo
cui laus in me perficitur. *Henricus Suso*
admonens quendam amicum, ut parato ani-
mo excipiat mortem.

Illac etiam verba, auribus morientis
um. ingesta multum profunt.

Domine Deus, ego sum miser ille
quem tu pro Paterna bonitate tua
creasti, & per ignominiosissimam mor-
tem Unigeniti tui de potestate inimici
redemisti. Tu solus imperium & Do-
minium in me habes, meq; salvare po-
tes secundum immensam misericordi-
am tuam.

Ipsè Deus amicis suis revelare dignatus est
predictas orationes fidelibus morientibus reci-
datas, vel ab ipsis p̄d prolatae cogitatae ve-
cuna virtutis esse: adeo ut quilibet fidei Ca-
tholica cultor perire nequeat, si in extremis
constitutus, vero integroq; corde illas humili-
ter proferre, aut apud se revolvere potuerit.
Blosius in Appendice desumpta ex libi Ioannis
Tbauleri cap: 30.

OBEDIENTIA.

Eſt virtus Deo gratiſſima, homini utiliſſima.

Obedientia, tanta virtus eſt, ut vel minimum aliquod opus ex ea factum, qualecunq; illud fuerit, multò melius Deoq; acceptius ſit quolibet alio opere, quamlibet etiam magno, quod ſine obedientia peragitur, ſive ſit Miſſæ auditio, ſive lectio, ſive oratio. ſive contemplatio, ſeu quodlibet bonum opus quod excogitari poſſit. *In Apologia pro Thaulero cap: 6.*

Item.

Tanta virtus eſt obedientiæ, ut Patres aſſerunt, majus eſſe meritum ejus, qui libentèr quidem ad honorem Dei jejunaret: ſed ex præcepto Superioris, vel ex ſacræ Religionis conſtitutione, etiã carnes ſobriè continenterq; manducat; quàm ſit meritum illius, qui pane & aquâ contentus jejunat ex propria devotione, *In Inſtit: Spirit: cap: 8.*

Eſt

Est via quâ itur ad calum.

Obedientia, quâ homo bonæ voluntatis se submittit, & non vult ex seipso vivere, sed cuncta opera & negotia sua (maximè ea quæ ardua sunt) peragit ex salubri san. itoq; consilio alicujus Spiritualis atq; illuminari confessoris: via ad cælum tutissima est, quâ facillimè retia Diaboli evaduntur. Qui vero non habet aliquem hominem idoneum cui in omnibus obediat, & ex consilio opera sua peragat? paratam, nihilominus retineat voluntatem obediendi si talem haberet. *In Monit. Spirit: cap: 7.*

Obedientia prompta, Christum infantem, in aetatem virilem, brevi excrefcere fecit.

Virgo quedam in monasterio degens & Divino amore flagrans, quum aliquando immenso dilectissimi Sponsi sui Iesu Christi desiderio tenebatur sic illum ex toto corde suo alloquuta est: O Vnice Fili Dñi amabilis redem-

Redemptor animæ meæ, urinam vel ad
momentum te in hac vita cernere pos-
sim. Ad quæ verba mox adstitit illi
ipse Dominus noster Iesus Christus in
forma cuiusdam pueruli. Contigit
verò ut una ex Sororibus congregatio-
nis januam cellæ illius devotæ Virginis
pulsaret, eamque cum festinatione ad
commune aliquod opus ex obedientia
faciendum accersiret. Audiens Virgo
Sancta jussionem obedientiæ, puerulo
Iesu ait: En dulcissime Domine Iesu
Christe pro explenda obedientiâ abeo:
tu interim me hîc expecta obsecro, si
tibi placet, donec ad te redire liceat.
His dictis, è cella exiit: & quod face-
re iussa erat, animo voluntario hilariq;
vultu peregit: Deinde magna cum ce-
leritate ad cellam reversa: quam quum
aperiret, mira quædam & radiantissi-
ma lux oculis se ejus ingessit, adeò ut
vix eam sustinere posset. Vidit igitur
amantissimum Dominum suum in per-
fecta ætate tanquam elegantissimū ju-
venem viginti & quatuor annorum ad-
stantem,

stantem. Vnde ipsa maximo gaudio repleta, ita cum affatur. O dilecte mi IESU, quomodo tam grandis, tantillo tempore factus es, qui tam pusillus aPparebas; quum à te recederē? Dic obsecro, dic unica spes mea, quid id factum sit. Cui pius ac dulcis Iesus respondit: O filia charissima, profunda velocis atq; impigræ obedientiæ tuæ humilitas, me tam brevi tempore tam grandem effecit. Semper ergo mei amore libenter obedi, si mihi continuè sine medio optas uniri. Post quæ verba Dominus disparuit. *In Apologia pro Thaulero cap: 6.*

Majoris meriti est, vilia opera ex obedientia facere, quàm heroica ex propria voluntate.

Opus minimum ex vera obedientia factum, magis Deo placet, quàm grande opus ex propria voluntate pe-ractum. Vnde melius est ex simplici obedientia, urticas & zizania extirpare, quàm ex propria voluntate sublimi

rerum celestium contemplationi operam dare. *In Tabella Spirituali.*

Item.

Malis folia. & quisquiliis arborum per obedientiam colligere, quam secundum propriam voluntatem, magnis operibus, sublimibusq; exercitijs insistere. *An Insist: Spirit: cap: 8.*

Item.

Melius est sobriè & continenter ad gloriam Dei ex obedientia manducare, quàm rigidam antiquorum patrum abstinentiam ex propria voluntate sectari. Quidquid purè per obedientiam fit, quantumvis vile & abjectum esse videatur, Deus magni facit & eximia mercede remunerat. Nullum opus Deo placere potest, cui inobedientia conjuncta est. *In brevi regula Tyranni Spiritnalis.*

Item.

Beata Virgo MARIA dixit ad S. Birgiam: Sint duo homines, alter sub obedientia; alter libertate sua vivat. Si is qui liber est, piè jejuncet: simplicem

cem habet mercedem. Si verò ille qui vivit sub obedientia non jejundet? sed continenter comedit etiam carnes secundum constitutionem Regulæ suæ: magis tamen cuperet jejunare, nisi obedientia obstitit? consequitur duplicem mercedem, unam videlicet propter obedientiam, alteram propter desiderij voluntatisq; propriæ abnegationem. *In Moni: Spirit: cap: 7.*

Verus obediens, Quis?

Verus obediens est, qui non solum Majoribus, sed & sibi æqualibus, atq; etiam minoribus alacriter in his quæ licita sunt obtemperat. Non discutit apud se, quam juvenis, aut imperfectus sit superior, qui jubet: non judicat frivolum, vel inutile esse, quod præcipit: sed audito ejus mandato, mox omnibus alijs, quæ tunc intermitteri possunt intermissis, animo paratissimo jussu exequitur: non tanquam homini, sed tanquam Deo obedientiam impendens, & propter Deum etiam præsentem minus recte vi-

ventem reverentèr honorans, sincerūq;
ac dulcem affectum, & benevolum a-
nimum, erga eum gerens: memor ver-
borum illorum Domini Iesu. Qui vos
audit, me audit, & qui vos spernit, me
spernit. *Luca 10: In Enchir: Parvul: lib: 1*
In Aepend: Documenti 5:

In Obedientia Ordo servandus.

Obedi Deo, obedi Ecclesiæ Catholi-
cæ, obedi his, qui vices Dei gerūt,
obedi Antistitib9 tuis, eosq; reverere, e-
tiam si minus recte vivere videantur.
Nam si his non obedis? Deo non obe-
dis. Ipse enim dicit. Qui vos audit,
me audit, qui vos spernit, me spernit.
In Canon Vitæ Spirituali, cap: 27.

Item.

Qui Præpositis suis rebellis est, & ob-
temperare non vult, Divinam gratiam
à se excludit, nullaq; ratione Deo place-
re potest, quamdiu talis est. *In Tabell.*
Spirituali:

Inobediens est inimicissimus Deo.

Qui obedire non vult in his, in qui-
bus obedire debet, & audax, fe-
rox,

rox, atq; contumax est in Præpositos suos: is inimicissimus Deo est. *In Speculi Spirit: cap: 2.*

Est quoq; Diabolo similis.

QVI Prælati suis amarulentè obmurmurat, & contradicit, superbèq; resistit? Diabolus veriùs quàm homo nuncupari potest. *In Dictu Patru cap: 8.*

Inobediens gravitèr punitur in futuro sæculo.

QUædam eximia Sanctitatis Virgo; videns in spiritu animam cujusdã Monachi pænis Purgatorijs gravitèr torqueri, qui tamen satis probè vixisse putabatur, interrogavit Deum, quam ob causam illa anima non esset in cælo. Cui Dominus in hunc modum respondit. Iste Monachus voluntati Abbatis & Præpositi sui in omnibus bonis humilitèr consentire atq; obtemperare noluit: displicuit enim ei quidquid Abbas faceret, existimans se sapientiorrem illo esse & mèlius quælibet posse agere. *In Speculi Spirit: cap: 2:*

OPUS BONUM.

Quàm gratum Deo.

QUod vi prudentèr propter DEUM
 continet ſe, nec id quod neceſ-
 ſarium, vel utile non eſt a-
 ſpiciat. audiat, odoretur, guſtet, loqua-
 tur, tangat, quicq; propriæ voluntati aut
 ſenſualitati etiam in rebus minimis
 cum diſcretionè reluctatur, rem Deo
 magis gratam facit; quàm ſi multos
 mortuos ad vitam reuocaret. *Chriſtus*
ad S. Birgit: dixit. In Monil Spir: cap: 2.

A Deo inhoandum.

QUando vis quidquã aggredi, erige
 cor tuum ad Dominum, & pete
 auxilium ab eo; illumq; invoca: ſciens
 te neq; agere, neq; dicere quidquam
 poſſe, quod ei ſit acceptum; niſi ipſe
 gratiã ſuã te adjuvet. *In Spec: Spir: cap: 5.*

*Opera noſtra operibus Chriſti uni-
 enda.*

SI tu bona opera tua, quæ ex ſe nimis
 imperfecta ſunt, Sanctis inferueris,
 atq;

atq; uniuersis operibus Christi effici-
entur nobilissima quemadmodum gut-
tula aquæ missa in vinum, nobilem vini
colorem ac saporem accipit. Itidem
si ea quæ te gravant, tibiq; molesta sunt
univeris Passioni, seu doloribus Domi-
ni Iesu, erunt maximi meriti, ac digni-
tatis. In *Disctis Patrum*, cap: 21.

*Opera bona, unico respectu Dei
facienda.*

Quando metu pænæ aut amore vir-
tutis gloriæq; regni cælestis move-
mur ad agendum, boni quidpiam: Bo-
num quidem hoc est, non tamen est
perfectum. Certè cum voluntas DEI
infinité præstantior sit, quam nostra:
par est, ut illa magis nos moveat, quam
nostra propria. In *Append. Tabell. Spirit.*

Item.

Faciamus qualibet opera nostra pu-
re propter Deum, seu propter infinitam
ejus bonitatem; quæ nos compellit, ut
ipsum amemus, eiq; serviamus potius,
quam propter nos utilitatemve nostrâ.
Nam illud excellit istud longè magis,
quam

quam Sol omni ſuo ſplendore excedat, tenuiſſimum lumen exiguæ candelæ. Et eam ob rem inſimum opus ejus, qui ex amore Dei, ſeu propter Deum operatur? longè majoris apud Deum momenti eſt, quam ſupremum Opus illius, qui hujusmodi ſcopum non habet. Vnde & majus meritum obtinet, qui illa Sanctiſſima intentione comedit, quando comedere licitum eſt; quam alius qui jejunat, vel corpus ſuum aſperè caſtigat, alia intentione, etiam bonâ, nempe ut obtineat æternas paradifi delicias. Iſte ſcopus iſtum non minus, imò multò amplius ſuperat dignitate, quam totus mundus, unam avellanam magnitudine. *In Append: Tabella Spirit:*

Imperſccta quomodo perficienda.

Opera atque exercitia tua divino cordi Chriſti emendanda perficiendaq; commendes; & illa Domino Jeſu aut Deo Patri offeras in laudem æternam, ad ſalutem totius Eccleſiæ, in unione Sanctiſſimorum operum & exercitiorum ipſius Jeſu Chriſti. Si enim
hoc

hoc feceris, ipsa eadem opera & exercitia tua, quæ ex se vilia atq; imperfecta sunt, nobilissima Deoq; acceptissima erunt. *In Breui Regula.*

Item.

Commenda operâ & exercitia tua. Sanctissimo atq; mellifluo cordi Iesu Christi emendanda, perficiendaque. Maximè enim id expetit cor illud amantissimum, & semper paratum est imperfecta tua excellentissimo modo perficere. *In Speculo Spiritualis, cap: 7.*

Opus bonum, nullum irremunerabile, nec malum impunibile.

IN veritate certum est, nullum quantumlibet exiguum bonum in homine carere remuneratione. Nec ullam quantumvis parvam culpam esse, quæ non purgari debeat, ante, vel post mortem.

Etiâ externa grata Deo.

Frequens & pura oratio, plurimum quidem ornat animam ejus, cui vacat crebrò orare, attamen etiâ opera externa propter Deum rite peracta, magnum

magnum decorem inferunt animæ fidelis. In Monit. Spirit: cap: 5.

Discrete nihilominus operanda.

IEjunare . orare , viſitare loca Sancta , ſunt quidem bona opera in ſe : ſed niſi diſcretè , humilièr , & cum charitate fiant , non merentur vitam æternam , In Monit. Spirit: cap: 7.

Opera mala proximi, excuſanda.

FACTA aliorum non judices, etiamſi quidpiam vitij in eis deprehendere tibi videaris : ſed potius excuſa. ac in melius interpretari coneris. Quod ſi factum excuſare non poſſis, ſaltem intentionem ejus qui fecit, quoad poteris excuſes. Si nec id potes, cogites eum inſcientem , aut ex infirmitate illud feciſſe. Quod ſi nulla ratione vel excuſare, vel quidpiam prætexere queas, nihilominus relinquo Deo judicandum : perſvadeas autem tibi eum gravitèr à Dæmone impugnatum fuiſſe, & te multò pejus fortaliſis fuiſſe acturum , ſi tam acriter fuiſſes impugnatus : agasq; gra-

tias Deo, quod à tam periculosa & infesta tentatione sis servatus, atq; cum ingenti commiseratione preceris Deum pro illo. In *Dictis Patrum*, cap: 15:

Operum bonorum duo sunt genera.

DVo sunt bonorum operum genera. Quædam viva, quæ à viro probò & Dei amico eduntur. Alia mortua, quæ à peccatore. Hæc, nec post conversionem quidem peccatoris, tamen nobilestima esse videantur, quidquam valent. Quia quicquid agit peccator extra gratiam & charitatem constitutus, nihil valet ad salutem comparandam. Disponitur quidem homo peccator orationibus, jejunijs, elèémofynis, aptiorq; redditur ad gratiam & virtutes à Deo accipiendas, sed nihil ponit in celo, quod post hanc vitam inveniat. *Coster: lib: de 4 Noviss de iudicio Noviss:*

Quod si autem vir justus usq; ad extremam ætatem justitiæ operam daret: jam autem uno lethali peccato Deum offenderet? nihil illi totius anteaactæ ætatis

etatis probitas apud Deum prodes-
set, sed potius obesset. quod tunc suave
Christi jugum abjiceret, quando ad
metam pervenisset. *Idem, Ibidem.*

*Opera bona in mortali peccato facta
non sunt meritoria ex condigno.*

Opera bona ab homine peccatore
peracta, neq; vivunt, neq; unquā
victura sunt: hoc est. Nihil valent ad
vitā aeternam promerendam neq; un-
quam quidquam valebūt, etiam si in
gratiam cum Deo redeat peccator: :
quia vitam nunquam habuerunt. Si-
militer opera bona meritaq; ante pec-
catum collecta, per peccatum ad ni-
hilum recidunt, ut quamdiu pecca-
tum in homine perseverat, nullum
vim habeat ad gratiam & salutem ho-
mini conciliandam. Si tamen ad
mentem redeat peccator reviviscunt
omnia ejus opera bona ante peccatum
edita, atq; in Thesaurum cælestem,
unde ejecta fuerunt revertuntur. *Idem
Ibidem.*

ORATIO.

Præstantissima Quæ?

Nihil melius postulare, nullam præstantiorem Orationem fundere potes coram Deo: quam ut petas fieri voluntatem ejus. *In Speculo Spirit: cap: 9.*

Item.

Meminisse te vellem nullam orationem digniorem esse, precatione Dominica, & Salutatione Angelica. Quaslibet alias orationes Sanctas, velut bonas margaritas dilige: sed ipsam precationem Dominicam & Salutationem Angelicam, tanquam pretiosissimos & incomparabiles uniones habere charissimos. *Blosius in Epistola ad Florent.*

Item.

Inter omnes preces, quas Christus in hoc mundo fudit: illa Summa atq; excellentissima fuit, quam imminente Passione fecit, dicens: Pater, non mea, sed tua voluntas fiat. *In Corollar: Tabella Spiritualem.*

Item.

Item.

Quândocunq; aliquid piè & ſanctè
petitur in Nomine Filij ſive per Filiũ:
Deus Pater gratiſſimam habet petiti-
onem: cum nihil illi charius ſit, ipſo
Filio ſuo. In Inſtit: Spirit: cap: 9.

Oratio aſſidua, qua?

SI bene vivis, ſi à peccatis te abſti-
neſ, ſi tempus utilitè expendis, ſi
te in conſpectu Domini verè humili-
as, ad Deum & cæleſtem Patriam ſu-
ſpiras, ſemper precaris, Sancta enim
Vita, ſanctumq; deſiderium coram
Deo, aſſidua Oratio eſt. In Canon Spi-
rituali, cap: 34:

Orandum cum intentione.

PEte tibi à Deo ignoſci, non ob
hoc potiſſimum, ut pœnam evadas
aut perditam gratiam, virtutes, &
juſ ad cæleſtem gloriam recuperes,
ſed magis, ut accepta venia ſis Deo
gratior, eumq; ames, & ab eo non ſe-
pareris. In Tabella ſpirituali.

Orandum cum attentione.

Christus ad S. Birgittam dixit.

Quicumq; sūde & voluntate perfe-
cta, legit hæc verba. Iesu mise-
rere mei: magis mihi acceptus est,
quam is qui mille versus sine attenti-
one pronuntiat. *In Monit. Spir. cap: 3:*

Orandum cum fiducia.

Si duo simul preces funderent, quo-
rum alter rem ejusmodi peteret,
quæ pene videretur impossibilis: con-
sideret tamen se à Deo exauditum iri.
Alter verò pro re minima postularet,
sed non plenam fiduciam haberet er-
ga Dominum. Ille qui rogaret pro
re maxima, & difficili, multo citius
ob meritum fiduciæ suæ exaudiretur,
quàm alter, qui rem modicam modi-
câ fiduciâ postularet. *In Speculo Spirit:
cap. 6.*

Orandum cum discretionē.

Non sis in affectibus & aspiratio-
nibus ad Deum nimius, vel vehе-
mentior quàm oportet: sed indiscre-
tionis

tionis moderationem diligentè servato: ne caput lædas, & naturam prægraves ac destruas. Quando autem contingit te dolorem aliquem ex Spiritualibus exercitijs contrahere ac sentire, offer illum Deo in laudem æternam, & patiens esto. *In Specul: spir: cap: 10.*

Item.

Caveat servus Dei, ne nimietate exercitiorum naturam suam prægraver ac destruat: quod contingere solet his, qui nullâ virium suarum ratione habitâ, mox imitari volunt, quæcunq; ab alijs facta esse vident, vel audiunt. Igitur ipsa exercitia sua cum discretionè moderata semper colat: Deoq; & rebus Divinis libero atque hilari corde vacet absq; sui gravamine aut anxietate. *In Farragine lxxvii sub T suo, Hac notatu digna.*

Orandum in ariditate.

Quando Spirituali cognitione, sensibiliq; gratia & devotione subtracta tardum, pauperem, frigidum,

ac velut à Deo derelictum, projectum-
que te sentis: quando afflictus præ-
tadio dormiens, & tantâ mentis in-
stabilitate fatigaris, ut in Sanctis co-
gitationibus nullâ ratione persistere
possis? non propterea putare debes,
quod celesti Sponso displiceas. In
Consol: Rufill. Quidam Scriptor.

Item.

Plerumq; Deus ibi per gratiam su-
am maximè adest ubi minime sentitur
sensibilis consolatio. Et sæpe homi-
ni melior est ariditas cordis, quam es-
set profusissima abundantia suavita-
tis. In ariditate enim & sterilitate,
homo clarius agnoscit, se ex se nihil
posse. In *Instit: Spirit: cap: 7.*

*Distraçtio tamen voluntaria in
orando cavenda.*

CAveat is qui orat, ne voluntariè
Cac data opera per gravem negli-
gentiam, inter orandum mente di-
strahatur: caveat item ne orationem
propterea deferat, quod in ea nullam
forte consolationem sentit. Sane sic
cus.

cur mentis diſtractio, quæ præter voluntatem orantis accidit, fructum & utilitatem Orationis non tollit, ita nec cordis ariditas dum bona voluntas adest. *In Monil Spirit: cap: 2.*

In Oratione ſugg'eſtiones Diabolica contemnenda.

Nullo modo Orationis ſtudio negligendum aut omittendum eſt, propter aliqua adverſantia, ſive ea procedant ab illuſione Satanæ, ſive à fragilitate propria, ſive à cogitationibus immundis, ſive ab inordinatis ſtimulis, & carnali motu corporis. Frequenter enim Diabolus Orationis tempore animam varijs imaginibus & phantaſmatibus magis infeſtare conatur, quàm extra tempus orationis. *In Monili Spirit: cap: 3.*

Item:

Pleriq; quando Sacratiora ſunt tempora, & ipſi ſe ad Deum libentius convertunt, tanto magis afflictio eorum augetur: ita ut nec unam quidem Orationem Dominicam, vel Salutationem

onem Angelicam absq; Diabolicis fursis explere liberè possint Vnde & ipsi in quandam velut desperationem labentes, Orationem à se abieciunt, & hoc pacto sibi ipsis loquuntur. Quid putas? ista tibi oratio prodest sordibus conspurcata? Sed in hoc nimium errant, & suo adversario penitus obsequuntur: cuius hoc præcipuum studium est, ut eos ab exercitijs Spirituallibus repellat. Nesciunt certè, quod oratio ipsorum, cum omnibus immisionibus illis de quibus dolent, optime sapit, & verè accepta est, ante conspectum Divinæ Majestatis *Henricus Suso, In Consol. Pusill; & in Append: ex lib: Ioann: Thauler: desumpta.*

Item.

Quæcunq; tentatione tentaris, in Oratione, nihilominus ora, & conare ad orandum: quia desiderium & conatus bonus, reputabitur pro supplendo defectu orationis. Et si sordida advenientia menti, eijcere non poteris? tunc ille conatus reputabitur tibi pro

pro corona : dum modo tentationibus non conſentias, & ſint contra voluntatem tuam. *B. V. Maria ad S. Birgittam Revelat: lib: 6 cap: 94.*

Diſtractiones involuntaria in orando non curandæ.

Si inter pſallendum & orandum, non potes eſſe, ſatis attentus? non ob id deiſciaris animo. Nam etiam ea precatio, quæ cum diſtractione cordis peragitur, fructuoſa eſt, & à Deo ſuſcipietur: Si modo is qui orat patitur invitus huiusmodi diſtractionem, & placidè facit quod in ſe eſt: bonam voluntatem Deo exhibens ſtudioſèq; ac reverentè precibus inſiſtens. *In Brevis Regu'a Tyronu ſpirit.*

Item.

Quamvis in orationibus tuis, attentus eſſe nequeàs; non ob id perturbari, aut orationis exercitium deſerere debes. Quia mentis inſtabilitas, & diſtractio, quam quis inter orandū præter voluntatem ſuam patitur, Ora-

G s

tionis

tionis fructum, non tollit. *In Tabella
Spirituali.*

Item.

Si tam instabilis atq; volubilis fuerit mens tua, ut verbis orationis attendere non possis, nequaquam ob id indignèris, neq; deijciaris animo, sed grato, placido, tranquilloq; spiritu, fac quod in te est, bonam voluntatem Deo offerens, & constantem patientiam exhibens. *In Canone vite Spir. c. 17.*

*Ab Oratione in ariditate non
cessandum.*

SU tibi Oranti aut Sacrificanti, aut Divina meditati aut Sacre lectioni insistenti, aut quodvis aliud sanctum opus facienti, deest sapidus ille devotionis affectus? perge tamen in incæpris, & par concipiens desiderium placendi Deo, offer illi cordis sterilitatem ac laborem in laudem æternam. *In Canone Spirit: cap: 26.*

Item.

Quodsi fortè inter legendum, nulum aut modicum saporem intrinse-

cus ſentis, nihil inde turberis : ſed etiã arido corde iſta humiliter & reverentè lege ac relege , pro Dei amore & gloria. *In Canone Spirit. ad ſimplicioſorem Lectorem.*

*Oratio etiam diſtractè perſoluta,
placet Deo.*

Quando ex humana fragilitate aliquis diſtrahitur , Deoq; negligentius intendit, non idcirco arbitretur orationes ſuas proſus inutiles eſſe, & rejici ab ipſo Domino, qui pro ſua ineffabili clementia atq; bonitate omnia opera noſtra æterna remuneratione digna reputat. *In Enchirid. Parvull. In Append. Documenti 12.*

Idem inſipida.

Nunquàm Deus parvi pendit orationem hominis bonæ voluntatis, ſed eam mox in libro ſuo ſcribi jubet, quamlibet etiam inſipida ſit ei qui illam rite petagit. *In Tabella Spirit.*

In Orando lachrymæ non curande.

Si tibi in Orationibus. vel meditationibus, atq; exercitijs ſanctis deſunt

sunt lachrymæ externæ, non id te-
perturbet. Nam homini Deo place-
re cupienti, non desunt internæ la-
chrymæ; & licet oculi ejus non plo-
rant; plorat tamen cor. Pro lachrymis
quas non habes, offer Deo Patri la-
chrymas Christi. *In Specul. Spir. c. 10.*

Etiam minima Oratio non caret

merito

Feri non potest ut etiam minima
precatiuncula risu fusa, aut mini-
mus gemitus, minimumve suspirium
ad Deum pie emissum grandi fructu
careat. *In Specul. Spirit. cap. 6.*

Oratio Mentalis præstat Vocali,

Precatio exterior quæ ore tantum
funditur, veluti palca est, interna
autem Oratio quæ funditur mente,
ipsam granum est, illa quæ & mente
funditur & ore profertur, Deo multo
grata est. *In Instit. Spirit. cap. 8.*

Oratio etiam lingua ignota,

placet Deo.

Quando aliquis latinæ lingvæ i-
gnarus, benignâ religiosaq; men-
te De-

te Deum latine laudat, aut precatur: non minus utilitatis ac meriti refert, quam si lingua notâ sibi laudes precesq; suas Deo offert. Nam & ægrotus quisq; portionem medicinalem sumens sanitati restituitur etiam si ipsius portionis virtutem ignoret. *In Corollario Appendix.*

Item.

Qui Psalmum exactè non intelligit, credit tamen aliquid Sancti esse in eo quod cãtat, omnino sine fructu non est. Deus enim psallentis cor magis, quam verba attendit. Omnis enim qui benignâ & religiosâ mente precatur, etiam si lingua sibi incognita oret, eximiam utilitatem, eximiumq; meritum refert. *In Collyr. Harat. lib. 2. c. 14. S. Augustinus.*

In peccato mortali existenti quomodo orandum.

Qui conscientia peccatorum remordente nequit libero corde orare, statim culpam suam coram Deo cum humilitate fateatur, veniamque petat,

petat, & se corrigere proponat: atque ita demum sanctâ fiduciâ resumptâ faciem animæ jam repurgatam ad Dominum per preces; laudesq; Divinas levet. In *Encher. Parvul. lib. 1. In Append. Documenti 12.*

Orationi alterius commendare se, prodest.

Qui alterius orationibus congruâ pietate & fide se commendat, fructum sancti desiderij sui apud Deum consequetur, etiamsi is cujus preces expetierat orare pro ipso negligat. In *Enchirid. Parvul. In Coroll. Appendic.*

Item.

Quando quis alterius orationibus se commendat, confidens se per ejus merita posse Divinam gratiam obtinere: pius Dominus indubitanter secundum desiderium & fidem ipsius benefacit ei: etiamsi ille, cui se commendavit, neglexerit devotè orare pro ipso. *Christus ad S: Gierard. In Monit. Spirit. cap. 4.*

Cur

*Cur non semper obtinetur, quod
petitur.*

SANÈ Deus quamlibet precatiuncu-
lam, in Ecclesia Catholica ritè su-
sam, & quodlibet suspirium, piè ad se
emissum, eximiâ mercede remunerat,
sed sæpe ad longum tempus differt,
præstare, quod postulamus quia sic ex-
pedit nobis. Et dum petimus ea, quæ
salutaria nō sunt: nō illa quidē; sed
alia quæ nobis utilia sunt, donat. *In*
Farrag. Instit. sub Tit. Hæc notatu digna.

Item.

Precando impetrabis quidquid uti-
lè tibi fuerit: Quod si mox non ob-
tines, quod postulas, vide ne pertur-
beris. Deus enim suâ pietate non-
nunquam differt largiri ea, quæ san-
ctè petuntur: non quod negare ve-
lit, sed ut cumulatiùs & utilius postea
tribuat: ut quæ fidem, longanimita-
tem ac perseverantiam postulantis e-
ximie corouet. *In Canone Spir. c. 17.*

Item.

Non propterea existimes te non e-
xaudiri,

audiri, quod orationis tuæ effectum non statim sentias aut videas: sed longanimis, fideq; plenus perseveres in sanctis petitionibus: Deo penitus committens, quando & quomodo velit postulata tribuere. Nam misericors Deus, sæpe ea quæ cōcedere vult, differt in longum tempus præstare, eo quod non satis convenienter, neq; satis utiliter illa citius largirentur. In *Enchirid. Parnall. lib. 1 Append. Documenti 22.*

De Oratione pro Defunctis.

Pius ac suavissimus Dominus, ipsas Electorum suorum animas, quas post mortem carnis adhuc purgare necesse est, in tantum diligit, earumq; liberationem tam ardentè desiderat, ut si nos benigna charitate moti pro illarum absolutione fideliter precemur, & adorandam Sancti Altaris Hostiam sive merita Christi, vel psalmodiam, aut quælibet alia salutaria offeramus, peragamusq;: hoc non minus gratum habeat, quàm si eundem Dominum nostrum

nostrum carcere conclusum, consolationibus relevare, atq; adjutorio liberare studeremus. *In Enchir. Parvill. l. 6. c. 2 cap. 4.* Item.

Quamvis animabus purgandis multum profit, quidquid pro earum remedio fit, legendo officium, aut vigiliis defunctorum, aliasq; orationes: magis tamen juvat, & majorem relaxationem eis quandoq; obtinet oratio paucissimis verbis & ardenti affectu usa. *Christus ad S. Giertrud. in Monil. spirit. cap. 3.*

Orationis meritoria formula.

Domine si tibi placet, si expedit, ut id fiat? fiat. si verò nō tibi placet, si non expedit? non fiat. fiat in omnibus Sancta tua voluntas. *In Canone viro Spiritualis, cap. 17.*

PASSIO CHRISTI.

Fuit acerbissima.

CHRISTI Passio fuit adeò omni consolatione destituta, adeoque
gravis

gravis & acerba, ut ei nulla cujuslibet Sancti Passio possit aliqua ex parte æquiparari. Solet enim Dominus suis Martyribus immania tormenta per infusionem sensibilis gratiæ temperare: sed ipse Christus volens propter nos Passionem suam in vera resignatione atq; derelictione perferre, non petmisit consolationem à superiori portione animæ suæ redundare in portionem interiorē ac sensualitatem. *In Corona Spirituali, Ad Simpliciorē Lectorem.*

Ex Passione Christi, tota spes Veniæ.

PRO scelerata inutili, ac deperdita vita tua, offer humili devotoq; corde, Deo Patri dilectum Filium, ipsius Iesum Christum: offer Sanguinem, Vitam, & Passionem ejus. Ita enim poteris omnia peccata tua quantumvis multa & gravia penitus expiare, excellētēq; omnem imperfectiōnem tuam, seu quidquid tibi boni deest supplere. *In Dictis Patrum cap. 21^o ex quodam Pio Scriptore.* *Item.*

Item.

Christus Sanctæ Giertrudi dixit. Quilibet poterit respirare in spem veniæ (quamlibet etiam gravi pondere peccatorū senserit se esse depressum) offerendo Deo Patri meam innocentissimam Passionem & mortem. Cre-dat igitur peccator se per hoc obtine-re saluberrimū fructum indulgentiæ. Quia nullum tam efficax remedium contra peccata poterit in terris haberi, sicut devota memoria Passionis meæ, cum fide recta, & vera penitentie. *In Monili Spirituali cap. 1.*

Itidem gratia.

Ignorare non debes illa exercitia, quibus aliquid ex Passione Domini Iesu, juxta gratiam tibi datam, legis aut ruminas: majoris esse virtutis, quàm alia Spiritualia exercitia. Sicut enim ille, qui opobalsamū vel leviter contingit, necessario suavem odorem retinet: ita is qui Passionem Dominicam pie recolit, licet per modico affectu id faciat, non potest non referre augmen-

154. Flores Sententiarum,
augmentum gratiæ Divinæ In En-
chirid Parvull. lib. 1 Append Documen-
ti 12.

Ac tandem gloria.

Non nimium innitaris, neq; confi-
das hujusmodi austeritati vel me-
ritis tuis: Verum spem omnem po-
tissimum colloca in Passione Christi
& in satisfactione, expiatione, ac me-
ritis ejus. In Spec Spirit. cap. 10.

Item.

Homo in satisfactione, & in meri-
tis Christi potius, quàm in operibus
proprijs ac meritis semper confidat.
Nam unica guttula pretiosi Sanguinis
Domini lasu dignior est, quam omnia
merita humana. In Monit Spir. c. 2.

Item.

Potissimam salutis spem, non tam
in meritis bonorum operum, quæ for-
te egisti, quam in meritis & miserati-
onibus Iesu Christi constituas. In Ca-
none Spir. 8. cap. 37.

Medi-

*Meditatio de Paſſione Chriſti. eſt ve-
lut pretioſiſſima margarita.*

Venerandam Chriſti Paſſionem,
tanquam pretioſiſſimam marga-
ritam in ſcrinio pectoris tui recondi-
tam habe, & eam grato animo ſæpius
revolve. *In Spec. Spirit. cap. 10.*

Eſt eximie fructuosa.

Nullus omnino poteſt aliquid de
Domini Paſſione humiliter lege-
re, vel cogitare (licet modico forte
affectu hoc faciat) quin eximium ſalu-
tis fructum referat. *In Inſtit. Spir. c. 6.*

Item.

Neq; ſcribi, neq; cogitatione com-
prehendi poteſt, quantum fructum
homo bonæ voluntatis & humilis re-
ferat, ex pia meditatione Paſſionis Do-
minicæ: quamvis enim modico affe-
ctu aliquid de Vita & Paſſione Chriſti
legat, aut ruminet, non poteſt non
maximam utilitatem inde capere. *In
Specul. Spirit. cap. 10.*

Imò

Imò aspectus solus in imaginem Crucifixi est utilissimus.

Fieri nulla ratione potest, ut vel aspicias tantum pijs oculis imaginem Crucifixi, sit sine grandi utilitate: cum ibi salutis tuæ summam invenias. *In Dictis Patrum cap. 21.*

In meditatione Passionis Christi non obest ariditas.

Quotiescunq; aliquid pie meditaris, aut legis de Vita, seu Passione Domini Iesu, Sanctificaris inde, & ingentem fructum reportas, etiamsi parvo admodum affectu, & sine ullo sapore sensibili mediteris ac legas. *Ibid. ut supra.*

Item.

Si in meditatione Passionis Dominicæ, cor tuum durum, ac sterile est: ita ut neq; compassionem, neq; amorem sentias? non hoc te perturbet, sed humilis ac resignatus esto: & libenter etiam arido corde hæc lege, ac ruma, pro Dei honore & gloria.

Plerum-

Plerumq; homini utilius eſt, compaſſionem vel amorem deſiderare, quàm ſentire.

Si tibi deſunt in meditatione Paſſionis Dominicæ externæ lachrymæ? non deſint internæ, hoc eſt; non plorant oculi? ploret cor. offer pro ſenſibili compaſſione piam gratiarum actionem. *In Praſatione Margariti Spirit.*

Meditatio Paſſionis Chreſti mirè præſervat à penis purgatori.

A Nima quæ ſe multis obſtrinxit peccatis, poterit ipſius Paſſionis Chreſti theſaurum adeo ad ſe adjungere ſibiq; applicare, ut etiamſi vel mille annis punienda ſit in Purgatorii locis brevi tempore & culpam & pœnam omnem diſſolvat, ita ut abſq; Purgatorio libera commigret in cælum. *In Dictis Henrici Suſoni de Paſſione Dñica.*

Illicium Chreſti nd meditandam Paſſionem ejus.

M Ihi longe gratius eſt, cor hominis ſi omni caduco amore ſit vacuum

cum, atq; ad imitandum vitæ meæ præclarum exemplar perpetua sedulitate intentum: quam si continuis prosequatur me lamentis: torq; fundat lachrymas, quot unquam pluviz guttæ ex ære defluerunt

Si tu ipse Passionem meam amantissimam humescentibus oculis commemorare non potes? facias te nihilominus jucundo animo, ob bona imensa quæ ex illa capis.

Si nec hilaritèr, nec lachrymabundus eam cogitare potes? vel arido corde in mei laudem eam percurras. Ita enim non minus gratum mihi præstiteris obsequium, quàm si præ lachymis & dulcedine totus colliquefceres. *In Scriniolo Spirituali.*

Nihil in Ecclesia Deo est acceptius: nihil quod efficacius peccatorum remissionem obtinere: aut celerius Purgatorii animabus succurrere possit: quàm Sacratissimam Christi offerre Passionem. *Pater Alexius a Salo.*

Meditationis Christi Passionis novem fructus.

IPse Dominus IESUS in Spiritu cui-
dam amico dixit. Quisquis bonâ
voluntate præditus Passionis meæ le-
ctioni aut meditationi humiliter ac
studiosè, ut oportet, insistit: novem
inde utilitates consequitur.

1ma est: Quod à peccatis omnibus
emundatur, & quidquid neglexit, id
illi ex meritis meis restituitur

2da. Quod ad resistendum hostib9
suis ita confortatur, ut nullum ex eo
triumphum referre queant. Nam etsi
ipse ex infirmitate nonnunquam labi-
tur: dexteram tamen meam suppono,
ne collidatur & pereat:

3tia. Quod ad bona quæq; opera di-
versasq; virtutes peragendas vires ac-
cipit.

4ta. Quamlibet brevi cogitatione
eandem Passionem meam revolvat,
semper anima ejus in gratia mea reno-
vatur.

sta. Quod devotè eam commemoranti l. benrèr ipsi commoror.

6ta. Quod arcana mihi à Deo Patre manifestata illi similiter aliquândo pandam.

7ma. Quod cum ante mortem mihi placentem reddam: & defunctum cum charis meis remunerabo.

8va. Quod nihil eorum, quod sermō & rationabiliter, convenienterq; petet, illi negabo.

9na. Quod in morte illi adversus hostes ejus assistam, & de vita æterna ipsum faciam certum atq; securum. In dictis Patrū c. 31. Quidā pius Scriptor.

PECCATUM.

Peccati non est author Deus.

Si tentatione victus corrueris, & peccaveris? ne incuses Deum qui author iniquitatis non est; sed te accusa, qui Diabolo consensisti. In *Cannone vite Spirit. cap: 6.*

Item.

Quod Dei est, Deo attribue, & gra-

rus esto ; tibi vero nihil adscripseris ,
præter peccatum. *In Canone vite Spiritu-
ali cap: 26.*

De peccatis ex infirmitate humana.

Qui ex infirmitate sola delinquit
dum liber apud seipsum est, odit
vitia, eorumq; occasiones : quando ta-
men se se offerunt ipsæ occasiones, fa-
cilè, aut lingue incōtinentiā, aut sen-
sum nimia libertate, aut passione af-
fectioneq; indignā, aut consimili ali-
quā transgressionē offendit ; sed mox
ut ad se redierit, dolet & penitus a-
versatur vel minimam peccatorum la-
bem : ob idq; veniam repente confe-
quitur. *In Canone vite Spirit cap: 3.*

Item.

Quando ex infirmitate humana
peccatum admittis ? non nimium de-
ijciaris animo, sed culpam humiliter
agnoscens, crede IESUM tibi veniam
dare, libenterq; agnoscere quemad-
modum B. Ioannes testatur. Si con-
fiteamur peccata nostra, fidelis est &

H iustus,

justus, ut remittat nobis peccata nostra, & emundet nos ab iniquitate. *10-
ann: 1. In Specul. Spirit. cap: 6.*

De peccatis ex affectata negligentia.

Ille qui ex affectata negligentia peccat, dum malorum occasionibus è medio sublati liber apud se ipsum esse potest: miris modis concupiscit easdem occasiones, illisq; plurimum afficitur, non sane propter peccatum, sed propter oblectationem. Labitur & ipse quidem ex fragilitate fortassis, sed non ex mera fragilitate. Qui tamen si statim post culpam admissam innovato proposito, verè penitentiam ageret? ipse quoq; celerrimè obtineret delicti remissionem. *In Canone vite Spiritualis cap: 3.*

De peccatis ex malitia commissis.

Cogita plerosq; ipsorum, qui Christum occiderunt, postea credendo in Christum, veniam accepisse. ut videlicet mortales omnes discerent, nulla esse immania crimina atq; flagitia, quæ

quæ clementiſſimus, & adipe miſeri-
cordiæ plenus Dominus, non velit ad
ſe converſis, vereq; pœnitentibus re-
mittere. *In Scriniolo Spirituali. In Episto-
la Bloſii.*

Item.

Si te Diabolo tradideris: ſi me æn-
tics negaveris: ſi me & mei imaginẽ
pedibus conculcaveris: ſi Sacramen-
to meo contumeliam feceris? dolo-
quia feciſti, & ego dimitto tibi pecca-
tum. *Ioan: Lanſpergius in Interna allocut:
Chriſti ad animam. In Conſol: Puſill.*

*Ad odio habendum peccatum, opus
eſt gratiã Dei ſingulari.*

Nemo poteſt odiſſe ſalubritèr pec-
cata ſua, niſi Deus dederit; niſi
auferat cor lapideum & inferat cor
carneum: niſi pro corde polluto cre-
et in nobis cor mundum: niſi pro Spi-
ritu pravo Spiritum rectum innovet
in viſceribus noſtris. *In Conſol Puſill. In
præclaris Dictis de Dei miſericord.*

*Peccatori etiam maximo, non despe-
randum.*

Non propter numerositatem, nec propter enormitatem lapsum tuorum desperes: sed culpam tuam humiliter agnoscens, & se fideliter corrigere proponens toties cum Sancta indulgentiæ spe resurgas, quoties cadis. *In Enchir. Parvul. In Append. Documenti 3ty.*

Item.

Si contingat te in gravissima scelera (quod Deus avertat) ruere, toties resurge quoties cadis: neq; unquam solem salutis abijcias: revertere ad benignissimum Deum tuum, & ipse te libentissimè suscipiet. Vult enim & potest cuilibet fidei homini verè contrito ignoscere, eumq; ab omni salutis impedimento (qualecunq; etiam illud sit) eripere & expedire. *In Tabell. Spirituali.*

Item.

Etiamsi centies vel milliès quotidie

ex humana fragilitate labâris: toties
cum sanctâ spe veniæ resurgas quoti-
as labaris. Proponas & coneris pri-
us vivere: non tamen confidas in tuo
proposito vel conatu, sed in sola boni-
tate Dei, & in auxiliô gratiæ ejus quæ
nunquam deerit facienti humiliter,
quod in se est. *In Brevis Regula.*

*Peccatori ponitur modus justifica-
tionis.*

Christus ad S. Birgittam dixit.

Nullus est tam magnus peccator,
cui ego negem misericordiam, si
eam humiliter & perfecto corde peti-
erit. Itaq: peccatores, qui mihi re-
conciliari gratiam amicitiamq; meam
obtinere volût in primis ex toto corde
doleant, quod me Creatorem suum ac
Redemptorem offenderint: deinde
expurgent se coram Sacerdote, purâ
humiliq; confessione, & vitam corri-
gant ac satisfactionem expleant, juxta
consilium & discretionem Sacerdotis.
Si enim hoc fecerint, ego eis appro-

pinquabo, & Diabolus ab ipsis elongabitur. Postea conveniens, erit, ut & corpus meum cum devotione veraq; charitate accipiant: habentes voluntatem nunquam admittendi priora peccata, & proponentes in bono usq; ad finem perseverare. *In Monit. Spirit. cap. 1.*

Peccator odio non habendus.

Oderis peccatum in homine, sed non oderis hominem propter peccatum. Nam hominem Deus fecit: peccatum verò non Deus, sed homo fecit. *In Instruct. Spirit. cap. 2. & in brevi Regula.*

Peccator non despiciendus.

Nillum damnes, nullum despicias, de nullius peccatoris conversione desperes. Quia is, qui modo pessimus est, potest mox Dei gratia mutari atq; optimus esse. Nondum enim pons misericordiae Divinae, quo transitur ad sanctam vitam, dejectus, est. *Ibidem.*
ut. supra.

Item.

Item.

Dum cernis aliquem malè agere, & peccare, non illum asperneris: sed Deum pro eo ores, rogans ut illum adjuvare & conservare dignetur. *Ibidem ut supra.*

Peccator benigne admonendus.

Sicut vis Deum in te esse benignū, & clementem: ita tu quoq; in alios sis benignus & clemens. *In speculo Spirit. cap: 3.*

Item.

Sic persequere peccatum in homine, ut tamen propter peccatum, quod homo commisit, non oderis hominem quem Deus fecit. *Ibid. ut supra.*

Item.

Si irasceris ut peccatē corrigas aut castiges, irascere sine felle, sine odio. *Ibid. ut supra.*

Item.

Si quandoq; necesse fuerit, ut aliquem durius asperiusq; corripias, fiat hoc discretè & sine odio pro Dei honore ac gloria. *In Dictū Patrum cap: 7.*

H s

Pecca-

Peccatori magis cavenda mors anima quam corporis.

SI consentiendo alicui peccato, posses te ipsum, & plurimos alios à morte eripere? nullo tamen modo deberes peccato consentire. Neq; enim licet facere mala, ut veniant bona: & nimis absurdum foret, pro utilitate Creaturarum (quæ cōparatæ Deo quasi nihil sunt) scienter ac deliberata voluntate offendere Creatorem, qui est bonum infinitum. *In Speculo Spiritus. cap: 1.*

Item.

Si tibi diceretur, aut bîbas, aut morieris? melius esset, ut caro tua sobria occideretur; quàm per ebrietatem anima moreretur. *Sandus August: serm: 232. de Tempore.*

Peccatoribus meticulosis dantur documenta.

QVI inordinatè damnationis metu laborat, & benè vivere conatur pro viribus: expedit prudenter prohibere

libere oculos internos, à nimia consideratione iusti Iudicij Dei. *In Specul: Spirit: cap: 6.*

Item

Non anxie pertractes apud se, utrum necesse erit, ut post hanc vitam, peccata tua adhuc in Purgatorio expiantur: sed voluntati providentiæ, ordinationiq; Dei, te totum securè in omnibus committens atq; resignans, gratum habeas, quidquid tibi ille facere voluerit in tēpore, & æternitate. *In Instit: Spirit: cap: 8.*

Qualiter peccata dolenda.

QVando peccas, magis doleas & deplangas, quod Deum fidelissimum, dulcissimumq; Patrem tuum, offenderis; quàm quod commoveris ut gravibus vel etiam æternis supplicijs puniaris. *In Instit: Spirit: cap: 8.*

Peccata venialia qualiter delenda.

Ipsas veniales culpas coram Deo seriò confiteri debemus, quæ multis modis delentur; pura contritione, Dominicæ

180. *Flores. Sententiarum.*
manifeste orationis prolatione : gravamine aliquo pro Deo perlato ; aquæ benedictæ asperzione, gemitu, tussione pectoris, &c. Si talia piè ac religiosè fiant. Utile tamen est animæ, & Deo gratum, ut homo accuratè etiam leviores offensas coram Sacerdote, confiteatur, atq; exprimat : sed inanes scrupuli reiiciendi sunt. *In Specul. Spirituali. cap: 1.*

Item.

Non sis nimium pusillanimis propter quotidiana peccata, quæ invitus committis. Nam quemadmodum, singulis diebus, in multis saltem leviter offendimus : ita quotidianas expiationes habemus in promptu, quibus hujusce peccata deleantur. Est Sancta Confessio, est gemitus, est fletus, est sancta lectio, seu Verba Dei : est eleëmosyna, est hospitalitas, est oratio, quæ Domino dicimus. Dimitte nobis debita nostra, sicut & nos dimittimus debitoribus nostris. Sunt aliæ preces, aliæq; pietatis misericordiar

ricordiæ & charitatis opera. In Cano-
nis vite Spiritualis cap. 3.

*Peccata venialia in genere con-
fitenda.*

EAs culpas, quæ quotidianæ & cō-
munes dicuntur; & à quibus ne-
mo sibi cavere potest, ut paucis ex-
plicem verbis, generatim eas confi-
tearis, tecumq; proponas & constitu-
as semper bene agere; & omnia tam
venialia, quàm mortalia peccata vi-
tare te velle. *Rusbroch: in Consol. Psall.*

Item,

Non eris nimis anxius, neq; pertur-
baberis, si fortè non omnes veniales
culpas in confessione expressisti: nam
tales generalitèr exposuisse satis est,
cùm mortalia duntaxat peccata, &
ea de quibus dubium est, utrum mor-
talia sint, expressè ac distinctè ex
præcepto atq; necessitate confiteri co-
ram Sacerdote obligemur. *In Speculo
Spirit. cap. 1.*

Pro

*Pro peccatis, oblatio & satisfactio
efficacissima.*

IN satisfactionem pro peccatis tuis, offeras Deo merita, dolores, & Vulnera Christi. Nam hæc indubitanter valent, ad plenè satisfaciendum pro omnibus peccatis. *In Instit, Spirit. c. 8.*

Item.

Offer Deo Patri in plenam expiationem peccatorum tuorum, & in suppletionem meritorum quæ tibi defuerunt, ipsum Unigenitum Filium ejus IESUM Christum: Offer omnia quæ ille pro te fecit ac pertulit: offer Incarnationem, Vitam, labores, Passionem, cruciatus, Sanguinem, & mortem ejusdem Redemptoris tui. Nulla enim scelera tam gravia & enormia esse possunt, quæ non meritis Christi & pretioso cruore ejus in homine bonæ voluntatis deleantur. *In Speculo Spirit. cap. 7.*

Item.

Quoties interes Divinissimo Missæ
Sacrifici-

Sacrificio, hostiam in eo per Sacerdotem consecratam, offer devota mente Deo Patri in plenam expiationem & satisfactionē pro peccatis tuis: offer eam illi in gloriam suavitatis. & laudem æternam pro tua omniumq; salute. *In Speculo Spirituali. cap: 12.*

Item.

Offer devota mente Deo Patri; dilectissimum Filium ejus IESUM Christum, pro deperdito pueritiæ, & juventutis tempore, Offer Sanctissimam ejusdem Christi pueritiam ac juventutem pro cunctis negligentijs, & imperfectionibus tuis: offer ipsius Vitam perfectissimam & Passionem salutarem, *In Consol: Psall. Quidam Dei amicus.*

*Pro peccatis satisfactio efficax
sed conditionata.*

SCito, satisfactionem Domini IESU immensam esse. Nam & unica pretiosi Sanguinis ejus guttula, mille mundorum diluendis peccatis sufficere poterat. Verum tamen debes magnâ

gnà diligentia benè agere, & satisfacere, pro peccatis tuis, vitiisq; in te mortificare omnibus diebus vitæ tuæ.
In Tabella Spirituali.

Consolatio Peccatorum desperantium.

Licet insipiens cogitatio tua obmurmure, atq; oblitrepat, clamitans vitam tuam talem non fuisse, ut sperare debeas te perventurum ad æternam illam gloriam? Responde cum sancta humilitate & pia fiducia. Scio cui credidi, scio me ineffabili charitate adoptatum esse in Filium. Licet Domino facere, quod vult. vult autem misereri, vult salvare: quia sic decet ejus clementiam & bonitatem. Non multitudo, non enormitas peccatorum meorum: non miseria quotidianæ fragilitatis meæ me terrere potest, dum illius incarnationem, Passionem, ac mortem memoria repeto. Ipse me redemit, ipse Sanguinem fudit, ac moriendo debitum exolvit.

In

Inimmēſum major eſt ejus miſericordia, quā ſit aut eſſe poſſit iniquitas mea. Sacroſancta ejus Vulneta teſtantur me eſſe reconciliatum, ſi verē me pēitet iniquitatum: ſi verē eum diligere concupiſco. Beata ſua brachia in Cruce expandit, ut me peccatorem ſuſcipiat, atq; complectatur: ego inter illa & vivere & mori deſidero. Et qnamvis mea iniquitas ab hoc gloriæ conſortio me repellat: naturæ tamen communio ad illud admittit. Non eſt tam inhumanus Deus, ut non diligit membra ſua, viſcera ſua. Quamdiu ille non deſierit eſſe miſericors, non ſum inops meriti. Quodſi miſericordiæ ejus multæ? dives quoq; ego ſum meritis.

Quisquis pius Dei cultor & orthodoxus Catholicæ Eccleſiæ Filius eſt, eò modo ſe ſe ſub mortem confirmare poteſt, adverſus omnes deſperationis impulſus. Tu igitur talis eſto. In Canon: *vita Spirit. cap: 39.*

Item.

Item.

Quid hac Dei promissione liberali-
us? In quacunq; inquit die, conver-
sus fuerit impius ab impietate sua,
non nocebit ei impietas sua. Non
ait, si biennio, si bimestri, si biduo
ante mortem conversus fuerit: sed in-
quacunq; die conversus fuerit, in qua-
cunq; die ingemuerit, salvus erit, mo-
do vere, recte q; ingemiscat. 1b: ut supr.

PÆNITENTIA.

Non differenda de die in diem.

Non tardes converti ad Domi-
num, neq; differas de die in di-
em: subito enim veniet ira il-
lius, & in tempore vindictæ disperdet
te. Eccles. 5.

Item:

Noli dicere cras me convertam.:
cras Deo placebo, & omnia hesternæ
& hodiernæ peccata dimittentur mihi.
Verum quidem dicis, quia Deus con-
versioni tuæ indulgentiam promisit:
sed.

sed dilationi tuæ crastinum non promisit. *In Psychagog. lib: 1. cap: 4.*

Item.

Quamvis Deus promittat peccatori verè pœnitenti misericordiam: non tamen promittit in peccato perseveranti veram pœnitentiam, vel longam vitam, *In Monili Spiritu cap. 1.*

Item:

Qui ab iniquitatibus suis recedere negligunt: & sibi de Deo indulgentiam repromittunt: nonnunquam ita præveniuntur repentino Dei furore, ut nec conversionis tempus, nec beneficium repromissionis inveniant. *S. August: Tom: 1. Serm: 66. de Temp.*

Item.

Promittitur quidem tibi peccatorum remissio, si etiam in extremo vitæ articulo positus verè, id est ex amore Dei magis, quàm metu supplicij pœnitentiam egeris: non tamen tibi promittitur futurum, ut tunc verè pœnitentiam agas: sanè hujusmodi pœnitentia, quæ usq; ad vitæ extremum differ-

differtur, dubia admodum est, periculosa est, non semper vera est. Ut igitur morte præsente securus hinc emigres, pænitentiam age, corrige vitam interim dum sanus es, & adhuc peccare potes. Nam si tunc demum peccare desinis, quando amplius peccare non potes, non tu peccata deseris, sed peccata te deserunt. *In Canon. vita Spirit. cap. 2.*

PRÆDESTINATIO ET PRÆSCIENTIA.

De Prædestinatione & Præscientia Blosio in opusculis suis, pauca admodum ac ferme insinuando scripsit. Proinde ex operibus D. Augustini excerpta quadam scitu necessaria, hic ponuntur.

Prædestinationis definitio.

Prædestinare Deum nihil est aliud, quam in illa sua, quæ falli mutarique non potest Præscientia opera futura

tura sua disponere. *S. August. tom. 5. lib. 2. de predestinatione Sanctorum cap. 17*

Prædestinatio autem derivatur a præveniendo, seu præordinando futurum aliquid. *Idem tom. 7. lib. 6:*

Præscientia verò derivatur à prævidendo & præsciendo, vel ut utar verbis D. Augustini. Præscientia est futurorum scientia. *Tom. 4. lib. 2. ad Simplicianum, Quæst. 1.*

Differunt autem ista inter se per hoc: quod Prædestinatio sine Præscientia esse non potest. Præscientia verò sine Prædestinatione esse potest. Prædestinatione quippe Deus ea præscivit, quæ fuerat ipse factururus. Præscire autem potest Deus etiam ea quæ ipse non fecit. sicut præscit quæcunq; peccata. *Ita D. August. Tom. 3. lib. 2. de Prædest.*

Ad quæ opera prædestinat Deus.

AD pravariationem legis; ad neglectum religionis, ad disciplinæ corruptelam; ad desertionem fidei, ad perpetratiōem qualiscunq; peccati
nulla

nulla est omnino prædestinatio Dei :
nec fieri potest ; ut per quem à talibus
malis surgitur , per eum in talia deci-
datur. S. August. Tom: 7. lib: Responsio-
num ad Articulos, Artic: 14:

*Prædestinatio facit , ut ex malis
boni fiant homines.*

Nullo modo prædestinatio Dei fa-
cit, ut aliqui ex filiis Dei, sint filij
Diaboli : ex Templo Spiritûs Sancti,
templa fiant Dæmonum : aut ex mē-
bris Christi. membra meretricis : sed
potius prædestinatio facit, ut ex filiis
Diaboli, fiant filij Dei : & ex tēplo Dæ-
monum templa Spiritûs D: & ex mem-
bris meretricis : membra fiant Christi:
quía ipse alligat fortem, & vasa ejus
rapit, eruens ea de potestate tene-
brarum, transferens de contumelia in
gloriam. Tom. 7. lib. ad Artic. Artic: 12.

*Deus prædestinatos, etiam obstina-
tos, adducit ad penitentiam,*

AIt Apostolus. Bonitas Dei ad pæ-
nitentiam te adducit. Rom. 2. Ve.

rum eſſe conſtat: ſed quem prædeſti-
navit adducit: quamvis ſecundum
duritiā, & cor impenitens, quantum
ad ipſam attinet theſauriſet ſibi iram
in diæ iræ: & revelationem juſti lu-
dicij Dei, qui reddet unicuiq; ſecun-
dum opera ejus. Quantum enim li-
bet præbeat patientiā, niſi ipſe de-
derit, quis agit penitentiā. Item Tomo
7. lib. 4. contra Iulianum cap: 3.

*Prædeſtinatorum nullus perire
potest.*

Firmiter crede, & nullatenus dubi-
tes. omnes qui vaſa miſericordiæ
Deus fecit gratuitā bonitate, ante
mundi conſtitutionem, in adoptio-
nem filiorum Dei prædeſtinatos eſſe à
Deo: neq; perire poſſe aliquem eo-
rum; quos Deus prædeſtinavit ad re-
gnum. Tom. 3. lib. de fide ad Petrum
cap: 35.

Item.

Ex numero Electorum & prædeſti-
natorum, etiam qui impiſſimam duxe-
runt

runt vitam per Dei benignitatem, adducuntur ad pœnitentiam, per cujus patientiam non sunt huic vitæ in ipsa scelerum perpetrationse subtrahiti: ut ostendatur & ipsis, & alijs cohæredibus eorum, de quàm profundo malo possit gratia Dei liberare. Ex his nemo perit, quâcunq; ætate moriatur. Absit enim ut prædestinatus ad vitam sine Sacramento Mediatoris finire permittatur hanc vitam. *S: August. Tom. 7 lib. 4. contra Iulianum cap. 3.*

*Prædestinationis, & Reprobationis
causa imperscrutabiles.*

NOVIMUS nonnunquam quosdam volentes vitæ æternæ finem accipere, & eam adipisci: quosdam autem non: NOVIMUS etiam aliquos perfectos ex labore multorum annorum prolapsos in ultimo vitæ suæ, & perijisse. Aliquos verò à juventute sua in omni scelere, & damnabilitate, usq; ad decrepitam ætatem perdurasse: & repentè cælitus insperatâ salutem raptos

raptos esse ad requiem regni cælorum. Novimus etiam parvulos Parentum manibus ad gratiam Sacri Baptismi deportatos: & cum in uno eorum per manus Sacerdotis mysterium fidei adimpleretur; aliquoties alterum in manibus Patrum factum exanimem, fraudatum gratia Salvatoris. Quis sapiens intelligit hæc? Aut quis idoneus erit horum reddere rationem? Dicamus cum David. Quam magnificata sunt opera tua Domine: nimis profundæ factæ sunt cogitationes tuæ. *Psalm. 91. S. August: Tom. 7. lib. 6.*

De predestinatione scrutari periculosum.

Nemo venit nisi tractus. Quem trahat, & quem non trahat? Quare illum trahat, & illum non trahat? Noli velle judicare, si non vis errare. Simul nempe & intellige. Nondum traheris? ora ut traharis. *S. August. Tom. 9: Tract. 26. in Ioan.*

*Præscientia & Prædestinatio non
tollit libertatem creatam.*

QVando aliquis peccatum committit, Deus quidem illum peccaturum ab æterno præcivit: non tamen ille ideo peccat quod Deus peccati ejus præcius fuerit: sed potius illum peccaturum Deus ideo prævidit, quia omnino ille pravâ suâ voluntate peccatum erat commissurus. Præscientia enim Dei non tollit libertatem arbitrij nostri. *Blosius, In Enchir. Parvul. lib: 2. cap: 9.*

Item.

Deus ut omnia opera in prædestinatione posuit, sic ille disposuit ut quosdam non credentes, ad fidem suam orationes credentium pro eis exaudiendo convertat. *S. August. Tom. 2. Epistol. 107. Ad Vitalem.*

Deus prædestinat gratuito.

Taceat humana lingua, nec prorsus in Prædestinatione de meritis extollatur. Attendat dictum. Ante mundi

mundi constitutionem Divinæ voluntatis est hoc donum, non humanæ fragilitatis meritum. *S. August: Tom: 7. lib: 6.* *Item.*

Deus cuius vult miseretur, & quem vult indurat. Miseretur enim magnâ bonitate, & obdurat nullâ iniquitate: ut nec liberatus de meritis gloriatur; nec damnatus de suis demeritis, conqueratur. *Tom: 3. lib. Enchiridij, cap: 99.*

Item.

Non est ex meritis Prædestinationis conscriptio, sed ex gratia & dono Dei. Deus enim non quia prævidit merita, ideo elegit; ita ut prævisio meritorum sit ratio electionis & prædestinationis: sed potius è contra, quia elegit, & prædestinavit, ideo Sancti erunt. *S. Tom: de villa n. va*

Deus bonos præscit & prædestinat, malos autem præscit sed non prædestinat.

Apostolus dicit: Nam quos præscivit, & prædestinavit. *Tom 2.*

Sed non omne quod præscit, prædestinat. Mala enim tantum præscit, & non prædestinat. Bonum verò præscit, & prædestinat. Quod ergo bonum est: præscientia prædestinat, id est, priusquam sit in re præordinat.

Item.

Deus quæ præscit gratuitâ misericordiâ præparat, id est prædestinat ad vitam æternam: cæteros autem debitâ pænâ punit; quia, quid erant futuri, præscivit: non tamen puniendos prædestinavit, sed tantum in damnable massa præscivit. *Tom: 7. lib: 6. Hipognost.*

Prædestinationis Divinae signa.

SI libere & absq[ue] fictionem^{et} vel simulationem Domino Deo perennitèr servire illumq[ue] laudare & amare planè proponis: si secundum gratissimam voluntatem ejus vivere cumq[ue] ex amore eligere statuis? hoc ipsum argumentum tibi sit, te ab eo prædestinatum, vocatum, Electum, & dilectum

etum esse ex omni æternitate. Blosius
in Farragine Instit.

Item.

Qui secundum propositum Dei vi-
vunt, præscitos esse & prædestinatos
electione gratiæ gratiæ ejus; & re-
gnum eis Cælorum esse prædestinatum
sine dubitatione dicendum est. *S. Au-
gust: Tom. 7. lib: 9: Hipognostis.*

Conclusio istius Materie.

Hinc nemo gloriatur, nemo de-
speret. Solus enim Dominus
scit, qui sunt ejus. In quantum autem
possumus, omnes homines ad bonum
opus exhortemur, nulli desperationē
demus, pro invicem oremus. In con-
spectu Dei nos humiliemus, dicentes.
Fiat voluntas tua. Ipius erit pote-
statis Iudicium in nobis debitum mu-
tare damnationis, & gratiam præde-
stinationis in debitum prorogare. *S.
August: 1^a cor: 7. In fine lib: 6.*

RESIGNATIO.

*Resignatio sui, Divinae voluntati
gratissima Deo.*

Nihil Deo gratius offerri potest,
reignatione propriæ volunta-
tis, quia homini nihil est chari-
us ipsa voluntate & arbitrij libertate.
In institutione Spir. t. cap. 2.

*Resignare se homo debet Deo, tam
in prosperis, quam in adversis.*

Si voluntas Dei tibi dulcis, quando
Scie Deus sanum esse, & vivere vult:
amara verò est, quando te vult infir-
mum esse & mori? nondum plenè re-
signatus es, nondum habes cor satis
rectum. Sine Deum agere tecum,
quod volet, & ut volet in vita &
morte in tempore & æternitate. *In
Speculo Spirituali cap. 9.*

*Resignatum sibi Deus nunquam
deserit.*

Citius Cælum cum terra periret,
Quàm Deus hominem se se illi re-
signare.

signantem permittentemque & benignitati ejus humiliter confidentem, abijceret, aut desereret; *In Tabella spirituali.*

Resignatus Deo immobilis est.

SI verè patientes & resignati fuerimus, nihil nos neq; rerum temporalium amissio, neq; propinquorum, charorum, vel affinium obitus, neq; infirmitas neq; ignominia, neq; mors, neq; vita, neq; Purgatorium, neq; Dæmon, neq; infernus ipse perturbare, aut inordinatè contristare poterit: eò quòd nos ipsos ex vero amore Divinæ resignaverimus ac subijcerimus voluntati & beneplacito. *In Dictis Patrum cap: 12.*

Resignatio sui, in ariditate & distractione est utilis.

SI quando sentias, naturæ torporem, inæstuiam, & grave pondus: teq; gustu appetitione, atq; impulsu erga res spirituales destitutum, itemq; miserum, inopem, desolatum, atq; sine

ulla consolatione relictum esse à Deo,
 & quodam erga quævis, tam interna,
 quàm externa, exercitia tadio labo-
 rare? nihil hinc animo conitereris:
 sed Domini manibus te permittens ac
 resignans, illius ores fieri voluntatem,
 & quod ad ejus sit honorem. *In Far-
 rage Inſtit.*

*Resignans ſe Dei voluntati in extre-
 mu, evadit omnes penas in futuro ſeculo.*

N Vllum exercitium in extremis.
 Neſſe poteſt, quàm ut quis ſeipſum
 ex pura dilectione, ex integro Divinæ
 voluntati reſignet & cum perfectâ ſui
 reſignatione, ad omnem penam pro
 honore Divinæ juſtitie tolerandam,
 animo ſpontaneo offerat: ipſe neq;
 infernum, neq; purgatorium ſubibit,
 etiamſi ſolus omnia totius mundi pec-
 cata commiſſet. *In Conſol: Ruſſi: de
 bona & ſelici morte:*

Reſignationis formula.

D Omne ſicut ipſe ab æternitate
 voluſti, ita fiat, & non ut ego
 volo.

volo. Fiat in me & de me atq; homi-
nibus & negotijs omnibus gratissima
voluntas tua, nunc & in ævum sempi-
ternum. *In Specul: Spirit: cap: 9.*

S A N C T I.

*Vident, non tamen comprehen-
dunt Deum.*

Quilibet Spiritus beatus, viden-
do essentiam Dei, videt, co-
gnoscitq; omnia quæ con-
cernunt perfectionem propriæ gloriæ:
videt & cognoscit, quidquid videre ac
scire desiderat. Non autem videt o-
mnia, quæ sunt & relescent in Deo:
Nam si creatura cognosceret omnia
quæ sunt in Deo, comprehenderet
Deum, quod nullo modo fieri potest:
eum illa sit finita, Deus autem infini-
tus. Vnde nec ipsa quidem Creatu-
rarum omnium Beatissima videlicet
Anima Christi comprehendit Divini-
tatem, sive infinitam Dei essentiam.
Ergo solus increatus Deus seipsum

222 Flores Sententiarum.

plenè comprehendit, atq; cognoscit. s.
In *Antonii Spirid. cap. 14.*

Non omnes equalitèr vident Deum.

Quo quis in Cælo majoris meriti
est, & Deum ardentius amavit:
& limpidius ipsum intuetur; & plura
in eo cognoscit. Ibi gloriam Dei, quæ
omnibus communis est, unusquisque
haurit pro sua mensura, & quilibet
plenus est. *Ibid: ut supra.*

*Vident omnia, quæ spectant ad sta-
tum illorum.*

Sancti in Cælo clarè contemplan-
tur Deum, prorsus vident Deum,
sicuti est: Nam nisi illum ita cerne-
rent atq; cognoscerent. Beati non es-
sent. Videndo autem Deum facie ad
faciem, Deo excellentissime uniuntur.
Et quia unum sunt cum Deo, qui o-
mnia scit & potest, ipsi quoq; in illo
sciunt, & possunt omnia. quæ ad eo-
rum spectant gloriam. *In Spec. Spirit.
cap. 11.*

Item.

Item.

Sancti in cælo cognoscunt perfectè
veritatem: cognoscunt omnium rerū
naturas: vident ac sciunt, quidquid
ad totius mundi ordinem decoremq;
pertinet. *In Monit. Spirit. cap: 14.*

Item.

Animæ Sanctæ in cælo, quia intus
claritatem Dei vident: nullo modo
credendum est, aliquid foris esse quod
ignorent. *Ibid. ut supra.*

*De Sanctorum eximia pulchri-
tudine.*

Tanta pulchritudo est infimi Civis
cælestis, ut totius mundi pulchri-
tudo sensibilis in unum collecta illi
comparari nullatenus possit. Claritas
ejus longissime excedit meridianam
visibilis Solis claritatem, *In Monit. Spi-
rit. cap: 14.*

*De satietate Sanctorum ex Visione
DEI.*

IN futuro sæculo, qui ad Deum per-
venient, veris solidisq; delectatio-
nibus

nibus perfruentur. Non indigebunt corruptibili cibo & potu, qui Deum possidebunt, pleni enim Deo erunt, Deus erit illis cibus, erit potus, erit quidquid optaverint: omnia in eo habebunt, cujus visione satiabuntur. Videbunt semper: satiabuntur semper; & semper videre, semperq; saturari desiderabunt, & sine fastidio satiabuntur. *In Canone vita spirit: cap: 34.*

Sancti, non tristantur de suis in inferno sepultis.

IN regno celorum Parentes, licet aspiciant filios suos in inferno damnatos: nulla tamen compassione moventur erga illos: sed optime contenti sunt videntes eos cruciari; tanquam inimicos. *Christus ad S. Catharinam. Blosius in Menil: spirit: cap: 14.*

SCRUPULI.

Omnino sunt repellendi.

INordinatum mœrorem, vitiosam animi dejectionem, superfluos cō-

scientiæ

Scientiæ scrupulos, intempestivas perplexasq; confessionis semel factæ repetitiones, & cæteras hujusmodi mentis inquietudines (quæ spiritualẽ profectum plurimum impediunt) repelle. Non placet Deo ut ita sim9 anxij, quasi actum esset de salute nostra, dum levitè offendim9. *In Canone vitæ Spirit: cap: 13.* *Item.*

Cum te peccasse jam pæniteat, & doleas quod unquam Deum offenderis, proponas deinceps Illi servire, & eum amare, atq; delicta tua rirè confessus sis: bono animo esse, pacemque cordis habere debes. Crede Domino qui Sacerdotibus confessiones legitimè recipientibus, dicit. Quæcunque solveritis super terram erunt soluta & in celo. *In Spec: Spirit. cap: 2.*

Item.

Reijce superfluos, atq; inanes scrupulos: hi enim illuminationem internam prohibent & conscientiam (quã fide, spe, & charitate ornatam esse oportet) formidine, anxietate, privataq;

toq; amore deveniunt. *In Spec: Spir. cap: 10.*

Scrupulosi, ob defectus qui vitari non possunt, turbari non debent.

Propter eos defectus, quos nullâ ratione in se devincere potes, non perturberis: sed se Deo resignans reputes illos velut simum esse, quo conspersus ager animæ tuæ uberiorem fructum profert. *In Insit: Spirit: c. 8.*

Item.

Semel diligenti facta confessione omnium peccatorum tuorum: semel habito proposito nihil reticendi in confessione. quod noveris confitendū: deinceps sta in pace, & rejce in os Diaboli scrupulos omnes. *In Consol: Pusill. L'assergius In interna alloc.*

Consolatio scrupulosorum & remorsum Conscientiæ habentium.

Solet Diabolus circa pænitiæ luctum, & circa alia omnia pænitentibus servis & Ancillis insidias ponere, ut pleriq; efficiantur scrupulosi. *id. eorum*

terum atq; iterum eadem confitentes :
ita ut nunquam ad tranquillitatem
aliquam poſſint venire. Nam de con-
feſſionibus ſuis omnibus diffidunt .
dum circumſtantiã aliquã , vel pec-
catum inveniunt neglectum , cujus in
priori confeſſione non fecerunt men-
tionem : unde & ad confitendum de-
nuò compelluntur . Hi ſemel gene-
rali confeſſione factã , debent hanc in-
quietudinem irrationabilem poſtponere .
Neceſſe omnino eſt , ut alicujus
ſpiritualis & diſcreti Patris vel cõteſ-
ſoris conſilium ſine aliqua hæſitatione
humiliter ſequantur , eiq; ſicut Deo o-
bediant proprium iudicium , pruden-
tiam , ſententiam , atq; etiã propriam er-
roneam conſcientiam relinquentes .
Non enim hoc deſiderat Deus , neque
placet illi , ut tu verſeris ſemper in ſor-
dibus , & inquineris affidẽ reuolven-
do peccata tua . Deo ergo te ſecurè
permittle , ubi ſemel cum omni dili-
gentia conatum adhibueris , ad confi-
tendum ſingula peccata tua .

Exerci-

Exercitium tuum sit, benè de Deo sentire, & credere quòd nolit te condemnare: quia revera quemlibet se corrigere volentem, & non desperantem damnare non vult. Sufficit tibi quòd peccasse doleas, quod peccare deinceps nolis. Iam in statu es salutis, quid trepidas? Quando ramen aliquod peccatum mortale certum ad memoriam redit, ante non confessum, tu illud cum omni tranquillitate confitere. *In Consol: Puffl. Lansberg. In interna alloc. Christi ad animam penitentem.*

S O M N I A.

Impura, fæda, obscena, non sunt peccaminosa.

SI dormiens, miseram illam colluviem, aut aliquid minus honestum passus fueris: ne collabaris animo. Neq; enim tibi imputabitur, modo evigilans & rationis compos factus, illud quòd sordidum est abomineris. Tibi unquam non imputabi-

tur quantumvis, per impuritatem vitæ prioris occasionem eorum, quæ nunc pateris, videamus dedisse. Iam autem præteritorum peccatorum sarcinam per salutiferam confessionem deposuisti: jam te pœnituit antea actæ conversationis, & eam corrigere studes. Igitur nihil istiusmodi te à stabilitate sanctæ fiduciæ præcipitet. In *Canone vitæ Spirit: cap: 5.*

Item.

De somnijs nihil metuas. quidquid tibi egeris, quidquid passus fueris dormiens: si ante & post somnum (quando rationis compos es) tibi displicet, nequaquam venit tibi imputandum. Licer per malè actam vitam atq; conversationem priorem tibi occasionem dederis. Iam tamen, quia illius conversationis te verè pœnituit, & melius vivere studes, non eris reus eorum, quæ pateris: si modo voluntas non consentiat. In *Consol: Pusill: Langberg.*
In *Interna allocutione Christi ad animam peccatricem:*

Item.

Item.

Si inter dormiendum quando ratio ligata est passus fueris carnale aliquod somnium: vel pollutionem: id animæ tuæ non oberit, nisi ipsi evigilanti, & ratione ac voluntate libere utenti placeat. *In Diſſis Patrum cap: 85.*

Somnijs non credendum.

Somnijs & visionibus non incaute fidem adhibeas. Nam Diabolus facile decipit eos, qui talibus innituntur, & ea expetunt magniq; faciunt. *In Inſtit: Spirit: cap: 8.*

E ſomno evigilanti quid faciendum.

Post ſomnum ſurgendo, debes te Crucis ſigno munire, Deoq; commendare: debes deſiderare ac petere: ut quidquid illo die facturſ, dicturus, & cogitaturus ſis, cedat ad æternam Dei laudem & gloriam. *In Monit Spirit: cap. 9.*

Item.

Mane ut è ſomno excitatus fueris,
tuam,

etiam primam cogitationem, tuam intentionem, ſenſuſq; tuos ad Deum cum amore & gaudio convertere. coſveſcas: ut Divinæ viſitationis atq; gratiæ capax efficiaris. *In I ſtu ſpiritu: cap: 8*

TENTATIO.

Cur Deus ſuos tentari permittit.

Permittit nonnunquam Deus ut fideles ſibi, atq; amici ſui, deſperatione, vel alijs horrendis planèq; infernalibus tentationibus, pulſentur: ac longo divexentur tempore: ſed hoc ex ingenti erga eos amore facit. protegens interim illos ac ſuſtentans ne deficiant, *In Specul. Spiritu. cap. 1.*

Tentare nos ſupra vires noſtras non permittit Deus.

Deus conſcius infirmitatis humanæ diligentiffime moderatur tentationes Electis ſuis occurrentes, ne magis ingraveſcant quàm illi ferre poſſint:

sint : quemadmodum amantissima aliqua Mater nudans infantem suum ad ignem , inter ipsum infantem & ignem manum sedulo continet, ne ille nimio calore lædatur. *In Instit. Spirit: cap. 8.*

Item

Deus ex immensa dilectione sua dat & donat electis suis afflictiones : semper tamen humanæ naturæ fragilitatem attendit, cui ex amore & iustitia, nihil supra vires sibi bene perspectas imponere potest. *In Append. Explicationu Passionis Dominicæ.*

Homo omni ætate, in omni loco tentationi expositus.

Nonnulli in initio conversionis suæ : alij in uitæ medio : atq; alij in senectute gravius tentari permittuntur. Hinc Mater Dei S Birgittæ ait : Tu miraris, cur in senectute tentationes tibi accrescunt , & eas modo sentias, quas nec in juventute, nec in conjugio experta es. Hoc ideo fit, ut cognoscas te nihil esse, & nihil posse
fine

sine Filio meo. Nisi enim ille te servasset, non est aliquod peccatum tam grave, quod non commisisses.

Vnde S. Catharina Senensis Dei permissione, pluribus diebus acerrimè divexata fuit carnalibus tentationib9. Nam maligni Spiritus eam, non solum per obsecnarum cogitationum immisiones, somnorum illusiones, sed etiam per manifestas apparitiones se se oculis & auribus ejus ingerebant. Effingebant imagines virorum & mulierum in conspectu ejus se mutuo turpissime amplexantium, illamq; gestibus, verbis, & actibus valde inhonestis, provocantium ad libidinem & luxuriam. Ad hunc modum castissima Virgo cogebatur audire atq; videre id, quod maximè horrebat: & licet oculos clauderet, nihilominus perdurabant spurcissimæ & abominandæ illæ imagines. *In Monil. Spirit. c. 4.*
Tentationibus tempestivè obviandū.

ADversus eas tentationes, quibus Diabolus mentem ad indecentia
& VI.

& itiosi inclinare nititur, etiā toller er vigila: & ipsas statim in initio, priusquam interiora tua occupentur, rejicere satage. Nam nisi mox primo insultu adversarium repuleris, ingressus intro, repentē animam tuam vinculis injectis colligabit: & tū deinceps libertate viribusq; destitutus, ægrius resistes, verum tamen & si negligenter egeris, & ille vincula injecerit; ne sic quidem dedas te: sed reclama, & vel reptando super terram, renitere. *In Speculo Monachorum.*

Tentatori contra fidem quomodo resistendum.

SI inepta aliqua insusurraverit, de Prædestinatione; aut de alijs Sanctissimæ Trinitatis consilijs, atq; judicijs, quæ à nobis perquirri non debent. Tu speretis & consputis canis impuri latratibus, converte te ad Deū, & ejus dispensationi, ac pierati omnia committe: prorsus persuasum habes illum tuæ salutis esse desideratissimum. *In Canone vitæ Spirit. cap. 5.*

In tentationibus carnis quid agendum.

QVando pravam aliquam tentationem, aut fœdam imaginem, vel ineptam lætitiã, in cor tuum illapsum esse, & impurum affectum suboriri sentis: erubescere, & simpliciter, celeriterq; inde te averte: reflectens mentis oculus ad Deum, aut ad alia minimè noxia: vel etiam signum Sanctæ Salutiferæq; Crucis tibi imprimens. *In Specul. Spirit. cap. 5.*

Item.

Ipsum Satanam impia vel fœda suggerentem contemne. Oppone Salutiferum Dominicæ Crucis signum: & cogitationem tuam à pestilenti suggestionem avertens, pium aliquid apud te pertracta, vel dic.

Obmutesce os impudens: abi scelestes cum tua impietate, tuaq; spurcitia: ego te non audio, nihil mihi tecum infelix. Deo quoq; dicito. Domine adjuva me: ego enim malem milles mortem

mortem subire, quàm te offenso, etiàq;
gratiâ perditâ, malè vivere. *In Canon.
vita Spirit. cap. 5.*

Item.

Quando aliquis impijs in Deum ac
Divina blasphemijs aut alijs indignis
suggestionibus intus pulsatur : sæpe
melius vincet, si illas negligendo atq;
contemnendo mox signo Crucis edi-
to, cogitationem suam ad Vulnera
Christi, sive ad alia Sancta & conveni-
entia traxerit : quam si multis ratio-
nibus, cum talibus contendere, disce-
ptareq; voluerit. *In Enchirid, Parv: In
Corollar. Append.*

Tentationes vincendi modus.

SI Sanctissimam Vitam, Passionem,
& mortem Domini Iesu, in memor-
ia nostra cum amore gestaverimus?
facile carnem & sanguinem, mundum
Diabolum, ejusq; tentationes vince-
mus. *In Dictis Patrum cap. 18.*

Item.

Scito adversarium tuum, dum fæ-
da,

da, impia & abſurda quæq; ingerit? ſæpè felicius vinctes, ſi contempſeris, & nihil feceris ejus latratus: ſicque pertransieris, quàm ſi cum eo diutius diſceptare & iniquum os magno labore obturare paraveris. Dum tamen nimium importunus eſt, & ſemel ac de- nuò repulſus, iterum, atq; iterum in- ſilit? omnino conſerendæ ſunt manû: ut vel certamine ſuperatus auſugiat cum opprobrio. *In Specul: Monach.*

Item.

Blasphemias, ſædas, horrendaſq; & infernales tentationes, quas conſuevit Diabolus ſuggerere, non pluris faci- as, quàm muſcas circa ſe volitantes: mox avertas te ab illis. Si vehemen- tius importuniusque infeſtant? ſigno Crucis edito, invoces Deum & dicas,

Domine conſerva me immaculatū coram te, ego malim mori milles, quàm huic iniquitati, huic peſſimæ ſuggeſtioni conſentire. *In Inſtit. Spirit: cap. 8.*

Item.

Mirè etiam valet Salutatio Angelica, piè lecta, & Sanctorum invocatio: metus item & horror amittendi gratiam Dei: diligens quoq; cōsideratio, quidnam sit separari à Deo, & cunctis amicis ejus: atq; cum Diabolo æternis supplicijs in inferno affici. In Spec. Spirit. cap. 1.

Tentationes premium augent.

Carnis irritamenta, & vitiorum insidius, quibus impetiti sedulo renitentur, virtutem non adimunt, sed perorant, meritum adaugent. In Canone Spirit. cap. 33

Tentationes, Martyres faciunt.

Pleriq; admodum pijs homines, & tentationibus hujusmodi ita devexantur, ut nec unquam unam orationem Dominicam, vel Salutationem Angelicam, al sç; Diabolicis susurrjs explere possint. Illi incredibilibus angustijs prelli, se quidem multorum criminum reos esse putant sed corâ Deo Martyres sunt præclari propter
 illas

illas pressuras & afflictiones. In Spec.
Spir. cap. 6.

*Tentationes, quibus non consentimus
non confitenda quia peccata
non sunt.*

PECCATA qui perpetravit, confiteri
Sacerdoti debet: sed tentationes
quibus non consentit, non sunt pecca-
ta admitta. Aliud est enim sentire in
se malum; atq; aliud consentire ma-
lo. In Brevis Regula Tyranni Spiritualis.

Item.

Etiamsi sentires gravissimos vitio-
rum motus, sed ijs non consentire. etiam
immundissimæ imagines, vel
inauditæ adversus Deum & Sanctos
ejus Blasphemix se se cordi tuo contra
voluntatem tuam assidue ingererent:
non contaminarent, sed repurgarent
animam tuam, eiq; admirandas coro-
nas in cælo pararent. In Specul. Spir.
cap. 6.

Item.

Si quando Blasphemias aut execrã-
das

das cogitationes contra me Sanctosq;
meos in cor tuum Diabolus immise-
rit, noli propterea perturbari aut ni-
mium pusillanimis esse. Nam quam-
diu consensum animo deliberato non
præstas, magistralia pateris quàm agis.
Cum hæc tibi tristitiam & afflictionē
potius ingerant quàm delectatio-
nem, nullo modo formidanda sed nec
Sacerdoti confitenda sunt. *In Consolat.*
Pusill. In interna alloc. Christi ad animam
peccatricem, Lanspergius.

Item.

Si te persequitur Diabolus: si suis
sordibus Spiritum tuum affligit: si ea
quæ aliquando admisisti, jam invitus
tolerare cogeris: id te non perturbet,
Quidquid præter voluntatem tuam
sustines, non te perdet, neq; Deum ti-
bi reddet offensum. Oportet enim
esse peccatum voluntarium: quod si
voluntarium non est, etiam peccatū
non est. Resiste, renitere: volunta-
tem tuam à consensu serva liberam,
& sine deinceps Diabolum atq; car-
nem

nam furere. *In Canone vita Spirit. c. 5.*

Item.

Si aliquis pruritus illecebrarum carnem titillaverit, repugna ratione. Felix omnino esſes, ſi motus indecentes non ſentires: ſed & felix eris etiam ſi ſenſeris, modo non conſentias. *In Canone vita Spirit. cap: 30.*

Conſolatio anima tentata.

Permittit Deus te illa (ut ſupra) ſentire: eaq; tibi moleſta eſſe: ut purgeris, non autem inquineris. Idcirco illa Diabolus excitat, ut dum his conariſ reſſitere, retarderis & impediaris à guſtu charitatis Dei, ac nimium conſternatus non audeas accedere ad Deum. Gaudet ille dum ſcrupulis & perturbationibus involveris, ſed tu noli talia timere: noli ad ea reſpicere, noli reſpondere, noli repugnare, noli advertere: imovero quali nihil ſenſeris imperturbatus perge in tuiſ exercitijs: prætereundo & contemnendo huiusmodi incidentias, velut canum latratus. aut anſerum ſibilos.

K 3

Nam

Nam si reniti, disputare, discurrereq;
volueris? tu illas magis semper tuæ
memoriæ imprimes, grandq; te per-
turbationi involves. *In Specul Spiritu*
cap. 6.

TRINITAS.

Trinitatis Mystrium ineffabile.

Non nisi sobriè loquaris de My-
sterio altissimæ TRINITATIS:
quia tam impossibile est, ut ho-
mo illud explicet: quam impossibile
est, ut homo in terra stans, cælum di-
gitto contingat. *In Specul: Spir: cap: 10.*

Non investigandum curiose.

NE temerè investigates, neq; curio-
sè loquaris de Mysterijs altissimæ
atq; incomprehensibilis Trinitatis;
sed veram integramq; de uno Deo in
tribus Personis fidem simpliciter reti-
neas.

Item.

Majestatem Summæ Divinitatis,
atq; Trinitatis ultra, quam par est, in-
vestiga-

vestigare, & incomprehenſibilia Dei
Iudicia temerè diſcutere non præſu-
mas, ſed pia mente venerando ea quæ
non intelligis, ipſum juſtum Domi-
num nihil injuſte facere vel permit-
tere, indubitanter crede. In *Uchirid:*
Parrul. lib: 1. In Append: Documenti 12

*Quomodo credendum de hoc
Myſterio.*

QVando mentem tuam ſubit ado-
randæ Trinitatis memoria: non
fabrices tibi more Ethnicorum tres
Deos: ſed crede Patrem, & Filium,
& Spiritum Sanctum eſſe unum Deum,
qui eſt interna plenitudo eſſentiæ, vi-
tæ; & omnimodæ perfectionis. Cre-
de inquam tres increatas Perſonas eſ-
ſe, unam Deitatem, unam Subſtanti-
am, ſive eſſentiam, creaturas omnes
transcendentes. In *Speculo Spirit: c. 10.*

*Sanctiſſima Trinitas quomodo eſt
Pater noſter & nos filij ejus.*

Pater, & Filius, & Spiritus Sanctus,
ſive tota Trinitas, eſt Pater noſter:

K. 4

Noſq;

Nosq; si boni sumus, filij Dei sumus.
non quidem per naturam sicut Deus.
Dei Filius, sed per gratiam & adopti-
onem. *In Enchirid. Parvul. lib: 2. c. 10.*

VITA HUMANA.

*Vita austeritas, in quo con-
sistit?*

Non debes pusillanimis effici,
nec putare te remotum esse, à
Deo propterea, quod forte ne-
quis magnam vitæ austeritatem præ-
stare; vel quod ad eam sectandam,
minime sentis te intus trahi atq; com-
pelli. Neq; enim in illa consistit ve-
ra perfectio, veraque sanctitas: sed
consistit in propriæ voluntatis ac vi-
tiorum mortificatione, consistit in ve-
ra humilitate, atq; charitate. *In Specu-
lo Spirit: cap: 7.*

Item.

Non legimus B. V. Mariam Dei ge-
nitricem, tam rigidam duxille vitam,
quam rigidam duxit Vidua Iudith.

Et ca.

Et tamen longe perfectior fuit, quam ipsa Iudith. Aliam vivendi rationē Beatus Ioannes Baptista secutus est: atq; aliam S. Ioannes Evangelista: & tamen quia uterq; humilis erat, ac Deum proximumq; verè diligebat: uterque Deo maxime placuit. *In Speculo Spirit: cap: 7:.*

Item.

Cilicium, durities lecti, esus panis, potus aquæ, flagellatio corporis, ac similia pro Dei honore pure peracta: ipsi quidem Domino placent. Verum tamen verus Dei amor hominem multo viciniùs Deo coniungit, & carnis petulantiam citius efficaciusq; compescit ac superat. *In Instit. Spirit. c. 2.*

Vita austeritas commutanda in aliud opus bonum.

PRO vitæ austeritate, quæ tibi deest: potes offerre Deo Patri jejunia, vigilia, tribulationes, & acerbissimā Passionem Christi. *In Specul. Spiritual: cap. 7.*

K 5

Item.

Item.

Non hi duntaxat ad Deum perveniunt, qui vel diu sanctè vixerunt, vel magnam vitæ austeritatem præstiterunt: sed quicumq; cor contritum & humiliatum exhibent, ab ipso clementer respiciuntur suscipiunturq; , quantumvis etiam modico tempore bene vixerint. *In Canone vita Spirit: c. 37.*

Vitæ emendatio non differenda.

Consultissimum est, non in longum proferre correctionem vitæ; sed protinus ad vocem invitantis Domini exuere veterem hominem cum factis suis & concupiscentijs: ne toties non auditis Dominus, vicissim non audiat nos clamantes ad ipsum. *In Consol: Pusill. In præclar: Discus de misericordia Dei.*

Item.

Quamvis Deus promittat peccatori verè penitenti misericordiam, non tamen promittit in peccatis perseveranti veram penitentiam nec longam vitam. *In Monit: Spir. c. 1: Item.*

Item. *de vita & morte*

Quamdiu durat vita hæc, spes est misericordiæ. Ergo dum vivis implo-
ra Domini misericordiam, & corrige
te. *In Consol: Parvul. in Dictis præclaris.*

Vita diuturnitas non optanda.

SI quis diutius cupiat vivere, ut
plura sibi possit coacervare merita:
id quidem valde incertum est, utrum
merita vel potius debita sibi cumula-
turus sit. Plerumq; cum ætate etiam
peccata augmentur: multoq; plures in-
venias, qui deteriores, quàm qui meli-
ores fiant. *In Consolat: Pusill, Henricus
Suso.*

*Vita humana etiam minus perfecta
Hominis, solatium.*

Quid turbaris o homo bonæ vo-
luntatis, atq; animo deijceris,
quod virtutes perfectè pro voto tuo
absq; omni defectu & impedimento
tempore hujus exilij exequi nequeas:
sed quotidie, vel etiam continuè invi-
tus & contra voluntatem tuam in im-
perfectis

perfectiones labaris. Nam & excellētissimi Apostoli, ceteriq; Sancti & amici Dei, ipsas quidem omnes virtutes volebant atq; appetebant seu desiderabant: sed in ista vita sine aliqua imperfectione præstare non poterant. Vnde & dicebant: In multis offendimus omnes. *Iacob: 3. In Consol: Pat. yull. Quidam Dei amicus.*

VOLUNTAS HUMANA.

*Voluntas humana in libertate
consistit.*

Libertas voluntatis est in hominis arbitrio sita: adeo ut si quis etiam multis jam annis ob sua crimina damnationi adjudicatus esset: posset tamen per liberam voluntatem avertendo, sc. à peccatis, & ad Deum justiciamq; convertendo, redire ab illa damnationis sententia, ad felicitatem æternam. Vnde S. August: dixit. No-

vit Deus mutare sententiam, si tu no-
veris mutare delictum. In Consolatione
Rusillan.

*Voluntas humana bona quæ dici
debeat.*

Si semper Deo placere verè deside-
ras, & omne peccatum, quantum
in te est, fugis, & omne tempus fru-
ctuose transigis: si deniq; honorem,
laudem, & gloriam Dei in omnibus
purè spectas & quæris: semper De-
um laudas & oras. Ista est bonæ vo-
luntatis plenitudo. In Farraq: Institut.

Voluntas Deiformis. Quæ?

Voluntas Deiformis, seu Deificæ
est: quæ quidquid volumus, pu-
rè ad Dei gloriam volumus. In Dictu
Patrum cap: 20. Rusbrochius:

*Voluntas humana, Voluntati Di-
vine conformanda.*

Etiam si, jam jam tibi ex hac vita
emigrandum esset, & pulchritudo
Divinæ justitiæ exigeret, ut post mor-
tem longo tempore in purgatorio de-
tineris:

tinereris: tu in hoc quæq; voluntatem
& dispositionem Dei libenter pro ho-
nore Dei amoreq; ipsius amplecti de-
beres. In Tabella Spirituali.

*Voluntas Divina, voluntati huma-
na præferenda.*

Quando metu pænæ, aut amore
virtutis, gloriæve cælestis move-
mur ad agendum boni quidpiam:
bonum quidem hoc est, non tamen
est perfectum. Quum Voluntas Dei
infinite præstantior sit, quàm nostra:
par est, ut illa magis nos moveat, quàm
nostra propria. In Appendice usuli Tabel-
le Spirituali.

*Voluntas bona obnixe à Deo
petenda,*

Non contristeris, si Deus in hac vi-
ta te minimè provehit ad subli-
mem contemplationis gradum: sed
roga eum instantèr, ut det tibi bonam,
humilem, resignantemq; voluntatem.
In Scrinio Spirituali cap. 70.

Volun-

*Voluntatem bonam Deus acceptat
pro facto.*

SCito & memoriæ commenda pro consolatione. quod quam diu verè cupis & conaris benè agere ac placere Deo: & voluntatem tuam ab eo non avertis, sæpiusq; doles atq; ingemiscis propter imperfectionem tuam, multiplicesq; defectus tuos: ipse Deus hæud dubie pro ineffabili bonitate & charitate sua reputat exercitia atq; opera tua, digna æterna remuneratione. *In Farrag. Institut.*

Item.

Si pauper magna Deo offerre nequit, libentè offerat vel parva, bonam promptamq; voluntatem exhibens, & pium desiderium potiora offerendi habens. Nam habere, aut etiam velle habere hujusmodi sanctū desiderium, res est non parva, sed eximie, magnifice coronanda à Domino. qui bonam voluntatem pro opere, vel operis perfectione suscipit, quando

do opus siue perfectio operis præstari non potest, quique gemitum etiam minimum pro bono Spirituali pie emissum, grandis mercede donat. *In Enchir: Barvul: In Append. Documenti 3ty.*

Item.

Dum boni quidquam facere ex animo desideras, & non vales, Deus bonam voluntatem tuam pro opere suscipit, *In Speculo Spirit, cap: 7.*

Item.

Quando vis quidem & desideras aliquid boni perficere, sed non potes istiusmodi sancta voluntas, tanquam ipsum opus à Deo suscipitur: si verò operari potes, & non operaris: jam nec voluntatem quidem operandi habes. *In Canone Spirit. cap: 33.*

Voluntatis propria abnegatio, quantum sit meriti coram Deo.

Qui relictâ propria voluntate facit humiliter ad honorem Dei, voluntatem alterius in re licita, magis Deo placet, quàm si multo tempore corporu-

corpufculum ſuum pane & aquâ tantum ſuſtentaret, aſperisq; flagellis cruciaret ex voluntate propria. *In Coroll: Tabella Spirit.*

Voluntas propria ſola infernum conſtituit.

Sicut Deus nihil à nobis æquè exigat, ut propriæ voluntatis reſignationem mortificationemq; ita nihil in nobis magis odit, quàm ipſam propriam voluntatem, quæ ſola infernum conſtituit. Si enim propria voluntas non eſſet? etiam infernus non eſſet, *In Coroll: Tabell: Spirit.*

Item.

Quotquot in inferno flammis inextinguibilibus cruciantur, propria voluntate pleni, & Sanctæ Dei voluntati contrarij ſunt: at in Cælo omnes Beati Divinæ voluntati perfectiſſimè dulciſſimèq; ſunt uniti, omnes ſunt, una vita cum Deo, & unum cum voluntate Dei. *Ibid: ut ſupra.*

Item.

Apud inferos, ſi quis propriæ mor-

CUUS,

234: Flores Sententiarum.

tsus esset voluntati, in liberrimam
voluntatem Dei? is utiq; non arderet.
Et in cælis si quis propriæ esset volun-
tatis contra voluntatem Dei, is certè
non beatus, sed miser & infelix foret.
In Coroll. Tabell. spiritual.

Item.

Sola propria & mala voluntas (quæ
omnium peccatorum fundum est) in-
fernum constituit: tolle illam & in-
fernus non erit. *In Manil. spirit. cap. 7.*

Dogmata CHRISTI nū: 27.

In interna allocutione, ad ani-
mam pœnitentem, & melius
vivere cupientem.

*Ex scriptis Ioan: Larspergij Car-
thusiani. Blosius in Consolatio-
ne Pusillanimum posuit.*

TV Filia, omnem inordinatum
amorem, reijce, & mihi toto
corde placere desiderans, stude
esse Sancta, quoniam ego Sanctus sum.
imo. Nullum peccatum, quantum.

vis etiam leve & exiguum, animo deliberato admittas.

2. Fuge peccati occasiones, quantum potes.

3. A superflua hominum familiaritate, superfluisq; colloquijs: & ab inutilibus otiosisque occupationibus, prudenter te abstrahere. Solitudini & silentio vacans: tempus quoq; utiliter ad honorem meum expendens.

4. Devotè exercere in vita & Passione mea, planta floridam arborem, crucis meæ in corde tuo.

5. Ad me Crucifixum Sponsum & Deum tuum frequentèr aspira per crebra verba, vel desideria amoris.

6. Ambula coram me cum sancto timore & reverentia, credens me ubique præsentem esse, teq; incessantèr intueri.

7. Sensus tuos: & linguam tuam, diligentèr refrena atq; custodi.

8. Si multiloquium amas? non poteris proficere.

9. Sobrietatem & continentiam, rationabilem amplectere.

10.

236. *Flores Sententiarum,*

10. Vanitatem & pompam superbiz devita.

11. Sensualia oblectamenta & illicitas voluptates non secteris: sed quantum tibi possibile est, serva te ipsam immaculatam.

12. Viriliter certa adversus vitia & ora me attentè, ut pravas passioncs, atq; inclinationes tuas vincere & frangere possis.

13. Nihil horum, quæ bene facis tibi adscribas, nec aliquid de bonis meis usurpes: quia ex te ipsa nihil habes, nisi peccatum quod prope tuum est.

14. Non cupias vanè alicui mortali homini placere.

15. Opra nesciri, potius quàm cognosci, & contemni magis, quàm laudari.

16. Non aliquid te esse existimes, nec opera seu exercitia tua apud te magni pendas: sed omnium ingratissimam te, & vilissimam esse reputa sine fictione.

17. Deprime & humilia te infra
omnem creaturam propter me.

18. Omnes homines etiam omnes
qui te persequuntur, sincerâ charita-
te dilige, & omnium salutem desi-
dera.

19. Nullum despicias.

20. De nullius salute desperes.

21. Nemini detrahas.

22. Neminem judices.

23. Si quid in alijs vides: & quæ
de aliorum statu audis, interpretare in
meliorem partem.

24. Propriam voluntatem omni
studio in te mortifica: & meam vo-
luntatem singularitè ama.

25. Mei amore libentè & prom-
ptè obedi hominibus in his quæ lici-
ta sunt.

26. Relinque proprium sensum, &
abnega temetipsam in omnibus.

27. Securè committe, & crede te
providentiæ meæ, & spera in me fir-
missimè in omni tentatione, periculo,
ac necessitate: quia mihi cura est de
te,

te, qui tibi tam diligentè intendo;
quasi tu sola esses in toto mundo.

PROTESTATIO.

Ante mortem facienda.

EGo peccator indignissimus, redemptus pretiosissimo Sanguine Domini Iesu Christi, profiteor palàm, me sincero corde ignoscere omnibus, qui quovis modo mihi injuriam vel molestiam aliquam unquam intulerunt: & humiliter rogo, tam præsentibus, quàm absentes omnes, ut mihi vicissim ignoscant, & dimittant, si in aliquo eos offendi.

Agnosco me hætenùs non vixisse purè nec sanctè coram Domino sicut vivere debueram: agnosco scelera mea multa nimis: agnosco culpas meas, & negligentias meas infinitas: agnosco, quidquid malè per vitam meam commisi, & supplici mente à misericordissimo Domino Deo nostro veniam peto: dolens quod unquam.

cum offenderim, & proponens deinceps vitare peccata. Quamvis autem graviter & multis modis hactenus deliquerim, non tamen diffido, de omnipotenti & benignissima misericordia ejus Redemptoris mei: sed spero me per merita Passionis & mortis ejus, non autem per merita mea participem futurum æternæ vitæ, atq; hereditatis. Ego ipsam Passionem ejus Sacratissimam pro refugio, monumentoque firmissimo habeo: ego eam inimicis meis invisibilibus semper & ubiq; tanquam armaturam in expugnabilem obijcio: eam Sanctissimæ Trinitati, pro meritis quæ mihi desunt, & pro perfecta satisfactione de peccatis meis offero. *resigno tibi Pater*

Credo in Deum Patrem Omnipotentem, creatorem cæli & terræ, & in IESUM Christum Filium ejus Unicum, &c. *dicatur usq; ad finem. Amen. Acutus*

Protestor coram ipso Omnipotenti Deo, & coram tota curia cælesti me cupere & velle, in ea fide vitam hanc finire, *inter*

finire, in qua convenit obedientem
Sanctæ Matris Ecclesiæ filium mori.

Protestor me credere universa, quæ
ipsa fides Catholica continet, & quæ
à veris orthodoxisq; Christi fidelibus
credenda sunt. Quodsi vel impugna-
tione Diaboli, vel violentiâ morbi,
pressus, aliquid huic proposito contra-
rium cogitarem, loquerer, aut face-
rem? jam illud revoco, & contestor,
me nullo modo consentire talibus co-
gitationibus, verbis, & operibus.

Gaudeo & gratias ago misericor-
dissimo Creatori & Salvatori meo, cu-
jus ineffabili pietate me in Sancta fide
Christiana morituum confido. In
manus ejus Sanctissimas, animam &
corpus meum, nunc, & in horas
mortis meæ commendo In

Enchiridio Parvull: lib: 2.

cap. 2.




Errores, sic corriges.

Pagina 18 Versu 24. dilection, *lege*,
dilectioni. Pag: 22, v. 20. onim *lege*
enim. pag: 23. v. 18. sicut. *lege* licet.
pag: 33. v. 12. contemplerur. *l.* con-
templemur. pag: 44 v 18. tam, *lege*
iam. Pag: 48 v. 15, contrito, *l.* con-
tritio pag: 49 v 3 posse, *lege* esse.
pag: 60. v. 11. specula. *lege* speculo.
pag: 62. v. 22 inceperit, *l.* inceperis.
Ibidem v. 20. attingit, *l.* angit. pag:
76, v. 14. faucte, *l.* sancte. pag: 103.
v. 15 docerpit, *l.* decerpit. Ibid: v.
12. dligis, *l.* diligis. pag: 106. v. 15.
uon. *l.* non. pag: 108. v. 10. ulurib9,
l. vulneribus. pag: 109. v 3 uarnos,
l. aeuos. Ibid: v 10. iofudit, *l.* infudit
pag: 120 v. 17. firmiter, *lege* firmiter.
Ibid: v. 19. salutis *l.* salutis. pg: 132.
v. 7. illuminari, *lege* illuminati. pag:
133. v. 10. accersitet, *l.* accersiret. Ib.
v. 20. radiuntissima, *l.* radiantissima.
pag: 142. v. 8. perficienda, *l.* perfici-
endaq;. pag: 148. v. 3. Inde, *l.* fide.
pag: 161. v. 12, ufa, *l.* fusa. pag: 180.

v. 3. pemitu, l. gemitu. pag: 215. v.
6. ipsom, l. ipsam. pag: 159. v. 23.
corouet, l. coronet.

O. Beata solitudo
O. sola beatitudo
O. Rex et Propheta
miranda)



Biblioteka Jagiellońska



stdr0027936



